

馮玉祥軍事要電彙編

馮玉祥軍事要電彙編第一編目錄

卷一 軍務

頁數

討張勳告捷通電

一

請于鄧催陝軍速解長安之圍電

二

令方振武速攻長安電

三

令馬鴻逵劉汝明速攻長安電

三

通告各將領各方情形電

四

促劉鎮華就職電

五

告李炳敵我及各方情形電

七

告李鳴鐘六事電

十

告劉驥出兵遲緩原因電

十二

告劉驥前敵及後方情形電

十三

告唐生智豫西軍情電

十五

通告佔領洛陽電

十五

告劉驥軍事佈置情形電

十六

告蔣中正北方大局及任李鳴鐘爲駐寧代表電

十七

告劉宋軍事情形電

十八

覆蔣中正碍難駐徐督戰電

二〇

告蔣中正軍事佈置電

二一

致蔣中正報告攻魯佈署電

二一

致汪譚等報告軍情電

二二

請甯漢政府注意防範靳雲鶚電

二四

告劉驥各方軍情電

二六

請劉李轉告晉閻北伐軍事佈置電

二七

告劉石宋等各方情形及應注意事項電

二七

聲明解決靳部顛未通電

三〇

與李烈鈞論不敢獨當攻徐原因電

三二

請政府會師北伐電

三三

請軍委會會師北伐電

三四

請軍委會速攻徐州電

三五

與李烈鈞論政府應派重兵攻徐州電

三六

請軍委會速飭軍隊北上電

三七

告商震軍事進展實況電

三八

向軍委會報告戰況電

三九

告劉郁芬等大局情形及後方應處置各事電

四一

呈國府報告豫中戰況電

四三

告徐永昌河南戰局情形電

四三

請軍委會迅速派兵攻徐電

四五

令熊斌轉催南京進兵電

四六

請李烈鈞轉請政府速攻徐州電

四七

覆李烈鈞說明東路戰況電

四八

向南京政府告捷電

四九

告閻錫山東路戰況電

五〇

上國府及各友軍報告豫東戰勝通電

五一

告李烈鈞豫東破敵情形電

五二

告閻錫山各路進擊情形電

五三

告閻錫山東路獲勝實況電

五四

告晉閻各方軍情並請出兵擾敵後路電

五五

呈軍事委員會條陳北伐軍事四端元電

五六

請何應欽派兵協攻徐州電

六一

請李宗仁率兵北上電

六二

請國府迅派得力軍隊北上電

六三

請何應欽迅速進兵山東電

六四

請國府轉飭津浦線軍隊積極北攻電

六五

告閩錫山豫東戰勝情形電

六六

勸方振武北上援閩電

六八

通告後方將領前方戰況電

六九

報告東路大戰經過電

七零

通電論應速北伐電

七二

請軍委會注意張門何毛等部電

七五

告劉郁芬等東路戰況電

七六

請南中將領乘時北伐電

七八

上國府軍委會條陳三事電

七九

覆蔣中正說明本軍部署情形電

八一

向中央報告河北戰況電

八三

歡迎李宗仁等派兵北上電

八四

再請李宗仁等派兵北上電

八五

三請李宗仁等派兵北上電

八六

四請李宗仁等派兵北上電

八七

請李宗仁飭棄琪進攻樊鍾秀電

八八

請軍委會速飭兩湖大兵北來助戰電

八九

歡迎白崇禧即日北來電

九〇

通電佔領南苑電

卷二 軍畧

令劉郁芬注意二事電

令孫良誠注意二事電

令孫良誠先固陣地乘機進攻電

令孫良誠勿輕追敵電

告孫良誠用兵要訣電

令門致中等注意八事電

令石友三等佈置防禦工事電

告鄭金聲等奉軍大部不敢西進電

令宋哲元等出師東下電

令孫良誠方振武鄭大章設法偵探敵情電

令方振武偵查敵情電

十

令各將領按相當位置指揮隊伍電

十

令劉郁芬集結後方軍隊電

十一

令孫良誠鹿鍾麟等注意七事電

十二

令各將領講求秘密電

十三

令鄭金聲勿向金鄉猛進電

十三

告張維璽劉汝明明瞭真攻假攻電

十四

令鹿鍾麟注意避實就虛電

十四

告楊虎城戰勝仍須嚴密警戒電

十五

告梁壽愷調集重兵佈防隴海沿線電

十五

令各軍分布隊伍解決靳雲鶚部電

十六

告各軍攻靳目標電

十八

告孫連仲等解決靳部電

十九

令韓復榘相機處置李振亞部電

一一

令劉驥熊斌向中央軍事當局密陳四事電

一一

令宋哲元等解決田玉潔部電

二三

與李宗仁論攻徐辦法電

二四

令鹿鍾麟劉鎮華準備攻徐電

二四

通令各將領分三路大舉北伐電

二五

與孫岳論作戰方畧電

二八

與李烈鈞論東路戰畧電

二九

請閻錫山堅守待援電

二九

令鄭大章率騎兵破壞鐵路電線電

三〇

告前方各將領攻擊方畧電

三〇

告各將領平地作戰法電

三三

告孫良誠分設攻勢守勢地帶電

三二

告鹿鍾麟等準備大戰電

三三

告劉鎮華竭力穩撐電

三三

上軍委會報告戰畧並請發子彈欸項電

三四

告前方各將領先肅清左右側敵人電

三六

告鹿石孫韓鄭解決各路戰事方畧電

三七

告鹿鍾麟等作戰方畧電

三七

請中央及各方速定北上日期電

三八

令前方將領整軍向徐州挺進電

四〇

告韓復榘攻徐戰畧電

四一

告韓復榘等攻守戰畧電

四一

告前方各將領攻徐部署電

四二

令前方各將領努力攻徐電

四三

告前方各將領須明瞭敵情地形電

四五

告前方將領克復徐州後部署電

四六

建議國府及各方應乘勝攻取山東電

四八

與李烈鈞論攻山東電

四九

令各將領注意敵情地形等四事電

五〇

告孫連仲等河北作戰方畧電

五一

向軍委會陳述進兵步驟電

五三

通令隱蔽師以上司令部所在地點電

五四

令孫良誠等蓄力待敵電

五五

告孫連仲河北作戰方畧電

五六

與李烈鈞論戰畧電

五六

告孫良誠等進攻濟甯方畧電

五七

告各將領對敵作戰個別及一般方畧電

五八

請閻錫山夾攻奉軍電

六一

告鹿鍾麟在京漢線作戰方畧電

六一

告鹿鍾麟等作戰方畧電

六三

令鹿鍾麟等注意敵情及地形電

六四

令岳維峻北進攻奉電

六五

請李宗仁等北上援晉電

六五

告各將領敵部內情電

六六

令龐炳勳等乘機破敵電

六八

告孫良誠乘勢猛攻敵人電

六九

告賀耀祖請迅速整頓部曲電

七〇

告孫良誠等追擊孫部部署電

七一

勸蔣中正勿冒險前進電

七十二

告魯戰各將領殲滅孫傳芳部全由進退緩急深合機宜電

七三

與蔣中正論應速攻德州電

七六

令孫良誠等速攻德州電

七七

告前方各將領攻擊滄州河間部署電

七八

告孫良誠作戰須知虛實奇正電

八〇

令鹿鍾麟等乘勝追敵過京津電

八一

告鹿鍾麟等勿窮追敵人電

八二

告劉郁芬不可到處分兵守城電

八二

告各將領軍隊不可分散駐紮電

八三

卷二 戰術

通令各軍即時施行四事電

令孫良誠等新兵無槍應練大刀長矛電

通令作戰期間所用旗幟燈號號音各項記號電

通令切實實習迫擊砲電

令童玉振注意坑道爆破等四事電

告前方各將領戰術要訣電

通令攻守城垣戰術電

令韓復榘等待機前進電

告前方各將領攻擊前應行準備事宜電

告前方各將領作戰方畧電

通令各級戰術教授電

一

二

二

四

四

五

五

七

八

九

一〇

誥各將領研究攻守戰術電

一一

通令注意擲彈體操及精神教育三事電

一二

通令研究對奉戰術電

一三

通令對騎兵作戰應注意各點電

一四

通令明白敵軍長短並練習槍刺大刀長矛電

一五

告孫連仲馮治安注意工事電

一六

令各將領應知敵我長短電

一七

通令練習地雷電

一九

告前方作戰各軍渡河方法電

二〇

告鹿鍾麟等注意守城守寨守陣地電

二一

告鹿鍾麟等固守陣地電

二二

通令實習旗號燈號電

二三

通令各將領研究構築工事電

一四

告韓復榘等虛實並用電

二五

通令研究對敵騎兵戰術電

二六

通令對敵應注意各事電

二七

告各將領各種作戰法利害電

二八

告各將領作戰經驗電

二九

告孫良誠等注意三事電

三〇

通令全軍應努力辦理三事電

三一

通令注意研究電學電

三二

通令現代戰爭爲科學化學機器戰爭電

三三

馮玉祥軍事要電彙編

卷一 軍務

討張勳告捷通電

民國六年七月八日

六年七月一日，張勳擁溥儀復辟，時馮氏已被免十六混成旅長職，隱居京西山台，聞訊大痛，乃典京寓，得五千元，充作軍餉，遂馳抵廊坊，率領舊部誓師討平之。

張逆叛國。天怒人怨。胆敢陸續開拔辦軍。會合於京奉路萬莊以北一帶。以備南下。敝旅奉段東路司令命令。與第八師之十五旅。於六號早施以痛擊。一潰而散。現正實行追擊。不殲滅小醜不止。望興義師。共討國賊。馨香祝禱。無任盼企。

請于鄧催陝軍速解長安之圍電

十五年十一月十八日

咸陽于同志右任。乾州鄧總指揮寶珊。吾兄大鑒。右任先生來電。敬悉河北各部。缺乏子彈。定當設法補充。目下我軍。正在西安城下激戰。乃據孫總司令良臣來電。三原一帶之國民二軍。爲數萬餘。竟均袖手旁觀。漠不在意。此事關係甚重。當此萬分緊急。立分成敗關頭。所有陝中各部。卽每人只有二三粒子彈。亦應幫同攻敵。雖投石吶喊。亦可助威。決不能以徐待子彈。補充爲辭。坐令陝各軍之失敗。況由此運送子彈。途中必需一月。有奇。倘長此作壁上觀。則在此長期之中。戰局變化。何堪設想。如在陝二軍。仍袖手坐視。各顧各人。則爲袍澤之生命計。余亦未嘗不可將孫部撤回。以免徒作無益之虛擲。除由此間積極運送子彈外。務請我公對於在陝各同志。效申包胥之哭師。剴切勸告。總以能督促其一鼓出擊。速解西安之圍。而早達出關會師之目的。是所切禱。弟現

將綏包事務畧爲辦攬。卽率大隊西行。進駐平涼。指揮一切。並以附聞。

令方振武速攻長安電

十五年十一月十八日

兄部鞋襪。已電劉總司令極力籌備。現時西安軍事緊要。務請兄部火速前進。至少必須挑選二千人以上之兵力。由兄親率前往。無論雨雪均盼兼程前進。以應戎機。免致牽動大局。至於貴部所需一切物品。均當設法補充。請勿爲念。

令馬鴻逵劉汝明速攻長安電

十五年十一月二十一日

鎮嵩軍劉鎮華，圍困西安十月，城內糧盡援絕，備極慘楚。馮氏五原誓師後，首派大軍三路援陝，於十一月二十七日攻下。

馬師長少雲弟劉師長汝明弟鑒。我軍自前月二十五日援陝以來。勢如破竹。直逼西安。官兵餐風宿露。千里驅馳。彈雨槍林。備受勞苦。遙望秦中。曷勝馳系。惟念（一）甘肅爲我軍之根據地。甘陝毗連。表裏相依。唇亡齒寒。關係綦重。

故解西安之圍。卽所以解甘肅之圍。亦卽所以鞏固我軍根據之地。(二) 嵩軍受吳指揮。圍困西安。數月於茲。秦民何辜。遭此荼毒。本已飢已溺之懷。慰陝人雲霓之望。爰興撻伐。義不容辭。(三) 邪正分途。勢難竝立。我不驅彼。彼必攻甘。我不殺敵。敵必殺我。是爲救國救民計。爲自衛以衛關中父老計。均應同讎敵愾。滅此朝食。我軍與國民革命軍。共信中山主義。改造時局。旣已獻身黨國。遑計目前安逸。望我官兵。共明此義。雖身處艱困之中。應益奮英武之氣。亟與陝中二三兩軍。戮力同心。迅掃敵氛。庶可早與黨軍聯絡聲援。告成大業也。

通告各將領各方情形

十六年二月二十五日

馮氏於十六年一月抵西安，乃一方賑濟飢民，撫卹傷亡，一方準備大舉出關北伐，以下各電，卽述在此準備期間情形。

茲將各方情況分條詳示如下。(一) 山西方面。余在潼關時。閻百川卽派其河東道尹崔文獻來接洽。回長安後。閻又派其警務處長南桂馨。偕本軍代表

李慶施同來此間。表示誠意合作。現已擬定聯合辦事處。及確實進行方法。囑該代表回晉。即日進行。前山西有奉軍假道之傳說。完全不確。(二)河南方面。劉鎮華已受我方委任爲駐豫軍總司令。並言確實合作到底。已派任處長右民。前往担任該部政治工作矣。靳雲鶚遣代表前來。已過潼關。本日可到長安。接見奉軍以武力侵入河南。黃河以北之吳佩孚所部。有爲奉軍所繳械者。聞吳有往五台山爲僧之說。各處發吳佩孚鄭州電報。均已退回。齊燮元等通電。擁靳雲鶚爲保境總司令。(三)漢中方面。前吳新田代表王霈在此間。已接受第十六路總司令委狀。於五日回漢中。此時想可到達。即當正式就職。(四)已派孫連仲爲第十四路總司令。進出商南一帶。打通陝鄂交通。特電知照。

促劉鎮華就職電

十六年三月四日

各電敬悉。浙滬攻下以後。南京安慶。垂手即得。連接介石同志電。即日親率大兵四十五萬。由贛入皖。其在津浦路方面。由何總指揮應欽擔任。其在京漢路武勝關方面。由唐總指揮生智所部廿餘萬擔任。均即長驅北上。囑兄迅率各同志。務於二三月之交。會師中原等語。此間已令劉總司令郁芬。宋副司令哲元。率步騎兵八萬。由寧夏進展。兄自率大兵十五萬東下。業均準備妥善。百川弟連派崔道尹廷獻。南處長桂馨代表來此。允出兵七萬。完全與我方一致對奉。且爲聯絡便利。即共派軍政要人九員。在趙村設立國晉聯合辦事處。以便協商軍機。在軍事上之動作。由百川啟予。担任石家莊大同兩方截敵後路之任務。恐敵已經知悉。發動之期。迫在眉睫。敵在河北取守勢者。蓋實爲此。現汴鄭形勢。既甚緊急。我軍計畫。更須提前進行。請弟尅日宣布就職。所需械彈等項。悉由兄積極運送補充。此間已一面分催介石百川迅速前進。一面即親率本部東下。以收共舉滅敵之效。時機難得。萬請勿遲。大梁會師。指顧間事。錫三

兄已於冬日馳返。詳陳一切。兄與我弟握手痛飲黃龍之時。當詳罄契關也。特電飛復。佇盼捷音。

告李忻敵我及各方情形電

十六年三月六日

歸化總部李參議顯堂同志鑒。宥電報告四條備悉。啓予弟爲有覺悟有決心之同志。所擬各種。無任欽服。現時機迫切。應準備發動。以期貫澈。茲將此間各種情況及消息。分舉如左。(一)查一般同志。均有澈底覺悟。二月上旬。曾在省開革命軍事會議。旅長以上均出席。討論軍事政治財政統一各事項。一致通過。現經規畫防區。分頭編練。黨務進行。尤爲發達。(二)吳芑蓀已於二月宥日就我軍第十六路總司令職。該部改編爲兩師三旅。此刻正抽調一部。經興安白河出南陽方面。(三)第十四路孫總司令連仲。率部兩師三旅。已達荆紫關。襄陽張師長聯陞。迭電來此。願與陝邊聯成一氣。現漢口之路已通。欵

械均已起運。駐浙川一帶之劉世傑、袁寶德各部，均受我軍改編，聽候調遣。（四）劉雪亞已加入本黨，迭派代表王鴻恩、郭景岱來此接洽，任爲本軍東路總司令，並邀任右民諸人前往作政治工作。靈寶一帶交孫良誠部接防。王振何夢庚各部已開赴河北懷慶一帶，進攻奉軍。現陝豫電線交通均已恢復。（五）百川迭遣崔道尹廷獻、南處長桂馨來此，雙方派員設立軍政聯合辦事處於趙村。國民政府亦催百川與此間早日共同解決北方時局。予派李子善、薛篤烈常駐太原，並請徐次辰前往。次辰所部現編爲第十五路，即協同晉軍。由保德經太原出石家莊方面，截斷敵軍。現敵已察覺，正收縮戰線。（六）北伐軍於上月巧日克復杭州，敵日佔領上海。本月微日，又下安慶、南京。孫傳芳已至天津。南京旦夕可下。陳雪軒已就第三十七軍軍長，合力進攻。蔣介石同志決定親率大軍四十五萬，長驅北伐。津浦路方面，由何總指揮應欽担任。京漢方面，由唐總指揮生智率八軍之衆，援應豫軍。蔣唐代表現時均在此間。（

七) 靳薦青在灤河。就保衛總司令職。通電倒吳討奉。田維勤魏益三王維城王爲蔚編爲四方面軍。分四路發展。先清豫境。橫斷津浦徐宿之線。其在隴海路之奉軍。不過一師。王爲蔚高汝桐閻曰仁賈萬興等部。已開始迫攻。田亦率紀文林馬吉第陳得霖蕭廣傳等部。由新鄭直趨蘭封前線。業均接觸。靳田等均有代表來此。請同時出兵。(八) 山東方面。孫宗先諸人。已與我軍約定攻敵。餘經馬鳳林王義元等。編妥七萬餘人。河南方面。已由韓多峯等。編妥五萬餘人。工人方面。京漢隴海兩路。曾組織交通別動隊一百餘班。合計五千餘人。其他工人團體。均可及時發動。農人方面。紅槍會已聯好六七萬人。前在河北與奉軍衝突。均爲主義之所驅使。(九) 奉軍中西兩路。近日向後撤退。東路亦不敢發展。仍欲襲前歲放棄蘇皖之故技。(十) 四川將領。如劉湘劉文輝賴心輝鄧錫侯田頌堯諸人。均已接受革命軍長職。聯絡甚切。(十一) 此間業將第一第三第四第五第六各路。第四第五第十及騎兵各師。合原陝中各

部。共計二十萬餘人。調集西安潼關一帶。不日親率東下。其在北路方面。已令宋總司令哲元。率第七路及第一第八第二十二第十一騎兵第五各師。以及甘軍四旅。準備以八萬餘衆。協同啟予出兵察熱。當此時機緊迫。務請啟予早日發動。此間即令該路。聽其指揮。以期一致。

告李鳴鐘六事電

十六年三月二十一日

南昌國民革命軍總司令部轉李代表鳴鐘同志鑒。(一)此間計定分四路出兵。一路出白河老河口。一路出武關荆紫關。俱令與北伐軍切實聯絡。一路出寧夏綏包。協助商啟予前進。直搗察熱。一路出潼關。兄自統率。不知我北伐軍定於何日出武勝關前進。並定幾多兵力。如以大部與此間同時夾攻鄭州。當收事半功倍之效。希催請介石同志。迅速發動。(二)劉雪亞在陝州。已接收我東路總司令委任。其所部正向河北懷慶一帶集中。一致攻敵。吳芑蓀受

第十六路總司令職後。已令開出一師以上兵力。直趨豫西。爲會師之一助。靳薦青由豫中各部。舉爲保衛軍總司令。迭有代表來此。其主張爲倒吳討奉。其目的在截斷徐州宿州津浦路線。近雖小挫。正可注其全力。直撲皖魯之交。兄意我北伐軍。須迅速向浦口一帶遠道繞攻。以收奇效。(三)閻百川迭派代表。分赴此間。及介石同志處接洽。應下一種功夫。鼓勵前進。便中可與介石同志計議及之。(四)此間自南口轉進後。物質上損失極鉅。各種械彈。尤待補充。庫倫一路。近日雖已探通。因繞道過遠之故。卽令能以採購。所費實屬不貲。現甘省羅掘俱窮。陝省反須救濟。靈寶至平涼一路。沿駐大兵十餘萬。不特發餉借款。毫無希望。甚至籌辦糧秣。亦費張羅。補充軍實。更談不到。刻陝鄂往來。業已打通。關於餉械兩項。務請備述困難詳情。懇請介石諸同志。特別幫助。迅予以大宗接濟。趕速運來。以救眉急。免妨大計。(五)介石同志前囑代購軍馬二千匹。已迭電郁芬弟分遣專員。在甘涼購買。雖今歲新馬缺乏特甚。不易

購集。亦當努力購齊。不致有誤需用。(六)弟與菊村弟。擬辦軍事學校。訓練軍事人才。可速進行。其他有明白主義。諳練軍事人才。亦盼多多物色。請速北來。對於新書及黨的織組等等。尤望吾弟多請有新思想人員。相與討論。蓋以革命工作。實行固爲要事。而理論見解。尤須注重。方可得正確之結果也。

告劉驥出兵遲緩原因電

十六年四月七日

現當大局緊張之際。吾弟須每日均有報告。以通聲氣。現麻振武尙在渭北同州。負隅頑抗。正調韓復榘部。由乾州前往圍攻。原駐同州之方振武。已令其開赴靈寶。陝西舊二三軍各部。雖已改編。調令作戰。頗感困難。第八路李雲龍部。刻在藍屋鄂縣。已令飭向南陽開拔。應援樊鍾秀部。顧察其意。一時恐尙未能成行。第十一路田玉潔部。在同州三原涇陽一帶。第四路楊虎臣部。在三原韓城郃陽一帶。第十二路衛定一部。在鳳翔寶雞興平扶風武功一帶。第十七路

鄧寶珊部則在高陵淳化一帶。受此次打擊以後，能覺悟前失者固不乏人。但仍牢持從前舊思想者，仍屬多數。欲資爲用，頗屬不易。調赴前線，既百方推諉，趨趨留置後方。又慮其干命亂政，定計遲緩職此之由。

告劉驥前敵及後方情形電

十六年五月十八日

馮氏於十六年五月五日，在西安就第二集團軍總司令職，翼日，即出關大舉北伐，以下四電，即敘述出關後以次佔領洛汭鄭各地情形，

寧夏無線電台拍漢口坤厚里一號劉代表菊村弟鑒（一）洛陽方面現洛陽有張治公部數約萬人，用奉軍旗幟，在西宮附近構築工事，以謀抗拒我軍。鞏縣近到奉軍一團，吳佩孚率其殘部於文日向南陽逃去。我軍騎兵大集團在洛陽新安一帶活動。第一第三第四各路今日可完全通過澗池。明日即向洛陽攻擊前進。想張治公所部當不值一擊也。劉鎮華殘部多向汝州潰退。前在盧氏敗退之萬選才及在洛甯之姜明玉均願受命改編。已提出以先向洛

陽解決張部爲條件。概允照辦。故我軍梁冠英師。由廬氏向洛甯。安樹德師。由觀音堂向洛陽推進。姜萬各部。掩護我軍右側。第五路石友三部。今日通過觀音堂。第六路韓復榘部。今日可達陝州。(二)南陽方面。據孫連仲銑電報告。于學忠本部集中鄧縣。并無東進牽制北伐軍之企圖。劉世傑袁寶德部。經我軍便衣隊協同民團攻擊三次。消滅殆盡。劉袁率殘部數十人。向鎮平方面逃去。馬文德有七百餘人。槍四百餘支。由鎮平開到內鄉。已令職路李福順團。協同魏鳳樓旅。向內鄉前進等語。刻孫已進駐浙川。卽向南陽攻擊前進。南路軍岳西峰所屬之姜鴻模。何毓斌兩師。亦出發向該方前進。餘亦正在開拔中。(三)後防情形。第十三路張維璽所部共六旅。分駐西安渭南潼關一帶。近以第十師及第八師編爲第二路。以劉汝明爲總司令。圍攻同州麻匪振武。他如在甘肅境內者。有甯夏之第七路及暫編第一師。平涼涇川一帶之第二十二師。騎兵第一第五兩師。天水之第十一師。蘭州之三個獨立旅。此前敵及後防

之大畧情形也。

告唐生智豫西軍情電

十六年五月二十六日

本日接吾兄電。承示進兵情形敬悉。此間主力軍東攻洛陽。沿途攻取靈寶陝州澠池新安盧氏宜陽七城。現已進圍洛陽。奉軍自鄭州方面抽兵西援。數約三萬。此時正在攻擊。頃接前方電話。本日晨已將其第一線擊破。預計日內當可將該敵解決。此次奉軍以大隊西援。實犯用兵之忌。經此一擊之後。兩方并進。鄭州奉軍當可不攻自退。孫總司令連仲進攻于學忠部。發展極速。南陽鄧縣均在圍攻。請吾兄轉催樊何各部。猛進夾擊。使之首尾不能相顧。至爲企盼。

通告佔領洛陽電

十六年五月二十六日

頃接前方電話。我軍已於本日下午二時。完全佔領洛陽。洛陽以東鐵路早被

我騎兵集團所毀壞。敵軍歸路斷絕。完全被俘。內奉軍約兩萬餘人。火車六列。詳情續報等語。查奉軍此次來援洛陽。總數約三萬餘人。內步兵二十七旅。三十六旅。第六旅。騎兵第四旅。皆爲張學良直轄之精銳部隊。有留在鄭州作總預備隊者。此次皆爲俘虜。精銳喪盡。在日內決其必將棄河南北走矣。除飭前方部隊。從速向鄭州進展外。特聞。

告劉驥軍事佈置情形電

十六年六月七日

日前余到潼關。閻百川派崔道尹廷獻代表來與我軍接洽。嗣後又派其親信之南處長桂馨銜結而來。業與我軍商定。一致對敵。卽由雙方及黨部各派三人。設立國晉聯合辦事處於趙村。在攻奉時。晉任石家莊大同兩方。截敵後路。任務。余並令徐永昌協同動作。現徐已駐太原。專辦此事。劉雪亞迭派王鴻恩。郭景岱來此。表示合作。業委爲第二十三路總司令。共同革命。現浙滬又下。劉

志當可益堅。靳薦青處。前有王海門前往聯絡。靳就職保衛軍總司令後。即派譚炳權代表來此。余已允以全力相助。吳芑蓀於上月宥日。通電就本軍第十六路總司令職。各方聯絡。大概如此。至本軍計畫。已定分四路發動。一由宋總司令哲元。率步騎兵由甯夏經包頭。攻察哈爾。一由張總司令維璽。經漢中出湖北。與北伐軍連結。一由孫總司令連仲。出武關。入豫西。一由余親率大兵。出潼關。入洛陽。而以孫良誠爲前敵總指揮官。業均預備妥善矣。

告蔣中正北方大局及李鳴鐘爲駐甯代表電

十六年七月六日

支電敬悉。我兄努力革命。爲黨國光。不僅弟敬佩萬分。即全軍將士。亦無不欽服。期望。敝部。上月卅日。佔領鄭州。東日。佔領開封。武漢各軍。繼續開到。刻已掃清黃河以南之敵。百川同志處。屢次互派代表。商洽種切。晉省已於江日懸揭青天白日旗幟。宣佈就革命軍職。卽日出兵十萬。截擊石家莊大同兩處。深盼

我兄提師北進。早定幽燕。其他問題。自當努力設法疏解。此間駐甯事務。已派李鳴鐘同志爲全權代表。希我兄念同志關係。隨時盡量指導幫助。共策進行。至於地方內部。及無線電交通。自當切實注意也。特電奉覆。

告劉宋軍事情形電 十六年七月十一日

（克復鄭汴後，適值漢寧交惡，馮氏除在政治方面，分途與漢寧要人，舉行鄭州徐州兩會議，調和黨見外，在軍事方面，則一面分向河北豫西魯西一帶進展，一面肅清河南之靳雲鶚，李振亞，陝西之麻振武，甘肅之韓有祿黃得貴等部，以除腹心之患，下述十一電即說明此期內軍事情形）

蘭州劉總指揮郁芬弟。宵夏宋總指揮哲元弟鑒。關於最近軍事情形。概述如下。（一）河北方面。孫良誠所部。於江晚渡河。沿河之敵。稍有抵抗。即全線潰退。我軍刻已佔領新鄉衛輝。擬以一部進佔彰德。主力仍駐紮新鄉鄭州之間。鄭大章所率騎兵軍。早在曹州集中。已令其由東明渡河。向彰德前進。抄襲敵後。梁壽愷軍。亦已集中曹州。預備向大名進展。（二）歸德方面。津浦路上之

國民革命軍曾經佔領滕費之線。近因甯漢間暗潮正盛。將徐州附近軍隊。畧有移動。以致前線稍挫。故敵軍潘鴻鈞部。在金鄉嘉祥鉅野各處。將王金韜師。馬祥斌軍。壓迫南退。已令高桂滋軍在歸德集中。向單縣佈防。令靳雲鵬所部。速向曹州出動。以便襲取濟南。令劉鎮華所部。集中蘭封考城。以作後勁。但此等軍隊。未能指揮如意。亦意計中事也。(三)南陽方面。于學忠部。完全解決。吳佩孚僅以身免。逃往四川。張聯陞闖得勝各編一軍。歸孫連仲統轄。現孫連仲在鄧縣。方振武在南陽。樊鍾秀在隨棗。已令孫連仲所部。並督率張闓各軍。移駐信陽駐馬店一帶。方振武所部。移駐許昌。岳維峻所部。進駐襄宛。南可以保障武漢。北足以鞏固汴鄭。(四)勦匪方面。已令鹿廳長鍾麟。兼河南勦匪總司令。楊虎臣軍。常好仁師。李元藻師。均已開駐開封。王鈺葵師。開至甯陽。均歸其節制指揮。蓋平時固可剿匪。有事亦足對外。又令任應岐軍。移駐周家口。淮陽一帶。是在豫境原有軍隊。均令其移駐新地。此即打破其地盤思想。漸引。

入良善軍隊之域也。(五)甯夏不過虛張聲勢。不可出兵。但應趁此時機。一面訓練隊伍。一面分兵南開若干。勦辦黃匪(得貴)。絕其根株。免滋復患。其他同州之麻逆。則劉汝明張維璽兩部正在圍攻。必須剷除淨盡。方足振我軍威。懾彼醜類。陝甘爲我軍根本之地。黃麻一日不除。後防一日不安。尙望切實注意爲要。

覆蔣中正碍難駐徐督戰電

十六年七月二十四日

號亥電備悉。承示以貴部第十軍第三十七軍等部。歸弟節制。囑弟駐徐督戰一節。效忠黨國。理應遵命。祇以敵軍現正南北應戰。北至磁州。南至信陽襄樊。戰線綿延。達二千里。而甘省之黃得貴。陝省同州之麻老九。亦正負隅。尙未授首。兼顧徐州軍事。實有形格勢禁之處。且津浦北上諸軍。皆久歷戰陣。臨敵易將。尤爲兵家所忌。仍盼吾兄全力負責。此間已萬分設法。督催荐青所部。由曹

州進攻濟甯。又慮其兵力單薄。並令鄭大章劉鎮華兩部助戰。擊其側面。惟總須徐州正面有勁旅前進。兩方夾擊。方能收效耳。

告蔣中正軍事佈置電 十六年七月二十六日

有西電誦悉。吾兄親臨蚌埠。指揮進攻。當如疾風振箠。不難掃滅殘敵。弟於本日晨已下進攻命令。概述如下。(一)劉總指揮鎮華。速率所部向鄆城濟甯進攻。(二)楊軍長虎臣所部。進攻單縣濟甯。(三)鹿總司令率所部王鈺棻王鴻恩常好仁李元藻四師。進屯考城。爲總預備隊。(四)鄭軍長大章率部向濟甯一帶活動。(五)予即親來前方督師等語。弟明日先到鄭州。特復。

致蔣中正報告攻魯佈置電 十六年七月三十日

感電誦悉。吾兄親臨督師。徐州不難如期收復。承囑派兵夾擊徐州一節。弟本

思以重兵壓迫濟甯。則徐州之敵自退。惟思徐州戩事。且晚即可決勝。必須雙方並進。方能不失機宜。故弟本日下午令。以楊虎臣軍由隴海鐵路以北地區。向徐州以北微山湖以南地區進攻。馬祥斌軍及王金韜師。自隴海鐵路及其以南地區。向徐州進攻。並命鹿總司令即日率兩師兵力。進駐歸德。策應進攻。劉鎮華部主力。自曹縣單縣金鄉攻濟甯。另以一部繞經定陶鉅野側攻。限於下月三日至定陶單縣之線。鄭大章軍亦令即日向濟甯威脅。知念特聞。關於九江馬當間軍事如何。請賜示。以慰懸念。

致汪譚等報告軍情電

十六年八月一日

牯嶺汪主席精衛同志。譚主席組菴同志。並轉各委員同志勳鑒。此間軍事情形。報告如下。(一)黃河以北彰德一帶之紅槍會。黃沙會。天門會等類。近因奉軍勾結利誘。以及其他反動份子之鼓動煽惑。竟至抗拒我北伐軍前進。且

嘯聚各種不良份子。阻擊我軍。刻正設法百般開導。以免燎原。(二)敵軍孫殿英部駐大名。前經我梁壽凱軍圍攻。祇以子彈缺乏。衆寡懸殊。暫時不得不轉進。刻敵軍派遣第三四方面軍。由德州集中大名。將分兩路攻我開封新鄉。此間業已調集大部堵擊。(三)我東路軍。在歸德蘭封之線。正準備反攻。敵軍在徐州碭山一帶。亦已極積增兵。褚逆玉璞。現在徐州指揮。近日情況無變化。(四)劉鎮華所率舊部鎮嵩軍。自稱八萬。雖經改編。紀律仍差。現沿駐曹州附近。及蘭封考城一帶。迭令劉約束整頓。但該部素性難馴。又復無款可發。殊深焦灼。(五)靳雲鶚所部。奉令編歸第二集團軍節制。據自稱全部共十二萬人。日以索服裝。要給養爲事。節經撥給二十四萬。又就全省籌撥三十萬。最近並由各縣自行提取款項。詳數未報。前令開拔担任進攻濟甯。所有沿途兵站運輸等事。俱已籌備完善。乃日日有所藉口。至今仍未開動。猶復勾結會匪。及不良匪軍。聲傳我軍劫奪其衣服。非打倒馮玉祥不可。對該部將士講演。

亦復如是。而孫傳芳張宗昌。日均有代表常川駐其指揮部內。迭經勸導。雖允遵令開拔。實仍盤踞不動。似此情形。誠恐有碍軍事。伏請鈞會特別注意。(六)現在款項竭蹶。毫無辦法。軍食一項。尤費張羅。飢軍應敵。殊屬可慮。加以各部官兵。均係單衣露營。秋夜漸涼。病人日多。無衣無褐。將何以了。現來要款項者。要子彈者。要衣服者。門限爲穿。無法應付。困難實達萬分。至祈迅予設法。以上情形。統祈彙核。密示方畧。俾有遵循。無任盼禱。

請寧漢政府注意防範靳雲鶚電

十六年八月四日

靳總指揮雲鶚所部。自我革命軍會師中原以後。始改青天白日旗幟。當奉命歸玉祥節制。比以我軍由山東北伐。遂令該總指揮率部由濟甯進攻。當徐州緊急時。迭催開拔。并屢派專員前往。乃該總指揮藉口缺乏子彈軍費。趨趨不前。遂儘先撥給子彈十萬餘發。服裝萬餘套。麵五千袋。款項五十四萬元。其由

各縣自行提取者。尙不在內。及領到後。又復稱病託詞。不動如故。乃復令兵站人將該部運輸車輛。沿途給養。一一妥爲籌備。仍是終始不肯開動。近日甚且勾結豫中會匪。日與匪首張猛虎等。煽惑民衆。並爲張猛虎等演劇祝壽。對該部官兵講演。謂號稱革命軍隊。俱不能解除民衆痛苦。反增加民衆負擔。非一。致打倒馮玉祥等不可。我保衛軍無餉可發。皆由國民軍劫扣。非剷除國民軍不可。至此間開赴漢口客車。抵許昌卽被扣留。而漢口北來客車。亦至鄆城被扣。其所部軍隊。除已令集結。將分攻開封鄭州洛陽外。又令化裝同紅槍會打劫我軍。並造謠謂開封業已失守。國民軍向西敗退。馮玉祥失蹤等語。至孫傳芳張宗昌。均派有代表常川駐其總指揮部內。該總部代表赴孫張兩處者。亦絡繹不絕。約定孫佔據蘇皖。靳據河南。張領直隸山東。迫使奉軍退出關外。由張孫靳解決中國時局。該部側旁密室。日在刊刻安國軍關防印信。以上皆由乃兄靳雲鵬策畫協定。似此違反革命。背叛黨國。形跡昭著。危險萬令。玉祥爲

擁護革命計。除令各部嚴密防範。不致稍有疏虞外。特電馳報。務乞特別注意。迅速密定方畧。指示進行。無任切禱。

告劉驥各方軍情電

十六年八月十日

牯嶺劉總參謀長菊村弟鑒。現在政府地點。尙未固定。北伐大計。未決定以前。我方處境。最爲艱苦。當敵三面。而河南內部。尤爲複雜。此種情形。想諸同志當加曲諒也。諜報褚玉璞現在徐州。張宗昌派兵四五萬。由大名濟甯夾攻河南。累有進犯之勢。而號稱爲同志軍隊者。且有密謀內應之信。現我軍在河北者。北至磁州。東至滑濬。在大河以南者。仍在碭山馬收集之間。原在濟寧附近者。以其孤軍突出。已撤至考城一帶。並已調孫連仲全軍北來。該軍約近六萬。卽預備攻徐魯之用。請俟政府決定大計。卽行進攻。陝西同州。已爲張維璽劉汝明兩軍。於上月宥日克復。並將麻逆擊斃。宋總指揮哲元。率大軍剿黃韓兩匪。

於寧縣。已將該匪驅散。軍隊已追至陝境之耀州。後防有廓清之日矣。並及。

請劉李轉告晉閻北伐軍事佈置電

十六年八月十日

太原劉部長定五同志。李參議子善同志鑒。據聞閣總司令於六日就國民革命軍職。發兵討敵。至爲忻快。但密事欲密。攻疾欲疾。兵旣出動。便當以雷霆之勢。乘敵之不及。備則事半而功倍。蔣介石同志。與此間不斷連絡。余於昨日到鄭州。所有同志。各方面皆已融洽一致。北伐討敵。完成國民革命。介石同志。早有電來。擔任津浦。向濟南天津進展。京漢方面。由余親督大軍北進。望將此情轉陳閣總司令爲要。又聯合作戰。休戚相關。當如左右手之相救。消息靈通。最爲緊要。目下通信太遲。恐誤時機。應設法改善。由潼關飛線直達。或與洛陽無線電通報。并望轉請進行。爲盼。

告劉石宋等各方情形及應注意事項電

十六年九月八日

茲將應行告知及分別辦理事項分條列下。(一)長江情形。霄漢兩方面。黨務政治意見。現已泯除。合而爲一。譚延闓孫科兩同志。並已赴滬。挽請吳稚暉胡漢民兩同志到寧。汪精衛唐生智等諸同志。卽乘決川艦由潯赴霄。關於軍事方面。孫傳芳部。於上月有日。以其全力六萬人。渡江攻南京。激戰五日。該部已全軍覆沒。現浦口揚州各路。均已爲我軍肅清。我軍先鋒已過滁州。同時柏文蔚軍。亦於上月感日。在合肥大勝。正向蚌埠追擊。唐生智部之何鍵軍。已由安慶行過桐城。同柏文蔚軍進攻長江各地。軍事極其順利。(二)討靳辦法。靳雲鶚與孫傳芳張宗昌聯絡。審謀於八月十五日。後與張宗昌裏應外合。攻擊我軍。並四處聯絡紅槍會。散發反對我方之傳單。故我方乘其謀未及期。先與痛擊。而解決之。以除心腹之患。於魚日下令免靳職。以該部軍長馬吉第秦德純繼爲總副指揮。令其率部卽向柘城鹿邑開拔。一面以孫良誠之第三軍三師。石友三之第六軍三師。共三萬人。擔任鐵路正面。攻擊長葛許昌臨潁鄆

城濼河。並肅清密縣禹縣之敵。以孫連仲軍三師。並閻得勝軍。共兩萬五千餘人。沿駐馬店向遂平西平濼河攻擊。以韓復榘軍兩師。攻登封臨汝禹縣一帶之敵。另以鄭大章騎兵軍。由開封南下。經尉氏扶溝。抄擊許昌鄆城之間。於昨日攻克長葛。擊散馬吉第部之一師。俘獲甚多。本日各路攻擊戰況如何。應俟續告。(三)北路東路情形。黃河以北河南屬地。既以梁壽愷軍擔任防備。京漢鐵路。自彰德以北。正定以南。均爲晉閻部隊駐紮。此路奉軍即使要來。時期亦必甚長。故在短時間內。可以無慮。大名方面。據報敵兵有增加四師之訊。似有來犯之樣。但近日尙未見動靜。濟甯曹州方面。敵兵於金鄉濟甯濬澤定陶單縣城武各縣駐紮者。合計約有五軍。計數有三萬餘人。但份子複雜。統馭不一。我軍備此路者。爲劉鎮華部。在曹州考城一帶布防。徐州方面。據報褚玉璞徐源泉均駐該處。其前線在碭山一帶。約二萬餘人。我軍與之對峙者。爲楊虎臣軍。王鈺葵師。王金韜師。常好仁師。李元藻師。龐炳勛軍。合計約兩萬五千餘人。

前線在碭山馬牧集中間之劉堤圈一帶。東北兩路敵人。均有進展之勢。但孫傳芳軍在南京覆沒。該敵南面。頓受顧慮。必將變計。無論來攻與否。我方已有準備。決計先將靳部除去。內患既消。敵來雖衆。亦無憂矣。(四)張鳳翽聞受某方委爲第六方面軍。麻振武及段懋功。耿莊王老五等皆委爲軍長。應注意嚴防。(五)現同州既下。麻逆消滅。患已去其大半。對段須用耿擊之。我軍在耿後督之。(六)宋總指揮所部。應速將黃得貴韓有祿剿平。萬不可使之成爲流寇也。(七)馬鴻賓部。將來可駐長安附近。由石主席開誠布公。彼此聯絡好感。以期認真訓練。成爲大用。(八)宋總指揮可先在邠州駐。以便對陝甘有緩急時。可以策應。(九)出力官長。不但保獎。尤須特別記出。以備大用。(十)申明紀律。愛惜人民。尤須努力誥誠。以期實現律紀之師也。以上十條。望卽分別注意。轉傳遵照辦理。爲要。

聲明解決靳部顛末通電

十六年九月十二日

靳雲鶚居心叵側。危反革命。初則違抗軍令。貽誤戒機。藉端要挾。曲予優容。屢次勸告。迄不稍悛。繼則勾結奉魯軍閥。爲敵內應。濫收土匪。擾禍地方民衆。捏造謠言。煽惑袍澤同志。阻截革命軍北上。破壞漢鄭間交通。其他強劫槍械。扣留車輛。勒索財賦。發佈反革命傳單等事。不可勝舉。其自絕於黨國。情跡顯著。節經呈報中央執行委員會。國民政府。軍事委員會。並黨國負責同志。當南京與敵交戰之際。靳雲鶚乘機竊發。冀消滅我革命勢力。以遂其密謀野心。玉祥忝膺重任。爲完成黨國使命計。爲先除北伐障礙計。不得不督率所部。迅速兜剿。各部武裝同志。深明大義。一致進討。郟城。潔河。臨潁。許昌。西平。遂平。密縣等處。次第敕平。靳雲鶚倉皇奔竄。僅以身免。此次事變。仰賴黨國德威。不五日而完全戡定。不致貽黨國心腹之患。爲我北伐軍後顧之憂。此誠革命前途之大幸。抑玉祥無狀。不能弭禍於無形。止戈痛惜。彌復疚慙。謹電奉聞。伏維明察。馮玉祥叩支。

與李烈鈞論不敢獨當攻徐原因電十六年九月二十五日

漾電承詢。對於徐州有無他項牽制。我兄垂愛之切。體念之周。感激萬分。目下豫中靳患雖除。然尚有顧慮之點。足爲牽制。劉鎮華部號報八萬。散駐考城曹縣蘭封通許杞縣尉氏洧川扶溝睢縣一帶十餘縣。既無訓練。不能作戰。又缺衣。彈日來催逼。命之作戰。則奉令不前任在後方。又慮其搗亂。劉本人雖可靠。而屬下各將領。素鮮交往。恐未盡可靠。欲加以整頓。則無款無彈。難安其心。卽不易。八手此顧慮者。一李鎮亞部。盤踞禹州。奉軍旗子。方下實爲後方大患。現命韓復榘率兵二萬前往圍攻。少須六七日。多或十餘日。方可解決。而李之零碎殘部。尙出沒於臨汝一帶山中。此顧慮者。二田維勤殘部。盤據汝南上蔡一帶。負固不服。攻之則當此子彈匱乏。大敵在前之時。不敢多耗物質。不攻則必有兵監視。此顧慮者。三河南內部軍隊。複雜。又加有人百端勾引。此輩素善騎

牆豈能盡保不爲所動。此顧慮者四。有此四項原因。若攻徐州。最大限度。祇能出兵三萬。此所以躊躇不敢獨當攻徐之責也。辱承垂詢。敢抒所懷。希指教爲盼。

請政府會師北伐電

十六年十月一日

當寧漢日趨分裂之會，閻錫山乃與二集團軍協商北伐作戰大綱，議定晉綏重擔任京漢京綏兩路，二集團軍則分三路向德州濟寧徐州進攻，以下六電，卽述三路佈置情形並催寧軍早日出動北上，夾攻徐州。

冬電奉悉。玉祥督師中州。日與頑敵搏戰。形勢孤危。又因靳部叛變。患生肘腋。不得不分兵兜剿。以致北伐軍事。不能進展。愧憤交縈。邇者閻總司令毅然誓師。聲討張敵。直北震驚。風雲變色。黨國前途。實深利賴。玉祥久與閻總司令確商聯絡。自當協同猛進。猥蒙獎策有加。益深感奮。業已分兵三路。一經隴海路直攻徐州。一由曹州進攻濟寧。一由河北進攻德州。以上三路。俱已出動。以收分頭夾擊之效。惟敵方大部兵力。悉在津浦一路。擬請轉飭長江各部。一致併

力迅速北上。則第一步可會師齊魯。第二步可協搗幽燕。第三步可直取遼東。掃穴犁庭。以靖國難。第兵貴神速。而以各自爲戰爲大忌。彈餉太缺。必貽以其卒與敵之大患。伏祈鈞府統籌至計。督令進行。至於玉祥所部。効力黨國。剷除軍閥。悉具決心。誓當戮力前驅。完成使命。區區管見。謹電奉陳。

請軍委會會師北伐電

十六年十月一日

連月以來。玉祥與閣總司令錫山同志。協商北伐計劃。並由方同志聲濤。於月前馳往太原。籌劃一切。遂商定兩軍協同作戰大綱。京漢京綏兩路軍事。均歸閣總司令所部担任。玉祥所部担任。向徐州濟寧德州進攻。正部署間。本日接閣總司令艷電。已於本日誓師討敵。快忻萬分。現以鹿總司令所部東路軍五萬人攻徐州。劉總指揮鎮華所部五萬人向濟寧。以梁軍長壽愷。秦軍長德純。所部由大名向德州。以孫指揮良誠。孫指揮連仲所部兩方面軍。合計七萬人。

駐鄭汴爲總預備隊。五日以內即可進攻。此次與閣總司令協力進攻。寔爲國民革命最後決勝關鍵。奉魯肆惡年久。根基已深。必期拔除淨盡。方不至死灰復燃。故必竭我革命勢力全部力量。與以重大壓迫。庶可一氣成功。擣其巢穴。敬祈鈞會於津浦線上增加大兵。於何李白三總指揮中。最少派一員赴前方督師。以增實力而壯聲威。職軍兵數雖衆。物質缺乏。敵人器械糧彈。皆極豐富。惟以革命精神。提起官兵朝氣。與賊相抗。一戰再戰。猶可勉爲支持。若久如此。雖孫吳復生。亦有難善其後者。敬祈鈞會對於職軍欸糧械彈。從豐籌備。待恢復徐州以後。得以受中央物質之供給。不至起有他慮。而影響及於兵事之進展。以上兩項。鈞會有無改正之處。統候訓示。俾便遵循。不勝待命之至。

請軍委會速攻徐州電

十六年十月四日

東電江電均奉悉。閣總司令錫山同志。在未發動前兩星期。已經確實商定兩

軍作戰協定大綱。原訂三星期後發動。後閻總司令因奉軍情勢緊張。遂提前發動。職軍因兩軍協同之故。亦提前分三路進兵。攻擊徐州濟寧德州。兵力部署情形。業經電陳在案。茲已限定於本月八日集中完竣。九日開始進攻。第一路鹿鍾麟所部前線。本在碭山馬牧集之間。離徐不過百二十里。一進攻即須大戰也。敬盼津浦線上大軍。從速進兵。以收夾擊之效。實深企禱。

與李烈鈞論政府應派重兵攻徐州電

十六年十月十三日

文電誦悉。百川屢摧敵鋒。此乃破敵千載良機。弟雖愚魯。何敢後時。第一路已在碭山附近。與敵鏖戰三日矣。敵之在徐州南者。本在蚌埠附近。今則盡撤以向我。是否掩護其退却。抑仍有久佔徐州之意。尙未判明。總之碭山敵人。日有增益。兵數甚衆。津浦線上友軍。深盼乘虛速進。如敵意猶思固守徐州。以斷兩方連絡者。非雙方夾擊。難收奇效也。第二路向濟寧者。亦於昨日在曹縣東北。

與敵激戰。第三路渡河北者。第一步在攻擊大名。保護百川後方之安全。第二步即在進規德州。現均已與敵接觸矣。北伐大事。中樞諸同志。務必籌一枝重兵。統以有名望之宿將。進攻徐州。以繫全國之視聽。振各路之士氣。於黨國前途。關係至大。不僅在克敵已也。祈盡籌爲禱。

請軍委會速飭軍隊北上電

十六年十月十四日

職軍三路出兵情形。業經疊電陳報在案。竊按此次分路北伐。以河北向大名德州一路。最爲重要。閻總司令錫山同志所部。軍事極爲順利。京漢路上。已進展至保定。但自石莊至彰德五百里間。並無相當布置。而津浦線上。滄德一帶之敵。相距不過三百餘里。在在可肆抄襲。前線愈進展。則後方之危險愈大。閻同志疊電。以保護後方之安全相囑。故求與友軍確實聯絡。並保使友軍確實無後顧之慮起見。不得不以強大兵力。由大名直衝德州。以求達到此目的。且

審察津浦路上敵人布防情勢。其重點仍在徐州。褚玉璞王棟徐源泉許琨各部。皆在該處。益以孫傳芳之殘部及張敬堯等零星部隊。合計約有十餘萬人。其後方濟南德州等處。則較爲虛弱。於河北用重兵衝德州。適合於批亢擣虛之義。故玉祥決計對於此路。用全力進取。並擬親至河北指揮進展。蓋此路關係最大。友軍後路。若生危險。則北伐全局。受其影響也。惟徐州一處。地當要衝。敵以重兵久佔該處。以斷我軍之連絡。我軍若不迅速將徐州奪回。則時日一延。職軍子彈將無從接濟。危險萬分。現敵以全力屯徐州。非由津浦隴海兩路。合力攻擊。不易奏功。現第一路與敵在碭山激戰。至今已四日。敵兵增加日衆。津浦線上之敵。盡撤向隴海作戰。敬請飭津浦線上我軍。從速前進。以圖夾擊。勿任盼切之至。敬祈鑒核。迅速賜示。爲禱。

告商震軍事進展實況電

十六年十月十五日

吳瑞芝同志到鄭。出示手函。讀悉一切。百川同志誓師討敵。大義凜然。吾黨同志莫不欽服。此間三路出兵。第一路由鹿鍾麟統率。進攻徐州。第二路由劉鎮華統率。進攻濟寧。第三路由孫連仲統率。由河北經大名進攻德州。並以保護石家莊以南後路之安全。三路之中。對於河北一路。尤其注重。現三路皆已與敵接觸矣。兄自去年回國。始終抱與百川同志合作之決心。雖吾弟格於形勢。未能卽有表示。然兄亦默喻其旨。今百川與吾弟一鳴驚人。固出自兄之素企。然亦實足振天下之耳目。而使全國民衆。異口讚仰者也。軍事多勞。祈時賜情。以慰懸盼。

向軍委會報告戰況

十六年十月十八日

以下五電。歷述三路中不穩部分之叛變。東路之深退誘敵。以及寧軍因西征敵。而緩於北伐。

職軍東路軍隊。與敵激戰於碭山附近。敵兵增加極多。自蒸至刪。鏖戰已有六

日。而劉總指揮鎮華所部有兩軍與敵勾引。突然叛變。擾亂歸德後路。遂不得不將陣線變更。現第一路軍隊除楊軍長虎城在歸德守城外。餘均向隴海路以南略引。職軍主力軍隊原爲顧慮該部起見。悉數屯紮開封蘭封一帶。以事控制。今該部果然叛變。現已一面令第一路南引。一面令劉率不變之兵。仍向定陶荷澤進攻。讓出正面。以便主力軍進出。此東路情形也。北路軍訊得閻總司令銑電。京漢線上已變更正面。總司令部駐獲鹿。大約一時未能進展。大名方面之敵人。忽悉數西移。圍攻彰德。梁軍長壽愷在該城守禦。河北紅槍會受敵動運。蠢蠢發動。頗受牽制。孫總指揮連仲主力軍隊正在新鄉集中。一二日後。即當進解彰德之圍。攻取磁州。以謀與閻總司令確實聯絡。詳觀敵勢。津浦線上重點仍在徐州。敬祈轉催津浦線北上諸軍。從速進攻。並規定進攻日期。西南兩面同時夾擊。方能奏功。否則恐重蹈各箇擊破之害。敬祈速進爲盼。再此次東路作戰。子彈不繼。未能進展。其他各路皆同。情況危險萬狀。並祈速賜

撥發七九六五子彈四百萬發。以救危局。子彈撥到。當卽由長江設法起運也。不勝盼切待命之至。

告劉郁芬等大局情形及後方應處置各事電

十六年十月二十一日

茲收前方情形。及後方應處置各事。條述如下。(一)第一路軍。與敵在礪山附近鏖戰六日。旋因劉鎮華部之姜明玉軍變。叛襲擊柳河後路。故楊廳各軍。均向柘城太康引退。刻正在整頓中。(二)第二路劉鎮華率其未變叛各軍。於巧日進攻荷澤定陶。據來電稱二日內可下。刻尙在攻擊中。(三)第一方面軍孫良誠所部。已位置妥協於蘭封杞縣之線。先將鐵路以南之劉部清理。俟敵深入而痛擊之。此處當有一快仗也。(四)第三方面軍韓復榘所部。已令進駐開封鄭州一帶。以便策應各方。刻正在運輸中。(五)河北方面。因敵人欲遮斷我與晉軍聯絡。以大名孫魁元部來襲彰德。梁壽愷軍一部被圍。孫

總指揮連仲。率高韓張三師進駐新鄉。先解彰德之圍。再相機北上。令秦德純軍進攻大名。敵兵力不過三千。但利用紅槍會。當亦不難撲滅。(六)晉軍變更戰畧。京漢路方面在曲陽行唐一帶。居高臨下。京綏路方面仍在懷來一帶激戰。中路出涿州及門頭溝。已過張坊鎮長溝峽王平口。北京震動。(七)南京渡江部隊。爲第一第二第十七各軍。共十五萬人。歸何應欽統率。二十一日即可開始攻擊。惟寧軍皓晚在蕪湖附近。已與唐生智部發生衝突。此事醞釀已久。終難消除。現定由李宗仁率大軍西上。與海軍水陸夾擊。朱培德近佔黃梅。截斷何健劉興兩軍歸路。魯滌平方振武各由沙市襄陽進擊。漢口黃紹雄由韶關入衡州。四面楚歌。唐軍已陷於絕地。但我方與唐尙無破綻也。(八)宋總指揮哲元。應速將田玉潔部解決。集結兵力。以備大戰。(九)張軍長維璽。應以主力集中潼關。其隊頭須達閩鄉。以作出關準備。(十)由寧夏運來子彈。須迅速運至潼關。要快要穩安。至盼。

呈國府報告豫中戰況電

十六年十月二十二日

馬電。承示周田兩同志苛電。述閻總司令所部作戰情況。敬悉。玉祥亟思悉力北上。與閻總司令夾擊破敵。惟此時東路敵勢披猖。徐州之敵。將徐南徐東各部。均撤以西犯。其數較我軍多至三倍。劉部又變一部。現將逼近開封。旦晚即有大戰。北路之敵。孫殿英圍攻彰德。梁軍長壽愷收編之一部。又在湯陰叛變。響應敵軍。現孫總指揮連仲進屯河北。以一部圍攻湯陰。一部援救彰德。而此間全力專對歸德方面。如開封不保。則大局益壞。惟盼南京北進之兵。早日速進。將徐州之敵。解決。則此間主力。可以北進。援應矣。毋任企盼。

告徐永昌河南戰局情形電

十六年十月二十二日

效電敬悉。逆敵久稽顯戮。實吾黨同志不同乃心德。一致動作。爲之故造機會。

眞被我兄一語道破。此次兄與百川奮其神武。崛起殺敵。最短期間。斃敵無數。渠魁胆碎。薄海歡騰。現因避重擊。輕將京漢主力。畧向南引。而專以重兵猛撲京西。以求必勝。此誠卓見。佩慰之至。此間第一路軍。與三倍之敵。在碭山歸德間鏖戰。敵勢辟易。乃以第二路軍劉雪亞部。有兩部分附敵。而彼此衆寡。又太不侔。遂分向太康李壩集等處。集中兵力。敵軍逐漸近犯。已抵柳河附近。我方一面由孫總指揮良誠統主力軍八萬。集中蘭封羅王。誘敵深入。迎頭痛擊。一面由鹿總司令鍾麟。指揮柘城大康一帶重兵。出敵不意。突予反攻。兩面夾擊。不難一鼓破之。劉雪亞則率其忠實部隊。乘虛攻定陶蕭澤。自號日起。限兩日佔領。仍由我主力軍。厚集蘭封考城間。取推進姿勢。以固其心。張宗昌現在濟甯。褚玉璞徐源泉張敬堯均抵歸德。彼撥竭全力抗我。弟亦竭全力殲之。大決戰即在目前。第三路軍梁軍長壽愷部。已將彰德之敵擊退。奉軍長德純所部。正由道口疾趨大名。沿途廓清會匪。亦大費事。孫總指揮連仲。現駐新鄉。俟大

隊集中完結。進佔磁州。完成石鄭聯絡。隨即兼程北進。與百川會師。如隴海路之敵。能早日解決。則更是一着得手。全盤皆活矣。甯方攻徐部隊。雖亦出動。然自皓日起。已實行對上遊用兵。主力皆開赴此方面。是北方局面。仍須吾輩苦撐。苦打風雨同舟艱危共濟。此其時矣。我兄賢明。當有良策。盼時見教。

請軍委會迅速派兵攻徐電

十六年十月二十八日

竊維兵者國之大事。既不可玩。亦不可懈。矧值革命工作正在進行。殘餘軍閥尙稽顯誅戮之時。凡我武裝同志。必須聯合一氣。急起直追。北伐成功。在茲一舉。若猶忽視因循。終必貽誤大計。此次閣總司令于誓師北伐之始。迭承政府電示。卽令我革命軍各部尅期渡江。會師徐海。當此強敵在前。鈞府早已決定繼續北伐。各部袍澤。誼切同仇。當已劍及履及。不意此間與敵接觸之後。血戰十餘日。以寡敵衆。犧牲之鉅。不可勝言。而政府預定北上之各部隊。迄未前進。

一步是何原因。未敢妄事揣測。玉祥爲主義而戰。既率所部立於革命戰線之上。義無反顧。勿論如何艱難。必須奮鬥到底。惟是張孫諸部勾結反動分子。羽翼尙多。戮刈殲除。端資羣力。脫不一致勇猛進攻。掃穴擒渠。而以各自爲戰。步伐不齊之故。致使釜底游魂。得延殘喘。則曠日持久。兵連禍結。未來之變。難以逆料。革命前途。甯堪設想。玉祥枕戈待旦。午夜焦急。心所謂危。難安緘默。究竟決定進兵與否。或前進何時。可以集齊。務懇飛速電示。以便另定妥計。免誤戎機。迫切陳詞。不勝待命之至。

令熊斌轉催南京進兵電

十六年十月二十八日

以下九電，述十六年十月下旬，豫第一次大戰勝利情況。

感電述與敬之總指揮接談情形備悉。何公厚意。極爲感激。惟盼何公即日督師進攻。共殲巨孽。此間與敵接戰。已二十日。敵兵已逼至甚近。勢不得不與決。

戰。我主力軍已於昨日上午二時開始進攻。現正在蘭封之線大戰。切盼何公督率重兵。以擣其虛。萬不可再緩。救兵如救火。須知此刻我軍與閻總司令兩處。皆在咬緊牙關。與敵爭死活之時也。閻總司令現派崔運使文徵到此。催余率兵北上援應。其情景可想。南京方面此時若猶緩步從容不急前進。則此間無法進援。閻公孤軍奮鬥。何以支持。請將此情報告政府。及南京諸同志。從速進兵。是爲至禱。千禱萬禱。並盼速復。

請李烈鈞轉請政府速攻徐州電

十六年十月二十九日

儉電敬悉。西征軍事順利。固屬可喜。但百川與弟此時皆在生死關頭。與敵爭存亡於呼吸之間。津浦北上諸軍未見進展。焦急之情。何可言狀。張宗昌所部雖無軍紀。亦是久經戰鬥之悍賊。在南方因地利人心種種關係而失敗。其在北方戰鬥力固不弱。弟部於節制上雖畧優。但言子彈則我萬分缺乏。而敵則

來源無窮。言軍械則敵所用者皆新式利器。而我則皆多方湊集。而來言餉源則敵不卹。賣國餉項充足。我則跬步必拘。尺寸何處。有欸言人數則敵金錢充足。各處土匪皆樂爲用。我則欸彈兩缺。卽久共患難之友軍。亦且因此而生疑。沮。凡此種種皆屬敵之長處。我之缺點。而深爲憂慮者也。現與敵血戰已二十日矣。卽以子彈一層而言。亦將無法支持。日盼大兵北上。以收夾擊之效。乃津浦我軍進行遲滯。如此殊失全軍官兵仰望之心。倘晉豫有失。卽得武漢。又將何以站脚乎。總之此時弟與百川皆在與敵拚命爭生死之際。此情此景。請政府諸同志。與以深切體諒。急速發兵攻徐。尤望我兄將此苦情。披述於諸同志之前。而乞其容納也。情迫言切。卽盼賜復。

覆李烈鈞說明東路戰况電

十六年十月三十日

奉卅已電。敬悉介石同志。在日工作近况。至慰。連日大戰。皆肉薄相鬥。每一日。

夜相衝擊者必十餘次。敵勢悍甚。鋼甲車砲迫擊。砲尤爲敵之特長。而土匪之樂爲敵用者。復乘時四起。子彈缺乏。尤爲可慮。今日敵之氣餒。似已稍衰。但增加猶未已。津浦線再不急進。續續來者恐尙衆多也。

向南京政府告捷電

十六年十月三十一日

豔電敬悉。此間東路本日戰況頗得優勢。右翼鹿總司令鍾麟。韓總指揮復榘。石軍長友三。各率所部全力。又鄭軍長大章。率所部騎兵軍。自杞縣太康向敵之左翼包擊。官兵奮勇猛衝。敵勢不支。紛紛潰退。正在猛進中。正面之敵尙在負隅。與我孫總指揮良誠。馬軍長鴻逵所部對峙。大約日內即可將其解決。此次敵軍來犯。傾其全力。衆約十餘萬。職軍竭全力與之周旋。相持二十日。大戰五日。夜官兵死傷者約有六分之一。該頑敵始見動搖。經此一擊之後。擬乘戰勝之勢。進攻徐州濟甯。敬請飛飭津浦諸軍。火速北進。雙方夾擊。勿使敵人再

有整頓時機也。無任盼禱。

告閻錫山東路戰況十六年十月三十一日

王鴻一及崔運使均到鄭。一切詳情已請轉達。此間戰況。張宗昌竭直魯兩省之力。加以孫傳芳之一部。並聯合豫中雜亂軍隊。紅會土匪。衆約十餘萬。長驅來犯。其勢甚猛。故選戰地於蘭封附近。倚河爲陣。主力軍隊於感日上午二時。開始進擊。敵人恃其兵衆器利。頑強抵抗。至今已五日。每一日夜輒衝擊十餘次。官兵皆肉搏苦戰。今晨我軍右翼大獲勝利。連破其數道陣線。奪獲敵械。殺死敵兵。着實不少。勝算似已有把握。總之此番戰爭。爲國民生死存亡關頭。有賊無我。有我無賊。抱定決心。誓與拚命。此間全力均集東路。預計該路之敵。二五日內。必可掃盪清淨。即當分遣兵力三萬以上。進至石莊。助弟擊敵。我弟此時。惟在堅忍持久。不必急急與敵決勝也。惟敵軍經此大戰。積儲子彈。銷耗罄

盡。此層不得不請我弟設法代籌補充。庶不至延誤北上師期也。弟處戰況。祈按日電示。以慰懸系。

上國府及各友軍報告豫東戰勝通電

十六年十一月一日

此間自上月感日進攻。與敵在蘭對考城杞縣睢縣之線。血戰五日。至三十一日。將敵左翼擊潰。正面相繼進擊。敵全線大潰。現各軍正跟踪追擊。先頭部隊已過歸德。敵人潰不成軍。擬即乘勢直取徐州。按此次張宗昌竭其兩省精銳。悉力來犯。糾合徐源泉軍。方永昌軍。程國瑞軍。王棟軍。張敬堯軍。吳彥周軍。潘鴻鈞軍。劉志陸軍。姜明玉軍。及褚玉璞本部。又騎兵集團。並勾結豫中土匪。合計有十餘萬人。自徐州濟甯分道來犯。鹿總司令鍾麟所部東路軍。先與之在碭山相持。覺其來勢過猛。遂命向南暫引。讓開正面。誘敵深入。一面集結主力軍於開封杞縣一帶。敵後乘勝猛進。前隊遇於蘭封。爲誘敵計。棄蘭封不守。撤

至離開封四十里之地。遂於上月宥日。將部隊布置妥當。以孫良誠軍馬鴻逵軍當正面。鹿鍾麟軍石友三軍居杞縣太康爲右翼。劉鎮華軍居考城爲左翼。鄭大章騎兵軍居右翼。側繞敵後。韓復榘居開封爲總預備隊。自感日起。激戰至三十日。敵勢銳甚。每一日夜。衝突十餘次。幸官兵奮勇苦鬥。敵未得逞。經連日戰鬥。察知敵之左翼。戰鬥力量稍弱。遂以韓復榘軍加入杞縣方面。於三十一日上午二時。猛力攻敵左翼。突破敵之陣線。敵軍潰走。韓石鹿各軍直前追擊。卽佔領隴海鐵路各要點。柳河李寨等處。三十一日午後八時。敵軍正面亦潰。我軍遂全線舉行追擊。滿地皆敵人潰兵。慌不擇路。紛紛亂竄。張宗昌精銳。悉在此役喪盡。山東一鼓可下矣。知承垂注。特電奉聞。

告李烈鈞豫東破敵情形電

十六年十一月二日

世未電敬悉。此間破敵情形。已於東電奉陳矣。此次張宗昌盡銳而來。衆有十

餘萬其勢極猛。弟以全力與之周旋。相持二十餘日。戰六日夜。僅乃破之。兵事至危。勢力頹頹。當勝負未決之時。心殊惴惴也。此次破敵。盡殲其精銳。敵有鋼甲車五列。被獲四列。餘可知矣。山東一鼓可下。亟盼敬之同志。督師猛攻。雙方並進。則成功更易矣。特盼。

告閻錫山各路進擊情形電

十六年十一月五日

兩電敬悉。承由運城賜撥各項子彈。至爲感謝。我軍進佔古北三河。北京震動。多方以誤之。亟肄以疲之。實爲今日破敵最良辦法。此間在蘭封附近大捷之後。卽飭各軍分途追擊。以收戰勝完全效果。劉總指揮鎮華所部。向濟甯追擊。鹿總司令所部及鄭大章軍。已向碭山進攻。孫總指揮良城。率第三軍及馬鴻逵軍。進屯歸德馬收集。孫總指揮連仲所部各師旅。卽由東路前線撤回。轉赴河北。先是孫殿英部乘我東方吃緊。以七八千人擾河北各縣。並陷衛輝縣城。

阻斷京漢交通。現東路肅清。已調集重兵。將其圍住。日內當可解決。解決以後。擬即進佔大名。掩護京漢路之安全。即以重兵由京漢路北。上與吾弟合力破敵也。弟處戰況如何。請時賜告。爲禱。又何總指揮應欽。已於支日到濰州。麻日攻蚌埠。徐州之敵。日內必退。並聞。

告閻錫山東路獲勝實況電

十六年十一月五日

東西電誦悉。此次張褚諸部。舉其全力來拚。於東日被我軍將其全線擊潰。創敵極鉅。其殘敵紛紛向濟甯徐州兩方逃竄。我軍乘勝追擊。現主力軍正面已抵碭山。騎兵軍鄧大章部。繞過碭山以東。抄敵後路。已迫徐州。左翼已過曹縣。進迫濟甯。兩路進展。均甚順利。魯境不難指日肅清。隴海路火車。已通至馬牧集。此役獲敵鋼甲車四列。係北京山東河南泰安等號。及火車數列。又在衛輝擊落敵之飛機一架。此次俘敵旅長以上軍官多人。其餘官兵在一萬人以上。

白俄兵百餘人。獲步槍約二萬枝。大砲四十餘門。迫擊砲機關槍各百餘架。其他軍用品無算。現正在清查中。褚玉璞隻身逃免。知注特聞。

告晉閩各方軍情並請出兵擾敵後路電

十六年十一月十一日

青西電誦悉。中左兩路並爲一路。舒卷似較便利。現甯方西征軍。自將蕪春蕪水之唐軍擊潰後。進展甚速。海軍且已上達出家鎮。從事截擊。襄陽方振武部。刻正與第二軍魯軍長所部聯合。卽時進迫武漢。如此情形。長江戰事。不久可告結束。北伐大計。益可早日發展。津浦線上。何總指揮所部。已於齊日佔領紅心鋪黃練鋪之線。正攻明光。此間東路。已令鹿劉兩部。分向徐州濟甯進迫。並令騎兵軍馳向宿州蚌埠之線。抄襲孫軍後路。助我友軍進攻。關於河北情形。前於東路大戰時。孫殿英乘虛佔據衛輝彰德淇縣湯陰各城。現皆被我軍圍攻中。石莊方面。奉軍派來鋼甲車一列。兵二混成團。已至湯陰。現增派韓總指

揮復梁部至河北。解決此敵。若奉軍以大部南下。在彰德淇縣間。必有大戰。其自彰德至石莊五百里鐵路。皆與晉境銜接。請我弟多派便衣兵。截斷破壞。其數十處。則可使其片甲不歸。於河北得一大勝仗。則北進無復障礙矣。蒙允撥助子彈兩百萬。請將七九六五兩種。平均分配。各給百萬。是爲至禱。

呈軍事委員會條陳北伐軍事四端元電

十六年十一月十三日

寧軍西征勝利後馮氏乃迭電寧漢兩方軍事當局。陳述本軍各路及晉方困難危急情形。力促北伐。

國急南京國民政府軍事委員會鈞鑒。密自鈞府明令繼續北伐。分兵西征以來。各方武裝同志。均能爲黨國用命。克摧頑敵。現西征軍事。即將結束。北伐事業。猶在半途。玉祥不揣愚陋。對於軍事一得之見。謹爲鈞府一詳陳之。軍閥與帝國主義者相勾結。喪權賣國。剝削人民。其經濟上物質上之補充。源源不絕。故其器械均甚精良。其彈藥均甚充足。其餉糈均甚富裕。加以友動份子。俱以

軍閥之殘壘。爲其大集合場。彼輩亦深知生死關頭。在此最後之決戰。遂竭其全力作背城借一之舉。此反動勢力之所以尙屬不可輕侮者。閻總司令所部發動以後。初甚順利。但衆寡之數。既不相同。又不似敵軍部隊之久經戰陣。而革命軍之聯絡。復未能切實一致。以致爲敵所乘。大同石家莊遂相繼失守。現正扼守雁門娘子兩關。恃險爲固。急待救援。形勢孤危。有如此者。玉祥所部連年轉戰。南口損失。既未補充。戰線過長。尤難應付。甘省韓黃蠢動。今始肅清。陝省各軍。更爲複雜。陝南陝北。姑且不論。卽關中一區。亦多駐原稱國民二軍之部隊。除由岳總指揮維峻率領二萬餘衆。開道開駐豫南外。其餘各部。將悍兵驕。攘利爭先。赴義退後。甚至勾結敵人。擾亂後方。如麻振武段懋功暨黃得貴韓有祿各部。俱受奉張之委任接濟。似此反側份子。既不能驅之出關。則不能不分兵監視。以免斷絕聯絡。計洛陽潼關長安平涼蘭州甯夏天水之線。長二三千。里。前方所需。常仰望於貧瘠之後方。爲之接濟。更不能不妥爲保護。俾免

疏虞。後方分兵太多。前方力量自減。豫中自消滅靳部以後。較除大患。然趙倜吳佩孚。久踞中州。餘孽尙多潛伏。至張繼武毛思忠門何等部。或出自殺軍。或爲于學忠寇英傑殘部。皆極難馴。時存反側。則其背變。自在意中。卽劉總指揮鎮華所部。其兵十輒不聽其將令。故一旦遇敵。五軍變去二軍。其原因一則不明主義。軍心不牢。一則餉械太缺。難以支撐。當此冬十月。全軍尙衣單血戰。兼旬。食不果腹。種種困難。不可勝言。此次張宗昌傾直魯兩省之衆。來犯豫省。在豫東前線戰鬥者。有褚玉璞。徐源泉。程國瑞。潘鴻鈞。張敬堯。袁家驥。方永昌。劉志陸。許琨。王棟。十軍長。在河北則有孫殿英等部。勾結會匪。俱以最精之兵器。無窮之火力。來壓我軍。又以無數之金錢。買其賣命。幸賴黨國之威福。與職部官兵之深明大義。白刃激戰。血戰一晝夜。死傷五千餘。始克大挫敵人。惟念來日方長。懲前毖後。似應注意下列四事。(一)此次繼續北伐。爲革命勢力與反革命勢力作最後之決戰。彼奉魯軍閥。實爲一切反革命勢力中之最

強有力者似此大戰。非出重兵不可。目今唐生智既已下野。西征之兵。應抽調七萬以上兵力北伐。以便合力猛進。早解閣總司令之困。以固革命勢力聯合戰線。(二)山東久爲張宗昌所盤踞蹂躪。民衆既不聊生。且爲京津之屏蔽。更足近犯晉豫蘇皖各省。山東之寇。若非積極澈底解決。則北伐軍事無由進行。黨國根本。卽難穩固。應請迅調大部兵力。先行解決山東問題。然後南北革命勢力。方能聯絡一氣。長驅燕遼。掃穴挈庭。庶幾有望。(三)敵人餉彈之充足。已如上陳。而我軍則適得其反。有兵無槍。有槍無彈。則兵多亦復何用。兵無餉凍餒交加。則兵氣又何由振。此間餉彈俱極困難。晉仰政府予以接濟。玉祥前以籲請甯漢合一之故。深爲漢方所嫉視。自六月二十日至今。凡鈞府之所決定接濟職部之餉彈。在武漢者。既盡爲所扣留。在他地者。又屬無法起運。豫省爲四戰之區。對北則有張作霖。對東則有張宗昌。加以其他內部反側份子。狼狽爲奸。處此形勢險惡之中。無可如何。艱苦撐持。斷難爲繼。應請鈞府寬

籌餉彈。以便厚增革命勢力。而早撲滅敵人。庶不至一簣功虧。牽動全局。(四)方今戰術日益進步。兵器日益精良。以衆與寡。遇則寡者敗。以兵器不良者與兵器良者。遇則兵器不良者敗。以不善用兵者與善於用兵者。遇則不善用兵者敗。此固必然之事。若夫勢均力敵之部隊相遇。則勝算自屬於明白主義。能犧牲持久者。而官兵之所以明白主義。能犧牲持久者。則端在宣傳工作如何。職部屢次與敵鏖戰。敵以排炮射擊。而我軍卒以犧牲持久之精神。獲得最後之勝利。此皆由於官兵明白主義。而宣傳工作實有以成之。惟自黨務糾紛以後。對於北方普通宣傳工作。較爲停緩。玉祥以爲此後大戰。不特須寬籌餉彈。並須迅速再練明白主義。具有最新最好之軍械的軍隊。以爲根幹。其人數至少須在二十萬以上。而宣傳工作尤須加緊進行。則精神自更淬厲。革命方可成功。以上諸端。悉係目前急務。必如此。然後可以剷除賣國軍閥。否則緣木求魚。其後患將有不堪設想者。玉祥効命黨國。憂瘁徬徨。管窺之見。蓄之已久。

至於今日始得罄陳。鈞府主持至計。務祈俯察迅予施行。黨國幸甚。總理有言。軍事爲政治之原動力。而玉祥則以爲北伐爲國民革命之第一關。今日之事。莫急於此。此間東北兩路血戰。每次輸運斷臂穿胸之傷兵。計鄭汴兩處醫院所集合者。已達五千餘人。陣亡者尙且不論。無醫無藥。宛轉呼號。目視耳聞。玉祥益益深傷感矣。祈早設法。不勝佇跂待命之至。

請何應欽派兵協攻徐州電

十六年十一月十七日

明光何總指揮敬之同志勛鑒。寒亥電敬悉。敵軍自在蘭封一帶擊破敵軍後。卽乘勝追擊。前鋒直抵碭山。敵軍增加許琨部及禱祥本部。並收集潰退之兵。布陣抵抗。其餘若張繼武部及高桂滋所收之門何兩部。在敵軍初來時已叛。應敵軍。又有于學忠舊屬二毛等部。尙在鹿邑太康柘城一帶。逼處右翼。顧慮甚多。又河北方面。在東路勝負未決時。孫殿英竊佔衛輝彰德湯陰淇縣等城。

現正調兵解決。故將主力仍引至宵陵一帶。以一部在歸德守城。濟甯方面。因劉鎮華部人數雖有三萬。然素質及能力均差。獨任則不足圖功。助兵則指揮不便。舍之不用。而另撥軍隊。則又無大兵可以分派。且劉內部複雜。頗多顧慮。故弟意俟吾兄攻取蚌埠後。雙方約定日期。即向徐州攻擊。此第一步。決以主力夾擊徐州。濟甯一路。僅與監視。俟克徐州後。再撥大部兵力。向濟甯一路。與津浦正面兩路並進。未審可否。敬祈指示。又騎兵軍由碭山向宿州前進。途間遇敵所收土匪隊伍極多。甚碍盤旋。乃仍引至歸德附近。隨時向前活動。並聞。

請李宗仁率兵北上電

十六年十一月十八日

濠電敬悉。雄師西征。奠定內難。師不浹月。武漢廓清。逃聽之下。母任快慰。此間於上月世日。在蘭封附近破敵以後。即乘勝直追至碭山附近。但以敵人後方兵力增加尙厚。而河南雜色不可靠之軍隊。又復環繞前後左右。加以劉鎮華

部未能耐戰。遂不能不將陣線收斂。仍在蘭封歸德附近。待津浦路我軍進展。雙方夾擊。至河北軍事。孫殿英前乘我東路緊急之際。竊佔淇縣衛輝彰德湯陰等沿京漢路各城。復由德州派來敵軍三混成旅約萬六七千人。現已將其野戰軍擊破於淇縣以北。各城皆在攻圍中。然弟所焦慮者。百川同志以山西一省。當奉吉黑熱察京兆三省特別區之敵軍。已有兩月。情況危迫。奉軍已入平。荆關太原已有岌岌不保之勢。設有不測。全局牽動。故弟亟欲赴援。以挽大局。但欲援晉。北路必先肅清河北。東路即須克復徐州。現張宗昌竭直魯兩省之力。益以豫皖之兵匪。與弟部爭衡。弟部爲其牽制。急切難以北上。中心憂慮。焦灼如焚。亟盼有大兵北上。共此急難。深望我兄爲之將伯也。承示派樊參謀蒞止。極深歡迎。敬後。

請國府迅派得力軍隊北上電

十六年十一月二十一日

嘯電敬悉。玉祥待罪中州。未能早殲大敵。完成革命。夙夜自省。負疚實深。更承獎飾。益增汗顏。但敵勢猶張。戰地遼闊。非兵力十分充足。反動勢力。一時不易根本盪平。兵貴拙速。未觀巧久。若兵力不足。縱能成功。必多轉折。時間延長。民衆痛苦。將不堪言。敬祈多派得力軍隊北上。以期一舉奠定。藉慰全國民衆之望。不勝企盼之至。

請何應欽迅速進兵山東電

十六年十一月二十四日

蚌埠何總指揮敬之同志勳鑒。此間近日敵情。張宗昌基本部隊。似有轉移之樣。其在我中央及右翼前方者。爲徐源泉部及張繼武寇英傑二毛張敬堯袁家驥等部。測其用意有三。(一)預備行總退却。(二)縮短戰線。在徐州附近頑抗。(三)移主力防津浦。我軍進攻。管見所及。並陳察照。此間左翼前方。有潘鴻鈞劉志陸楊清臣等部。散布各村堡。於昨日起。以孫良誠軍馬鴻逵軍

會同劉鎮華部。解決左翼各敵。以韓復榘軍石友三軍鹿鍾麟東路軍鄭大章騎兵軍。從右翼攻剿前進。敵雖沿途據些頑抗。我軍進展依然甚利。請津浦我軍。猛力進攻。雙方夾擊。敵將窘遁。徐州在此數日內。當可收復也。徐州攻下後。應即乘勢猛進。則克魯不難。軍事最忌停頓。極盼統率大兵。即由津浦直搗濟南。此間以一部由濟寧向濟南。以大部兵力。即由京漢北上援晉。如何之處。敬希統籌指示爲禱。

請國府轉飭津浦線軍隊積極北攻電

十六年十一月二十六日

此間前因劉鎮華部。進展遲滯。故將主力仍集結在歸德以西。自二十三日下總攻擊令後。進展極爲順利。敵之主力軍徐源泉部。約三萬人。爲韓復榘軍石友三軍擊破於李壩集野鷄崗一帶。敵之張敬堯張繼武。袁家驥及二毛等部。爲鹿鍾麟軍擊破於睢縣榆廂堡蓼堤嶺一帶。敵之姜明玉部。爲馬鴻逵擊走。

至曹縣以東。敵之潘鴻鈞、劉志陸等部，約兩萬餘人，爲孫良誠軍會同劉鎮華軍圍在考城附近。正解決中。鄭大章騎兵軍已向歸德以東挺進。綜觀全局戰況。敵軍徐源泉一部，爲張宗昌之基本。及劉潘兩部，稍能耐戰外。餘皆烏合之衆。推測敵軍之主。力必在徐州以南。與津浦我軍對峙。現今各軍乘勝猛進。擣其腰脊。但敵見隴海緊迫。又必將向南者撤以西移。請飭津浦我軍。此時務必積極進攻。使敵軍首尾不能相救。在此數日內。必可將徐州收復也。

告閩錫山豫東戰勝情形電 十六年十一月二十八日

(以下三電，敘述十六年十一月下旬，豫東第二次大戰勝利情況，)

此間自本月東日。在蘭封附近破敵。大勝以後。即追敵至碭山以東。旋以津浦我軍尙未進展。而左翼雪亞所部兵頓可慮。當時河北孫殿英大肆擾亂。遂將前線仍引至蘭封以東。韓復榘軍與孫連仲軍合擊孫殿英歸德增援之敵軍。

於十六日擊破於淇縣以北。而津浦我軍。於十六日攻克蚌埠。十八日克固鎮。私惟大舉北進。必先肅清徐州之敵。以除顧慮。遂於二十二日以前。部署完竣。二十三日開始總攻。分三路進擊。進攻以後。連戰大捷。左路將潘逆馮鈞劉逆志陸並其餘各部。悉與解決於考城附近。計俘擄萬餘人。潘逆及其旅長四五員。悉爲我軍擒獲。潘且傷重身死。中路與敵徐源泉王棟方永昌等部激戰。擊敗於李壩集野鷄崗之線。褚玉璞親率其衛隊精卒。糾合敗退之兵。共四萬餘人。復在柳河抗戰。褚逆赤膊臨陣。頑強惡鬪。激戰一日夜。將其擊潰。四散竄逃。左路沿途解決張敬堯張繼武二毛等部。乘勝直追。據前方昨日報告。中路左路。於上午九時。佔領馬牧集。卽向徐州猛進。騎兵軍已過馬牧集。左路已向濟寧猛進。判斷敵人經此再挫。已無抵抗能力。徐州於三日內可下。東路既清。當卽調大兵北上。以與吾弟犄角破敵。知關存念。特電奉聞。

勸方振武北上援閩十六年十一月三十日

安陸花園探投方總指揮叔平兄勸鑒。今日晉代表臺梅兩同志來見。得悉太原情形危險。太原危則我軍危。以形勢言。不可不援百川。以孤軍支大敵。爲主義犧牲奮鬥。如此。以道德言。不容不援。直魯各軍。全力來侵。不計衆寡。與之力拚。爲革命軍事全局計。亦爲進援百川計也。幸已大戰兩次。破滅該敵。卽令所部直攻徐州。現已越過礪山。卽日可下徐州。但目下所可慮者。南中軍隊。畏寒懷土。延不以全力北來。則戰地遼闊。仍苦無救兵。以救晉難。所指望者。惟吾兄一部耳。久共患難。歷經艱苦。彼此關係。無異手足。吾知兄必若彭雪琴之竹杖芒履。以赴江西之急也。但聞兄以餉彈兩問題。未經根本解決。尙無出師確期。愚意竊以爲不可。南中多故。餉彈欲有根本辦法。非一時所可能。山西情形緊迫。刻不容緩。救焚拯溺。當不待被髮纓冠。一面移動。一面籌辦法。亦不至誤。望吾兄接電後。卽日北上。津浦京漢。惟兄所擇。總以速動爲上。切盼切禱。惟盼我

兄不學時髦軍人有出兵之名而不見出兵之實也。

通告後方將領前方戰況電

十六年十二月七日

我軍前方各路戰況如下。(一)河北方面。由孫總指揮連仲統率第十四軍。梁壽愷軍。秦德純軍。現在淇孫濬縣之線。與敵相持。時有戰鬪。均極順利。衛輝敵人。正被我圍攻中。(二)濟甯方面。我軍孫總指揮良誠率部。於上月宥感。儉三日。將敵劉志陸。潘鴻鈞等部四萬人殲滅。並將潘鴻鈞擊斃。即乘勝北進。現已佔領荷澤。定陶。城武各縣。向濟甯前進。(三)徐州方面。我韓復榘軍。石友三軍。自在柳河大破敵軍後。即乘勝直追。於江日。即至徐州城下。截斷津浦鐵路。其時敵軍大部。均在南宿州。倉皇北走。希圖奪路北竄。爲我軍截住。遂生大戰。該敵即在徐州城廂一帶。頑強抵抗。現我韓石兩軍。及鹿鍾麟軍。鄭大章軍。劉汝明軍。均在徐州圍攻敵人。津浦線何總指揮應欽所部。亦在北進。現在

敵已動搖。日內即可全部解決也。

報告東路大戰經過電 十六年十二月十七日

此電歷述十六年下季豫東五次戰役及再度攻下徐州情況

南京國民政府軍事委員會鈞鑒。李總指揮德隣同志。徐州何總指揮敬之同志。漢口程總指揮頌雲同志。白總指揮健生同志。勛鑒。竊按此次東路與張宗昌激戰。自開戰以來。前後近三月。大戰凡五次。十月十日至十五日。在碭山以西。楊集。夏邑之線。爲第一次。此爲前鋒作戰。我軍兵力約三萬。敵軍兵力約五萬。十月二十七日。至十一月一日。蘭封。杞縣之線。爲第二次。我軍兵力約十萬。敵軍兵力約十四萬。此爲主力衝突。結果我軍大勝。消滅敵人兵力十分之四。十一月二十三日至二十七日。在野鷄岡。柳河。杞縣以東。新舊考城之線。爲第三次。乃主力第二次決戰。結果將敵之右翼劉志陸軍。潘鴻鈞軍及其餘各部。

約四萬餘人完全殲滅中左兩路敵軍均爲我擊破克復歸德礮山乘勝直薄徐州於十二月三日進攻徐州城垣自江日戰至七日爲第四次是役因連絡戰線太長後方顧慮牽制過多前線兵力太單敵軍除直魯軍全部外益以孫傳芳之全部雖衆寡懸殊但我軍因歸德斷絕賊殊死鬥前線將領以何總指揮應欽督師旦夕將至眼見垂成之功不肯拋棄忍死苦戰以待夾擊故我軍犧牲極大後見未可遽克遂鬥次黃口之線待何總指揮大兵自南到達再行夾擊十二月十四日至十六日爲第五次是役與何總指揮同日進攻右翼進攻蕭縣主力在黃口附近擊破當面之敵三萬餘人直攻徐州以北之毛村取包圍之勢而沛縣豐縣單縣各方面同時發生戰事我軍畧獲戰勝乘銳直前同時何總指揮所部在徐州之東南兩方大獲勝仗敵見東西兩面圈逼已緊於十六日午前悉數潰退何總指揮前鋒由徐州以北之毛村車站當日進入城垣此間主力同時抵毛村騎兵軍卽向韓莊追擊徐州遂告克復綜計前後

五。次。大。戰。俘。敵。官。兵。一。萬。五。千。餘。名。並。收。敵。傷。兵。一。千。五。百。餘。名。陣。斃。敵。軍。長。潘。鴻。鈞。一。員。擒。獲。師。旅。長。十。餘。員。褚。玉。璞。亦。受。重。傷。並。有。因。傷。致。斃。之。說。而。我。軍。官。兵。犧。牲。亦。鉅。以。第。四。次。第。五。次。爲。尤。甚。傷。兵。已。運。後。方。醫。治。者。有。八。千。餘。名。現。仍。有。尙。未。運。回。者。陣。亡。旅。長。陳。鴻。賓。一。員。負。傷。者。有。師。長。孫。桐。萱。旅。長。李。曾。志。張。印。湘。徐。福。勝。王。毓。璋。白。占。元。李。漢。章。黃。維。綱。傅。殿。卿。蒲。永。祥。張。其。仁。栗。順。章。劉。宗。成。李。萬。湘。等。帶。上。級。軍。官。十。六。員。鋼。甲。車。司。令。劉。自。珍。一。員。傷。亡。團。營。長。五。十。餘。員。戰。事。激。烈。異。常。韓。總。指。揮。復。架。石。軍。長。友。三。身。居。散。兵。線。尙。在。敵。彈。如。雨。之。中。往。來。督。戰。師。長。孫。桐。萱。旅。長。李。曾。志。徐。福。勝。張。印。湘。等。受。傷。後。不。退。官。兵。受。傷。但。能。操。作。均。仍。裹。傷。奮。鬥。卒。能。經。長。時。期。之。激。戰。克。殲。巨。敵。今。當。徐。州。已。下。東。路。戰。事。告。一。段。落。之。際。理。合。將。三。月。以。來。戰。事。經。過。及。官。兵。苦。戰。情。形。摘。要。電。陳。敬。祈。鑒。察。馮。玉。祥。叩。

通電論應速北伐電

十六年十二月二十一日

南京國民政府軍事委員會鈞鑒。上海蔣介石同志。李總指揮德鄰同志。徐州何總指揮敬之同志。南昌朱總指揮益之同志。漢口程總指揮頌雲同志。白總指揮健生同志。孝感方總指揮叔平同志。陳雪軒同志。各總指揮。各軍長。各同志。勳鑒。竊按此次克復徐州戰役。張宗昌孫傳芳所部精銳。於隴海津浦西路。迭次敗挫。損失殆盡。近遁據兗州濟寧之線。士氣沮喪。隊伍混雜。已無抵抗能力。奉張一股。雖稱頑強。攻涿三月不下。兵卒死者。兩萬五百餘。攻晉之兵。復扼於雁門平荊。卒未能越雷池一步。兵挫力屈。其氣已衰。兵法乘勞。此進取之時也。似應及時決定北伐大計。爲一鼓平敵之舉。以完成革命軍事之全功。茲就鄙見所及。謹陳如左。按軍閥與帝國主義相勾結。補充容易。雖經大敗。恢復亦速。我軍若不因席戰勝之威。乘破竹之勢。一舉平敵。而使得有補充之時間。則以復卽難爲力。此我軍之應速進者一也。夫攻守異勢。攻常有餘。守常不足。兵法論之綦詳。蓋攻則士氣旺盛。不爲地區所限。守則處處備敵。將力分而勢寡。

夫。以。今。日。取。攻。勢。津。浦。出。兵。七。萬。濟。甯。五。萬。京。漢。大。名。一。帶。十。萬。則。解。決。北。方。軍。事。最。多。二。十。二。萬。而。已。足。如。取。守。勢。則。沿。河。而。東。以。至。於。海。防。地。千。里。雖。以。三。十。萬。守。之。猶。虞。薄。弱。處。處。防。敵。勞。費。加。倍。何。況。敵。若。力。足。必。來。攻。我。戰。事。終。不。能。免。乎。此。我。軍。之。應。速。進。者。二。也。夫。革。命。軍。隊。爲。完。成。革。命。軍。事。之。用。今。軍。數。已。逾。百。萬。餉。需。皆。出。民。間。革。命。軍。事。一。日。不。完。軍。隊。卽。有。增。無。減。人。民。之。困。於。供。應。者。終。必。有。竭。蹶。難。勝。之。日。時。間。延。長。慮。生。他。變。此。我。軍。之。應。速。進。者。三。也。凡。屬。革。命。軍。隊。似。均。應。參。加。革。命。全。線。若。留。之。後。方。屯。而。不。用。非。特。前。線。減。少。革。命。力。量。並。慮。復。方。發。生。別。故。更。長。內。鬩。譬。如。一。家。昆。季。在。外。各。有。職。業。自。能。永。遠。和。睦。倘。皆。在。家。閑。居。則。妯。娣。間。言。鷄。犬。細。故。皆。足。爲。勃。谿。之。資。此。乃。出。於。自。然。不。必。待。有。播。弄。然。後。致。此。此。我。軍。之。應。速。進。者。四。也。閻。總。司。令。錫。山。同。志。誓。師。討。敵。以。一。省。之。地。當。三。省。三。特。別。區。之。衆。苦。戰。三。月。師。逼。近。郊。傳。軍。長。作。義。同。志。困。守。涿。州。糧。彈。將。絕。勢。在。垂。危。凡。我。同。志。義。當。奮。救。此。我。軍。之。應。速。

進者五也。故爲乘勝破敵計。爲兵力多寡計。爲早安民生計。爲各軍和睦計。爲急救友軍計。皆應速進。不宜稍遲。心所謂危。迫切陳告。倘荷贊同。切盼諸同志一致揮軍北伐。共平強敵。以除永患。而定國基。臨電不勝待命之至。馮玉祥叩馬。

請軍委會注意張門何毛等部電

十六年十二月二十三日

關於張繼武門錫光何柯堯三部情形。業經電陳在案。茲據報告。張繼武部張錦標邵子元兩師。共五千餘人。已受石德純改編。寇英傑及袁毛各殘部。亦歸石收編。現爲國軍暫編第六軍等情。按此等軍隊。反復無常。萬不可恃。萬不可收。若拒之。討之。雖不能盡殲。其爲患亦不至甚鉅。若收之。編之。則實足爲腹心之患。一旦有事。敗壞全局。馬故軍長祥斌。事可爲殷鑒。往車已覆。來軫方迺。貽患前途。仍堪設想。敬祈特與注意。是爲至禱。

告劉郁芬等東路戰况電 十六年十二月二十五日

張宗昌第二次傾全力擾我隴海線右路。張敬堯所部合各路匪衆約十二萬人以上。分犯考城歸德夏邑等處。我軍爲誘敵深入計。全部引至野鷄崗柳河考城一帶。敵人在前月養日。到達我軍防線附近。遂于漾日下總攻擊。令中路韓石各軍沿鐵道攻擊。右路東路各軍向睢縣甯縣進攻。左路劉孫各軍向考城進攻。騎兵軍由歸德以南向碭山挺進進攻。旋在柳河考城野鷄崗附近大戰四晝夜。將敵主力完全擊破。斃敵二萬餘人。俘虜一萬五千餘人。槍一萬餘枝。機槍數十架。陸砲迫擊砲百餘尊。汽車二十餘輛。接濟車二百餘輛。計斃敵軍長潘鴻鈞一名。旅長數名。褚玉璞身受重傷。敵人分向徐州蕭縣濟甯潰退。我軍跟踪追擊。沿途解決零星匪衆不少。虜獲軍實甚多。爲時不久。先後克復碭山夏邑蕭縣曹州定陶荷澤城武等縣。我軍積極進攻。敵人節節潰退。此役

劉志陸。張敬堯。寇英傑。袁家驥。毛思義。褚玉璞。所部多半消滅。褚逆僅剩衛隊二團。向徐州潰退。本月支日。我騎兵軍衝過毛村車站以北。其餘各軍將敵殘部圍困於徐城附近。左路已過定陶荷澤之線。爾時張宗昌。褚玉璞。孫傳芳。均在徐城。遂作困獸之鬪。一時由津浦線退回孫之殘部。爲數甚衆。頗覺彼衆我寡。破城無望。旋向郝寨之線引退。以待南方達到。雙方夾擊。我軍稍事休息。于元日與南軍同時進攻。我方用鐵甲車。唐克車。衝鋒。勢如破竹。斃敵萬餘。俘敵無數。激戰二日。敵人完全北竄。騎兵軍追過韓庄以北。有敵一部五千餘。竄入楊集。經我軍劉汝明部包圍繳械。徐州遂於銑日完全克復。我軍奉國民政府篠日電令。悉數由京漢路北伐。津浦線由何總指揮所部擔任攻擊等因。現我軍除以孫良誠。馬鴻逵兩部圍攻曹縣。並準備向濟寧前進。石友三軍調駐開封歸德。以作策應。劉鎮華。鹿鐘麟兩部。卽由東明渡河。抄襲孫殿英後路。鄭大章騎兵軍。亦卽渡河向彰德北上外。近因豫南匪軍假名革命。到處焚掠。甚至

勾結土匪乘機圖逞。故特調韓復榘劉汝明兩部。趁此時機。尅日剿辦。以去後憂。此近日軍事佈置之大概情形也。特電知照。

請南中將領乘時北伐電

十七年一月二日

溯自出師北伐以來。歲凡兩更。平定大江南北。肅清隴海全線。軍威所震。敵人喪胆。自應乘勢進取。爲一勞永逸之計。肅清反動。完成革命。不宜稍有停頓。致縱寇貽患也。今敵我戰線延長四千餘里。攻可有餘。守則不足。先發者制人。後發者爲人所制。查直魯各軍。在隴海津浦。飽受重創。奉軍圖晉。頓兵山岳。進退維谷。正我軍乘弊進攻之時間。奉張正謀借外債。大購軍械。擴充軍隊。倘稍予縱容。使有整頓餘暇。則爾後軍事必較今更難。此玉祥所由夙夜躊躇。不能不引爲深慮者也。抑有進者。敵軍方面。如孫傳芳新結合之部分。離前方三千餘里。及其吉黑軍隊。均經調來與我作戰。故我革命軍亦應迅速集中各方所有。

力量與之週旋。庶可一舉克敵。至望諸同志當機立決。揮戈北指。則殲滅強敵。共奏膚功。直顧問事耳。否則軍事一日不息。建設一日無從着手。斯民衆之痛苦。亦一日不能解除。內受軍閥之摧殘。外受列強之壓迫。中國革命前途。將有不忍言者矣。救民救國。全在此舉。幸垂察焉。

上國府軍委會條陳三事電

十七年一月九日

頃據確報。張作霖由天津海口輸入步槍三萬五千枝。子彈一千五百萬粒。準備反攻。並調褚玉璞爲大名前敵總指揮。調張宗昌督直。而以孫傳芳督魯。張孫因利害衝突。已在德州一帶激戰等語。查軍閥勾結帝國主義。不惜國脈。求保權位。補充容易。自在意中。而張孫互鬥。亦爲勢所必至。衡敵我之情形。貢一得之愚見。謹陳如左。按張宗昌孫傳芳兩部精銳。在隴海津浦兩路。迭遭慘敗。損失殆盡。奉張所部。雖稱頑強。而攻晉攻涿。死亡數萬。兵挫力絀。士氣已竭。然

以其與帝國主義相勾結。利器源源而來。恢復自非難事。當此科學戰爭之時期。以槍砲少而劣。與多而精者遇。則多而精者。自操勝算。敵人取携有自。而我則製造不給。實力厚薄。顯然判分。似宜迅速設法。多購械彈。以備殺敵之用。此應請注意者一也。殲滅賣國軍閥。非有雄大之兵力不可。現在敵人之槍械日增。兵數日多。而戰鬥力亦遂日益恢復。我革命軍若不急起直追。則衆寡之間。勝負繫焉。軍閥不滅。革命云何。兵力不足。滅于何有。似宜趕練精兵。藉增勁旅。人民雖受一時痛苦。革命成功。自獲幸福。較之苟安目前。戰事遷延。人民仍受其禍。且受禍更烈者。不已多乎。此應請注意者二也。革命軍隊。似均應參加革命戰線。若留置後方。屯而不用。非特前線減少革命力量。更慮發生別故。致起內爭。此節迭經陳明。諒邀洞鑒。況現在積極北進。大戰在即。似宜將後方所有軍隊。一律調赴前線。早滅強敵。此應請注意者三也。以上三端。玉祥之愚。以爲當務之急要。莫逾于此。愚慮所及。迫切陳告。倘荷採擇。卽懇迅速舉辦。俾軍閥

早日剷除。革命早日成功。臨穎無任禱切之至。

覆蔣中正說明本軍部署情形電

十七年一月九日

南京蔣總司令介石兄勛鑒。虞電敬悉。我兄卽日行使職權。部署北進。忻快萬分。茲將弟部現在情形分述如次。(一)劉鎮華軍。此部人約三萬。槍有兩萬餘枝。子彈甚缺。訓練較差。自克徐州後。卽令由考城荷澤。渡過河北。經長垣濮陽清豐向大名進發。現其先鋒已攻濮陽。並向北續進。(二)鹿鍾麟軍。此部有三萬人。槍兩萬餘枝。子彈甚缺。戰鬪力經歷次戰鬪。頗有進步。原稱東路軍。現改爲第九方面軍。攻克徐州後。卽由蕭縣向河北轉移。內龐炳勛軍及鹿鍾麟自統之第十八均軍已渡河。在長垣集中。人約兩萬。槍一萬五千枝。尙有王鴻恩軍。留駐碭山馬牧集。剿匪維持徐歸交通。呂秀文軍。留駐荷澤定陶城武。(三)孫良誠軍三萬人。並附騎兵一師。在單縣曹縣城武一帶屯駐。並一

面圍攻曹縣。(四)石友三軍兩萬。現屯歸德蘭封一帶。爲孫良誠策應。並一面剿辦鐵路附近之土匪。(五)韓復榘軍三萬。自克徐州後。卽由徐州移至漯河剿匪。蓋因豫南土匪充斥。不良軍隊。如樊鍾秀王迺文等。勾結爲患。阻斷京漢交通。不得不防。現正在進剿中。(六)孫連仲方面軍。內馮治安韓占元秦德純三軍。約四萬人。槍三萬餘枝。原駐在河北。在滑縣淇縣衛輝之線。與敵相接。現又令馬鴻逵軍屬之。正由曹縣開拔北渡。約七千人。槍五千枝。(七)劉汝明軍。自攻克徐州後。卽開至京漢路以西。密縣登封臨汝一帶剿匪。(八)鄭大章騎兵軍。除一師在魯西外。全部由黃河橋渡河。現正由滑縣長垣中間。向敵陣後方繞抄中。(九)方總指揮振武所部。有一部已開至信陽。正續向駐馬店上蔡一帶開拔。以上九條。係此間各軍最近移動情形也。據探報。奉軍以三四方面軍。由京漢阻我北進。並有令褚玉璞急來大名。以孫傳芳當津浦之說。至祈我兄統籌全局。指示方畧。弟當躬率所部。以效前驅也。

向中央報告河北戰況電

十七年三月四日

茲將由五日至十一日七日間河北戰況彙報如下：（一）歌晨觀台北西南三面及艾口發現敵步騎兵向我猛攻。經我高樹勳師擊退至漳河以北。（二）馬莊陳莊之敵約三千名向我進攻。同時柳園小屯及三宗廟亦發現敵約二千名擾我後方。經我楊賈兩旅與敵激戰終日。（三）我龐炳勳軍歌日向李子莊龍山廟以北山上之敵匪攻擊。先後佔領臥龍寨龍鳳兩山及信村等處。（四）虞晚敵以諸種兵連合之部隊向我安陽前進。經我韓師前往截擊。並派程師斷敵後路。我騎兵大部向柳園襲擊。腹背均與敵接觸。戰甚激烈。（五）齊晨敵以全力攻我東西大寺石莊艾亭曹馬村辛安之線。並以大部繞抄我右後方。又派便衣隊潛進我安陽城。均被擊潰。創敵甚鉅。敵係于學忠袁振青戡翼翹二部及賈聯芳馬占山之騎兵。（六）佳日我張重兩師將太史

莊王莊六府之敵擊潰。殲敵甚衆。又以第十八軍向辛安之敵攻擊。董師向敵左翼抄襲。程師佔領東西崇固及南陽店。向定濬進攻。(七)孫連仲部在水冶東設伏。斃敵甚夥。據俘虜稱。順德以南。已無大隊敵軍。(八)我韓陵山陣地。爲戰畧上之要點。佳晚敵以四路縱路向我猛攻。血戰一晝夜。敵我傷亡均甚衆。且三得三失。敵終未得逞。(九)蒸日葛運隆師圍攻大韓屯之敵。激戰兩小時。敵向東北潰竄。我軍乘勝追擊。斃敵尤多。(十)眞日我馮治安軍。佔據東高村東萊杜固之線。隔洹河與于學忠部對戰。其他右部。佔領辛安艾亭。韓陵山孝子屯司空度置村之線。與敵竇聯芳及何柱國等師激戰。我孫桐萱師。由十里舖出擊。敵以富雙英軍來援。經我各部協力痛擊。敵軍向漳河北潰退。其在韓陵山之敵。已被我軍包圍。現正分途回敵追擊中。謹電奉聞。

歡迎李宗仁等派兵北上電

十七年四月九日

(以下七電皆力促第四集團軍早日北上參加北伐)

迭承電示。敬悉德兄蒞漢。師發在途。欣慰無既。敵軍現傾全力犯晉。井陘繁峙。雁門各處。同時吃緊。井陘形勢。尤爲岌岌。敵意擬在十日內。猛挫百川。然後傾巢犯豫。弟爲急百川之難。已飭京漢線各軍。猛攻漳河北岸之敵。務克磁州順德。牽制攻晉敵軍。惟大名方面之敵。必乘機攻我右側。兵力尙須增厚。故亟盼兄部火速北來。以便籌備一鼓破之。茲據黃參謀長中漢來電。尊處坐騎缺乏。茲特撥秦隴馬兩百匹。聊供驅策。並派員奉贈生豬四百頭。麵包二百。鹹菜三百斤。請代爲分致各武裝同志。區區微物。敢云犒敬。不過畧表歡迎之意。務祈晒納。是幸。茲後大軍北發。交通有何困難。糧秣或遇不足。此間必視力所及。竭誠幫助。吾輩同生死。共患難。決不敢稍分彼此。惟望諸兄切實指示一切。俾無隕越。是所至禱。

再請李宗仁等派兵北上電

十七年四月十二日

連日京漢方面彰德附近。戰鬥激烈異常。敵衆我寡。形勢極緊。自魚日起。敵踐翼翹于學忠袁振青馬占山竇聯芳各部。合有十萬餘人。經我奮勇逆襲。擊潰數次。但一處敵人擊潰。卽有一部分敵人增加。往復衝突。愈戰愈烈。我軍原在河北各部隊。均已增至第一線。韓復榘軍亦已有一師增至前線。自彰德以至新鄉三百里間。極形空虛。截至今日。敵又增加富雙英等兩師。萬福麟騎兵全部。並將其後方各部隊。均調前線。綜計兵力。已在十三萬以上。窺其企圖。似有於革命軍事全局中。擇定彰德爲攻擊點之意。切懇兄等迅提大軍。速速北上。務盼在五日以內。開三萬兵以上到河北。則戰局方可穩固。不勝盼禱之至。立候裁復。

三請李宗仁等派兵北上電

十七年四月十三日

此次我軍與奉軍。在漳河戰線血戰。凡八晝夜。最後敵方增兵。爲數達十二萬。

以上。傾全力來犯。企圖奪我陣地。衝鋒肉搏數十次。敵人死傷實逾萬數。卒被擊退。終未獲逞。預計奉軍最近必圖再舉。重行南犯。敵軍在河北各部。兵力上實嫌太薄。急待增援。且豫南樊部。四出擾亂。時有截斷京漢路之企圖。實爲後方大患。尤不得不仰仗雄師。建威銷萌。擬請以葉軍長琪所部。卽日進駐河北。并請吾兄迅率主力。進駐許昌鄆城一帶。則于軍事大局。增益不淺矣。臨電盼切。敬候賜復。

四請李宗仁等派兵北上電

十七年四月二十日

河。北。方。面。雙。方。肉。薄。已。十。五。日。戰。鬥。極。烈。我。軍。傷。亡。日。以。下。計。現。在。韓。復。榘。軍。傷。亡。三。師。長。二。旅。長。馮。治。安。軍。陣。亡。參。謀。長。劉。鎮。華。部。陣。亡。旅。長。其。餘。營。長。以。上。傷。亡。百。十。員。官。兵。犧。牲。萬。餘。人。疲。困。已。達。極。點。敵。仍。猛。撲。未。已。若。再。無。生。力。軍。加。入。恐。難。支。持。河。北。不。守。必。致。牽。動。全。局。孫。良。誠。軍。馬。鴻。逵。軍。石。友。三。軍。

席液池軍正現在圍攻濟甯城外。孫傳芳殘部尙有五萬。急切不能殲滅。一時實無兵可調。故盼兩湖大軍仗義渡河。極爲迫切。務請諸兄排除萬難。卽調大軍北上。解救危亡。軍機星火。千萬迅速。大軍究竟可否向河北出動。並請示以日期。以便作算。枕戈待命。不勝企盼之至。

請李宗仁飭葉琪進攻樊鍾秀電

十七年四月二十五日

目下河北軍事形勢。已屬危岌。大名方面。已連失南樂觀城濮縣三城。官兵苦戰。已達二十餘日。筋疲力盡。而樊鍾秀通敵叛變。率匪數萬。分攻洛陽偃師鞏縣密縣等處。鄭洛交通。完全斷絕。如此景象。北伐軍事。實陷于萬分危險之狀態。大兵若不相援。則軍事卽將起絕大變化。敬懇吾兄迅飭到漯河葉軍長所部。卽向樊部進攻。如謂事勢未明。尙有不便。則請逕開至河北助戰。以解眉睫之急。生死存亡。卽在呼吸之間。切盼速決。若遲迴考慮。緩一二日。則局勢一變。

雖蒙愛助亦無及矣。事關黨國存亡。想諸兄必不忍坐視也。無任盼切待命之至。

請軍委員會速飭兩湖大兵北來助戰電

十七年四月二十七日

頃接閻總司令百川同志電。謂奉軍現正調集大部兵力。由順德西進。又在雁門方面增兵猛攻。囑此間速調魯西大軍。轉向京漢。督師猛進。以解危難等語。按閻總司令所部。與敵苦戰。已越七月。危困情形。實達極點。若不急救。倘有疏失。必將影響軍事全局。而揆諸急難相救之義。心更不安。現彰德大名一帶。正在苦鬪。此間原擬調魯西之石友三軍。及潼關之張維璽軍。到河北後。轉取攻勢。以與閻總司令犄角破敵。詎意樊部通敵叛變。隴海交通完全斷絕。張維璽軍半被截斷。石友三軍被其牽制。轉入隴海。以此之故。河北不但不能轉守爲攻。並且形勢岌岌。危險萬狀。兩湖大軍。雖已奉命北來。迄今未見蒞止。倘再延

緩。時機一失。後悔難追。此時有三萬人。可以濟事者。將來雖有十萬人。亦難爲力。如晉軍被敵擊破。則河北必不能保。河北不保。則兩湖雖有雄兵二十萬。補救亦匪易矣。成敗之機。惟在遲速二字。速則北伐大功。即可成於今日。遲則不啻與敵以戰勝之機也。敬祈迅催兩湖大軍。即開河北加入作戰。以救危局。並盼由李程白三同志中推舉一位。前來督師。並指教一切。不勝迫切待命之至。

歡迎白崇禧即日北來電

十七年五月十三日

(銜畧)文電敬悉。我革命軍此次與敵人最後決戰。賴黨國德威。將士忠勇。濟寧濟南大名石莊。相繼克復。現津浦線德州。已處我三面包圍之中。業令方振武賀耀祖孫良誠劉鎮華各軍。限日攻克。張褚殘部。擬退滄州。京漢線鹿鍾麟韓復榘與百川會於石莊。前鋒已抵方順橋。保定將下。京綏路敵軍正集中。

懷來準備總退却。惟大業多敗於垂成之會。弟以爲有可慮者數事。一、此次戰役。百川部自三月儉日起。已苦戰四十餘日。河北各部自上月微日起。津浦魯西各部自上月佳日起。亦均已死拚三十餘日。死傷數萬。元氣大傷。觀奉軍布置。仍圖在滄州涿州之線。屏蔽京津。作最後之頑抗。如我軍無勁旅增援。恐難迅奏膚功。二、日軍在魯。日事橫行。增調艦隊。企圖危我首都。一面竭力扶助敵軍。俾集結殘餘。死灰復燃。必須乘其喘息未定。一鼓殲滅。永絕後患。否則國亡無日矣。三、張作霖因勢竭力盡。途窮日暮。宣言在京綏正太京漢停戰。而不言津浦。意在分化革命勢力。使我同志互相猜疑。停頓軍事進展。俾彼得苟延殘喘。如不迅予徹底解決。恐夜長夢多。四、後方各反動分子。多乘機謀亂。企圖傾覆革命政府。如樊鍾秀李雲龍等。相繼蠢動。若戰局長此遷延。恐更生其他重大變化。五、值此內憂外患交迫。正是匪輩搗亂機會。不消滅敵人。決難鎮懾匪類。消患未然。綜觀上述各節。惟有切懇親督大軍。火速北上。担任在京漢線向

北京猛攻。俾河北弟部得以抽出。橫趨滄州東光之線。聯合津浦各軍。猛撲天津。如此則京漢津浦均增加大批生力軍。萬非殘餘之敵所能抵抗。不但京津且夕必下。而乘勝直追。關外亦傳檄可定。敵軍既平。再併力對日。可得倭奴而甘心矣。爲救黨計。救國計。救全民族計。必須兄來。必須兄速來。已飭軍車管理局備車十列。星夜開赴漢口聽用。此機稍縱卽逝。我兄愛護黨國。知己命駕行矣。

通電佔領南苑

十七年六月六日

頂據韓總指揮復渠魚十九時報告。魚日下午四時。我李漢章旅。已將南苑完全佔領。潰敵紛向東北逃竄。是役俘獲甚多。北京紳商民衆各界。皆來南苑歡迎等語。特聞。

馮玉祥軍事要電彙編

卷二 軍略

令劉郁芬注意二事電 十五年十月四日

各電報告室鷄勝利情況已悉。官兵勞苦。請弟獎勵。本日接孫師長來電。當令該師長迅速援陝。並注意下列兩事。(一)沂陽室鷄之敵。既已潰退。惟秦嶺鳳嶺。道路崎嶇。易於潛伏。務轉知黨旅乘勝向南追擊。最小限度。追至留壩。必能大收效果。而免後顧之憂。(二)我軍出兵。須張大聲勢。務用余名。義速即編印佈告。謂已令方振武軍長。爲援陝第一路總司令。弓富魁軍長。爲第二路。孫良臣師長。爲第三路。馬鴻逵。爲第四路。共率大兵十萬。尅日援陝。本總司令親率馮治安。佟凌閣。劉汝明。孫連仲各師。爲總預備隊。策應一切。以便東出潼

關。直。搗。洛。陽。而。與。北。伐。軍。會。師。戡。定。中。原。等。語。並。令。將。此。項。佈。告。多。編。印。多。散。多。貼。以。寒。敵。胆。而。壯。軍。威。特。此。電。達。吾。弟。並。盼。將。前。方。情。形。隨。時。電。達。是。爲。至。要。

令孫良誠注意三事電

十五年十月十六日

平涼孫總司令良臣弟鑒。迭電報告吳新田殘部及鎮嵩軍各情均悉。吾弟擬急援陝。與兄意完全相同。茲特囑以下三事。務請注意。(一)派遺高等偵探。必須多選。有知識。幹探。分途派出。使各探彼此不得互相連絡。方可偵得實情。而無流弊。(二)用兵之法。以旁敲側擊爲最收功效。務須設法抄襲敵方後路。並以正式軍隊改爲便衣游擊隊。擾亂敵方。出沒無常。必收奇績。(三)攻堅。蠻打爲兵家大忌。與敵人作戰時。必須擇其弱點。則一擊即可突破。非萬不得已。時切切不可攻城。不可攻溝壑。至要。至要。以上三事。關係極爲重要。請我

弟接到此電後。一面飛電前方各旅團長。飭其一體遵照。一面飛電報告。已接到此電。余方放心。是爲至囑。祥銑。

令孫良誠先固陣地乘機進攻電

十五年十一月二十五日

馬晨電報告攻擊查楊村等情備悉。按戰門原則無不先求堅固自己之根本。然後再求制勝之策者萬不可輕用其鋒。致爲敵乘。如能識得戰爲勇氣一盛。再衰三竭之理。深溝高壘。誘敵進攻。挫其精銳。耗其彈藥。再乘機反攻。必獲全勝矣。今敵佔據查楊村。若非必爭之地。可毋庸急於奪回。夫料敵制勝。知彼知已。上將之道。劉鎮華無接濟來源。人所共知。但須靜以制動。此敵不難消滅。我軍長處必擴大宣傳。使敵知之。以懾其氣。我軍短處須嚴守秘密。勿使敵知。致爲所乘。我軍韓復榘所部三師。韓占元一師。韓德元一師。趙守鈺一師。馮治安一師。共七師。已分批上道。不日可到前線。余本日次礮口。明後日可到寧夏。略

事部署。卽進平涼。所有此次死傷官兵。着從優撫卹。以慰忠勇。仰卽迅速查明請卹。敵人東關外。或臨潼後路。尤須設法抄襲。以制其死命。史可軒師。正攻擊渭南中。並聞。

令孫良誠勿輕追敵電

十五年十一月二十九日

長安圍解。敵悉退走。若確係崩潰。旂靡轍亂。各不相顧。我軍卽可派勁旅跟踪追擊。使其不能成軍。以收戰勝完全效果。若敵人整隊退却。或猶有第二抵抗線。希圖苟延。則我軍大隊須督在臨渭一帶擇地停止。多派得力偵探。查明敵人退却方向。究竟是向潼關。抑向武關與漢中。或分向各路潰走。詳速電復。爲要。

告孫良誠用兵要訣電

十五年十二月三日

咸陽孫總司令良臣弟鑒。儉電悉。遠道赴援。官兵勞苦。情念之至。用兵之道。須在不攻堅抄後路。遠偵探。多謀算。四者望萬分注意。至有出奇制勝。神出鬼沒。使敵莫測。尤爲重要。以前屢次電囑。務請我弟善爲運用。必能成功。

令門致中等注意八事電

十五年十二月九日

義旗門副總參謀長致中弟。並飛轉石總司令友三弟。韓總司令復槩弟。弓軍長海亭兄。包頭鄭總參贊振堂兄。張處長允榮弟。並轉徐軍長次辰兄。陳總司令希聖弟鑒。迭據各方報告。奉軍出兵南下。一面於京綏線上。增加兵力。有進犯綏包之勢。我軍以戰畧關係。於綏包方面。當取避戰態度。茲將處置方畧。開列於下。(一)奉軍若果連合晉軍。向我軍進逼。則我軍宜以適當之時間。退出包頭。就西宮廟大奈太一帶之線。構築堅固陣地。抵抗該敵。並以五原爲後方根據地點。支撥前線各路。(二)奉軍即果來進逼。其準備及動作。必費長

時日之稽延。我軍萬不可輕信探報。誇張敵勢。須沉着穩當。安詳處置。詳定計劃。一絲不亂。按照願定布置。從容進行。勿稍慌亂。余現時駐屯寧夏。卽爲顧慮東路軍隊轉移安全起見。各官兵宜深悉此意。(三)奉軍伸張勢力於綏包。必非晉方之所願。商啟予當尤抱不安。適與我軍以聯合之良好機會。振堂兄允榮弟速負責進行。(四)平地泉一帶之鐵路。須速設法破壞。應飭張萬慶部專辦此事。由後山繞出平地泉。時時破壞其鐵路。若能達到此目的。則張萬慶部將來當令其改編一整師。其槍械服裝。概由此間補充。此事由振堂兄允榮弟負責催飭。(五)張學良與張宗昌因爭直魯地盤。暗鬥甚烈。山西因畏奉方逼進。心懷疑懼。凡此種種。皆敵人缺點。若貿然來犯。必遭失敗。此情須轉飭各官兵知照。(六)奉方進犯綏包一事。雖據各方報告。然必須多派偵探。分赴各地詳細偵察。不可爲其虛聲所惑。其究竟決意來犯。綏包或爲該敵南下。故意加兵京綏線。以抵禦我軍之進攻。必須偵察明白。從容應付。(七)張

勵生所部一萬人以上在察哈爾。若一發動。定能制敵死命也。惟在我各將領各官長。務須實行避戰。祇可設種種方法。誘敵西來。倘敵竟昧於情勢。貿然進至五原附近。予敢斷言。不出十日之內。卽一人一馬。亦必不能生回也。請放心放手辦理之。(八)值非常之時。辦非常之事。必須斟酌情勢。相機應付。請諸同志便利處理。只求妥善。不必請命千里。以免貽誤。至要至要。

令石友三等佈置防禦工事電

十五年十二月十二日

義旗石總司令友三弟。弓軍長海亭兄。王副軍長鎮淮弟。門副總參謀長致中弟。趙師長友琴兄。胡旅長德輔兄。續旅長範廷兄。同鑒。據鄭總參贊金聲等報告。奉軍馬占山旅。蒸日到綏。郭振鵬旅。已到武川。聞均卽日西進。萬福麟有真日抵綏說。又據探報。馬占山除帶機砲各一連抵綏。其騎兵由平地泉下車西進。便衣隊則向後山一帶活動。又據陳望聖報稱。烏芬衣方面。已發現便衣奉

軍等語。除令綏包各部本不與敵戰。誘敵深入之計。劃即日離包西進。外所有余五間各種防禦工事。即請迅速佈置。而前方各種埋伏。以及各種便衣隊。在此時期。最爲得用。務請諸同志設法研究各種用法。多多佈置。以便出其不意。節節擾亂。收效之鉅。不可勝言。現靳雲鶚田維勤魏益三均到鄭州。即向保大攻擊。敵方以有事於南。因先試探我軍實在態度。迨保大事起。即可專力應付。此次敵軍來此。實係一時聲東擊西之計。決難久留於此。晉閻綏商均已接洽。表明態度。即在目前。我軍在此時期。應不慌不忙。將各種防禦佈置穩妥。一面以奇兵擾擊。一面堅壁清野。以老其師。則敵人必無一兵一卒得返矣。

告鄭金聲等奉軍大部不敢西進電

十六年一月一日

查奉敵既佔包頭。決不敢以大部西進。其理由有三。(一)中原正刻有事。大兵決不能騰出小部隊。決不敢深入。(二)給養宿營種種困難。(三)察區

綏遠大同爲晉軍駐地。統系不同。必彼此猜忌。有此三因。諒必不敢以大部西侵。我軍須一面整備西進。一面亦不可距敵太遠。以便牽制其南下。最要緊者。派遣偵探。須十分嚴密。判斷敵情。須十分正確。庶應敵不至有失機。宜也。所有各路進退節度。均由鄭總司令主持。對敵後退。亦宜籌襲擾之策。特囑。

令宋哲元等出師東下電

十六年三月二十四日

據報。鄭州於銖日被奉軍佔領。吳佩孚逃至鞏縣。殘部被我第二十五路總司令張治公部繳械。現已行踪不明。有逃赴太原之說。我軍即將聯合蔣唐靳閻各軍。共同出兵討奉。會師中原。對於北路軍隊。除應積極準備外。着卽於磴口。寧夏各處。扣船大張旗鼓。聲言卽日大舉東下。以宣傳手段。設法使察綏方面之敵。知之以行牽制。俾其不敢抽兵南迫也。

令孫良誠方振武鄭大章設法偵探敵情電

十六年上月十七日

我軍東進猛攻。所有前方部隊。應百計偵察敵情。偵察方法有二。一多派有知識幹探。分別探報。最詳確最迅速之敵情。一設法多捕敵方之來探。用計誘訊。藉得敵方詳確情形。則制敵易勝。敵必矣。

令方振武偵查敵情電

十六年五月二十日

軍隊所以致勝。首在明白敵情。次在熟悉地形。凡敵人槍數。砲數。及其將領姓名。軍紀如何等等。皆須調查清楚。地形不但線溝大澗。須查明白。即特別地物。均須探聽詳悉。爲要。

令各將領按相當位置指揮隊伍電

十六年五月二十日

近年國內戰鬥。經過時間。日趨延長。其原因一由於兵器日新。二由於兩軍對峙。皆能知挖築工事。故一次戰事。久則經旬累月。最短亦非一日。或數時。所可

解決千軍易練。一將難求。各同志爲身任指揮之高級軍官。當不疾不徐。悉心籌畫。從容布置。既不可遲緩誤事。亦不可圖功太急。處處惟在好謀而成。四字上著想。則功可立矣。各級指揮官。指揮隊伍。各有相當位置。旅長須離戰線二千密達以外。師長四千密達以外。路總司令八千密達以外。總指揮一萬六千密達以外。除有特別情形。必不得已之時。可到前方外。應當依此規定。指揮官任綦重。不可徒恃勇憤事。

令劉郁芬集結後方軍隊電

十六年五月二十三日

軍隊駐紮最貴。團結況當大戰之際。後方軍隊更不宜分散。駐紮甘省各縣。如有小股土匪。萬不可分散兵力。四出跟剿。須集結兵力於蘭州平涼天水寧夏四處。或在大道上緊要地點。須俟匪情十分明瞭。然後再行圍剿。以免受其牽制。爲要。

令孫良誠鹿鍾麟等注意七事電 十六年六月十五日

鄭州孫總指揮良誠弟。開封鹿委員鍾麟弟。洛陽韓軍長復榘弟。潼關童旅長玉振弟鑒。河北敵情太不明瞭。現規定辦法如下。(一)正面雖不能渡河。然河岸極寬。我偵探應乘機偷渡。並懸賞僱用奮勇偵探。携帶蘭單渡河材料。乘夜冒渡。搜捕敵兵。並一面令軍隊在夜間不時游動。放槍以擾亂敵人之視線。並牽制其兵力。此事由孫韓負責辦理。(二)担任正面之警戒部隊。每日須有敵情報告。限二十四小時內送到總司令部。此事由孫韓切實督飭辦理。(三)考城及澠池。應各秘設偵探機關。主持辦理之人。應選幹材明敏者充任之。考城由鹿委員。陝州由韓軍長分別負責辦理。(四)考城偵探。應從考城東明擇地渡河。澠池應從山西地界渡河。考城者。由滑縣向道口新鄉。陝州者。由懷慶向新鄉。均南下至黃河沿岸偵察。(五)各偵探機關均須每日至少

有八人以上出發。向四個目標點走動。預計第一批偵探出發以後五日即可。每日不斷接有報告。並逐日有偵探回報。(六)偵探應報告於其所屬機關。方法由派遣時定之。該機關得有報告。應即用電直接報告本總司令。及參謀部。並該管長官。(七)偵探旅費。應從優給與。望即分別切實遵辦爲要。

令各將領講求秘密電

十六年七月五日

現在戰事正在進行。一切戰時舉動。須日日改善。方能適應此新兵器之時代。以後旅長以上住地。不准使外人知之。必不得已會客。亦須另擇臨時地點。不准在原地相見。其他各高級官住地。亦要萬分秘密。不准仍如以前之衙門樣式。使人皆知。至電話電報。與無線電之密號等。均須由參謀人員。專心研究進步方法。務求嚴密。不可只守舊法。誤事也。

令鄭金聲勿向金鄉猛進電

十六年八月十三日

接子良電話稱。兄擬率部向金鄉前進等情。悉查金鄉一隅。過于突出。此時進攻計劃。未經全局規定。吾兄如能進至城武單縣之線。以與歸德虞城聯成一氣。靜待後令最妥。否則仍應在曹縣埋伏。以主力固守。以偏師繞襲敵後。更以一部縱橫馳騁。出沒無常。以眩敵之耳目。是爲至要。

告張維璽劉汝明明瞭真攻假攻電

十六年八月十三日

渭南張總司令維璽弟。劉副司令汝明弟鑒。佳電報告。利用坑道。減少損害。如果無效。再行強搶猛攻等語。已悉。惟無論何項作戰。必有真攻假攻。主攻輔攻。若猛烈攻城時。更須于前三日。施行使敵不能閉目之攻擊。然後出其不意。實行真攻。方克收破城之效。至對敵宣傳。及對本軍官兵宣傳。尤爲重要。

令鹿鍾麟注意避實就虛電

十六年八月十三日

作戰之道。貴在避實就虛。勿與真戰。注意埋伏。誘敵深入。善用繞抄。出奇制勝。

望善運用爲要。

楊虎城戰勝仍須嚴密警戒電

十六年八月十六日

張敬堯部。雖經受創。退必不遠。我軍初勝之後。尤須嚴密警戒。以防敵襲。並須用高等偵探。遠出偵察。不可稍有疏慮。此役特殊出力官兵。應即查明核獎。以資鼓勵。

告梁壽愷調集重兵佈至隴海沿線電

十六年九月三日

新鄉梁軍長如南同志鑒。承詢因何事故。將大兵移於河南岸一節。茲將同意詳述如下。(一)我軍承南京九江同志電囑。於北伐軍分路攻浦口蚌埠時。我即以全力攻徐州及濟寧。故調集重兵於隴海路線。不但河北之兵移動。即孫連仲全軍。亦由豫南北調。以便全力進攻。出動容易。不誤時機。(二)據報

張宗昌有以重兵由黃河南岸犯豫之訊。因敵人如向河北來。則離其後方之鐵路極遠。張素未離過鐵路線作戰。不善用此。故其意仍在由濟寧及徐州兩方面。擾我隴海路。應得充分利用鐵路及鐵甲車。偷敵以大部向河北。則孤軍深入。難有後繼。我方由鐵路線運大兵破之。易如反掌矣。(三)我方如向北進展。必須與晉閻協商妥協。同時動作。今若以重兵置於晉閻隱蔽之地。離開策應各方之待機地位。於我方用兵原則上不合。以上三條。乃集兵隴海路線之主要用意也。以後對河北方面。應(一)多派偵探伺察敵人動靜。(二)清剿匪徒。以安民衆。(三)保持糧源之安全。(四)敵若來壓迫時。我軍即由鐵路運大兵往平之。有大敵時。可速來報。自有辦法。

令各軍分布隊伍解決靳雲鶚部電

十六年九月四日

鄭州孫總指揮良誠弟。洛陽韓總指揮復榘弟。確山孫總指揮連仲弟。開封鹿

總司令鍾麟弟鑒。(一)斬雲鶚屢次抗令。不肯聽調。又復勾結張宗昌孫傳芳及紅槍會。陰謀進擊我軍。我軍應即將兵集結。先發制人。肅清心腹之患。(二)第一方面軍。著担任由新鄭許昌向臨潁鄆城進。以一部分對禹縣方面警戒。限於六日午後六時以前集結於密縣新鄭之線。第二師集結於密縣附近。第十九師第六師集結於新鄭及洧川附近。第九師集結於中牟。其餘分駐鄭州滎陽。馬騰蛟部駐黃河橋兩岸。趙登禹旅仍駐焦作。担任河北警戒。馬軍長鴻逵率馬斌旅及軍部直屬部隊。即日開駐開封。接收城防事務。(三)第十方面軍。著派第六軍兩師。到登封臨汝附近。三十八軍派一師分紮自由伊陽一帶。限於六日下午六時以前到達。牽制李振亞部。不使援靳。若該師出城野戰。則設法殲滅之。(四)第九師方面。擔任由南路向鄆城進攻。除以一部留駐信陽外。其餘部隊集中於駐馬店確山一帶。限於六日下午六時以前到達。對於汝南方面。應設置相當警戒。(五)鄭大章軍騎兵。準備由尉氏鄆陵

向臨潁東方抄擊。候令出發。王鴻恩師。俟馬鴻逵軍到開封後。卽行開駐尉氏待命。(六)此次擬定作戰方針。在以迅雷不及掩耳之手段。先解決其一部。直攻潔河。靳若東走。則由騎兵襲擊。務使其潰不成軍。(七)關於軍械子彈通信及應行準備事項。在集結以前。務必辦理妥當。(八)本命令尙未處發分動作時。關於第一第六兩項。及項中攻擊目標。須分別暫保秘密。(九)子在鄭州。所有集結情形。應卽迅速報告。此令。

告各軍攻靳目標電

十六年九月五日

命令。(一)前令各部隊。限於本月六日下午六時以前。各到達集結地點。計時當已動作完竣。(二)規定各部隊作戰地帶。及攻擊目標如左。(甲)第一方面軍。擔任許昌長葛臨潁潔河一帶。(乙)第九方面軍。擔任遂平西平潔河一帶。(丙)第十方面軍。擔任登封臨汝禹縣密縣一帶。(丁)東路軍。

鄭大章騎兵軍。著於六日夜間出發。按照所示機宜。在左翼活動。繞向許昌。漯河之間地區。破壞交通。襲抄該軍出發後。與本總司令部命令報告直接連繫。以求迅捷。並與前線作戰軍務求切實聯絡。(三)開始攻擊出動。定於本月七日上午一時。(四)預測靳雲鶚受我軍壓迫。必向東往鹿邑方向遁走。若果東遁。則以孫連仲方面軍主力任追擊部隊。孫良誠方面軍。肅清漯河臨潁長葛一帶之地。並以一部協助第十方面軍解決李振亞。鄭大章騎兵軍。須常抄襲敵人側面。擊亂其軍。使之散走。東路軍並準備一部兵力。候令向南襲抄爲要。仰卽分別遵照辦理。此令。

告孫連仲等解決靳部電

十六年九月十一日

漯河佔領。靳氏東竄後。我軍各部隊。應取之處置如下。(一)鄭大章率騎兵軍全部。探明敵主力之潰退方向。竭力尾追。並須設法截擊。由孫總指揮派有

力之一部應援。(二)孫總指揮連仲着駐郟城。除以一師兵力支援騎兵軍。追擊至周口西華之線外。其餘分駐臨潁。郟城西遂一帶。肅清沿路餘孽。(三)孫總指揮良誠着回駐鄭州。以一師兵援助第十方面軍。圍攻禹州。石友三軍駐許昌。應將嚴際明師。切實改編。(四)韓總指揮復榘所部。着圍攻禹州。由孫總指揮良誠以一師兵力助攻。李振亞如請願投誠。須以收槍爲條件。或許其移地駐防。再設法殲滅之。以上四條。仰卽分別遵照辦理。

令韓復榘相機處置李振亞部電

十六年九月十七日

三寒電報告李振亞求和。及處置靳之煤公司各情悉。李振亞部。應卽開赴彰德整頓。如從命卽准所請。尅日出發。惟我軍此時仍須注重工作。嚴防詭詐。恐敵以求和爲名。暗中向我襲擊。故應令該部以一團爲一組。逐日開拔。由新鄭上車。並派大員在新鄭點名訓話。李軍長如能矢志革命。共圖始終。卽是革命。

手足。惟須將從前舊習革除淨盡。一切須服從命令。振作自新。由吾弟確實致問。能則合在一起。爲國家做事。不能亦早早說明。不能因此時兵臨城下。假爲屈從。此等大事。當由自己立定志向。望轉告李軍長明體此意。

令劉驥熊斌向中央軍事當局密陳四事電

十六年九月二十一日

南京石廟口劉總參謀長菊村弟。熊總參議哲民弟鑒。茲有最要數事。望兩弟與軍事當局諸同志。秘密商酌之。(一)我軍此次無論如何。須克復徐州。解決山東。現奉魯軍閥。大肆借款。擴充軍隊。并在大名濟寧兗徐一帶增兵。反攻之說。極爲緊迫。我軍若不於此時將山東解決。則防不勝防。處處皆爲被動。實犯兵家之忌。卽求一整頓補充之時間。亦不可得。若將山東解決。則可臨河設防。減省兵力。此爲大局言之。若由我方言之。則關係更大。山東與河南密邇。河南內部軍隊。外雖託名服從而暗中與奉魯軍閥勾結。以求裏應外合者。有十

萬之衆。若不將山東解決。則外憂內患。實有防不勝防之勢。故解決山東。克復徐州。實爲最緊要之事。(二)我軍作戰過久。從前受過訓練之長官。傷者。傷亡者。現在服務者。須加一番訓練。方能勝任。而物質上之缺乏。尤屬苦不可言。有砲無門。有槍無彈。並無刺刀。其有子彈者。亦不過三五排。此種情形。實爲目前最大困難。爲國家事。固不敢畏難。但此種苦情。可與諸同志秘密言之。懇切言之。請其協濟。俾得一意効力於軍事工作。實爲切盼。(三)革命軍從廣東出發以來。作戰已久。多以血肉之身。與軍閥之利器相搏。犧牲已鉅。故克復山東。徐州。後須大事補充。共練精兵三十萬。以期一鼓直下。黑龍江。而其間可免去許多枝枝節節。中央須購備能戰飛機四五十架。十五或十二生的重砲一百尊。速向各國分購。蓋血氣之勇。與機械物質相拚。萬不可持久。近查奉張於德州保定之線。築有堅固工事。屯有重兵。北方作戰。與南方不同。不可不於物質上積極準備。幸勿視爲迂闊也。(四)某方陰謀不可測。但此仍請諸同

志萬分容忍。以顧大局。萬不可。卽有軍事。總須以解決山東爲先務。方振武與樊鍾秀兩部。近確均爲某方引爲羽翼。然某方若能以道義相合爲革命効力。則亦我所希望。同屬佔在一條戰線上。何分彼此。若其以利相交。則積時稍久。仍必不能一致。請諸同志。暫裝聾啞。勿取急進。如怙過不悛。緩之其內。當自變也。千萬千萬。以上四條。請兩弟懇切向軍事當局諸同志秘密商陳爲禱。盼覆。

令宋哲元等解決田玉潔部電

十六年九月二十二日

那州宋總指揮哲元弟。西安石總指揮敬亭弟。同州劉軍長汝明弟鑒。查田玉潔盤踞渭北。勢成割據。我軍經過。不准入城。外示服從。終成隱患。應將我軍所有在陝州兵力。集合一致。計劃妥當。用最秘最速之手段。乘其不意。解決之。是爲至要。請照此旨妥商迅行。

與李宗仁論攻徐辦法電 十六年九月二十三日

刪電誦悉。我軍進展已達清江懷遠之線。極爲忻慰。已飭東路軍積極準備。協同進攻。惟此時靳雲鶚殘部解決甫畢。大部隊伍正在北移。疊據探報。張宗昌自孫軍敗後。卽於徐州增加重兵。故鹿總司令所部。獨任攻徐。尙嫌稍單。我軍在津浦線上作戰者。係何部。指揮官係何銜名。統乞電示。以便連絡。又東路軍張繼武軍。以兩萬人集中亳州。卽向渦陽進攻。高桂滋軍已至太和。隴海路上前線。卽在碭山西方五十里之劉堤圈相峙。此次攻徐。似宜於協同動作上。特別注意。對於攻徐辦法。由津浦線上之我軍與高軍及敵部。逐次圈逼之。則萬全而無一失。不致有各個擊破之害。蓋籌如何。統乞指教。以便遵循。敬希賜覆爲盼。

令鹿鍾麟劉鎮華準備攻徐電 十六年九月二十九日

我軍與晉閻現已確實約定。合兵北伐。頃據來電云。閻總司令於本日在太原誓師北伐。我軍按照協定。應即開徐州濟甯德州進攻。茲規定如下。(一)劉總指揮應速以所部七成力量。在五日以內。準備齊全。即由單縣向濟甯進攻。以所部三成力量。留駐曹縣考城一帶。(二)鹿總司令鍾麟。率東路全部張繼武軍。龐炳勛軍。楊虎城軍。呂秀文軍。王金韜師。王鈺葵師。常好仁師。蕭之楚師。王鴻恩師等。進駐歸德。準備攻擊徐州。(三)開封一帶防備。已令孫總指揮良誠所部第四軍接防。望即速準備報告爲要。

通令各將領分三路大舉北伐電

十六年十月三日

開封鹿總司令鍾麟。蘭封劉總司令鎮華。許昌孫總指揮良誠。禹州韓總指揮復榘。漯河孫總指揮連仲。歸德龐副總司令炳勛。道口秦副總指揮德純。新鄉梁長軍壽愷。駐馬店岳總指揮維峻。潢川任軍長應岐鑒。命令。(一)奉張之

主力爲其第三四方面軍。已在河南北部完全消滅。殘餘只有吉黑軍隊三萬餘人。皆疲弱老朽。不堪任戰。魯張之主力。前在滬甯。損失百分之八十。所餘無多。近只以招土匪。收紅會爲事。孫傳芳此次在江南損失殆盡。殘餘不過數千。我友軍閻總司令錫山所部。在京綏路者七師。附騎兵全部。已向保定攻擊前進。李總指揮宗仁。督率本部第七軍。柏文蔚軍。賀耀祖軍。楊耿光軍。由津浦線經南宿州向徐州前進。(二)本集團軍以佔領濟南。德州之目的。分三路進兵。(三)本軍分三路進攻。部署如次。(甲)鹿鍾麟爲第一路總司令。龐炳勛爲副司令。率第十軍第十八軍第二十軍第二十一軍第二十五軍及直屬各部隊。向徐州進攻。佔領徐州後。卽由泰安向濟南前進。(乙)劉鎮華爲第二路總司令。鄭金聲爲副司令。經單縣濟甯向濟南前進。(丙)孫連仲爲第三路總司令。梁壽愷爲副司令。率暫編第三軍第十四軍第二十三軍第五十九軍經大名向德州進攻。(丁)各路間宜互相聯絡。(戊)各路進攻日期。

第一路第二路均限於本月以前準備完竣。九號開始進攻。第三路在孫總指揮連仲未到河北以前應由梁軍長壽愷秦軍長德純先行率部掃除臨漳濮陽清豐大名一帶之敵俾大軍容易進展。(己)任軍長應歧率所部全軍即日經阜陽渦陽宿州向徐州前進與第一路會合。(四)孫總指揮良誠率所部之第三軍第四軍第五軍第二十二軍騎兵軍屯紮開封通許尉氏中牟陳留朱仙鎮杞縣睢陽一帶爲各路總策應。(五)岳總指導維峻卽日在駐馬店集結所部待命。(六)韓總指揮復頌率所部第六軍第三十八軍集結於鄆州洛陽許昌待命。(七)兵站總兵站設置鄆州沿隴海路向徐州延伸隨第一路進展爲第一線由蘭封考城向濟甯延伸隨第二路進展爲第二線由新鄉道口彰德向大名清豐延伸隨第三路進展爲第三線。(八)醫院在鄆州洛陽設大規模之固定醫院各一所新鄉歸德開封各設後方醫院一所前線救傷辦法由各部隊自行辦理之。(九)作戰指揮敵人長處在砲多其短。

處。卽。在。砲。多。而。不。能。放。不。能。命。中。久。敗。之。後。又。無。精。神。教。育。兵。心。渙。散。不。明。主。義。無。犧。牲。之。決。心。我。軍。長。處。在。明。白。主。義。肯。犧。牲。能。耐。勞。苦。官。兵。團。結。故。我。方。一。見。敵。人。卽。宜。挑。選。奮。勇。隊。搶。其。砲。位。拚。命。奮。鬥。敵。必。敗。走。官。兵。應。努。力。注。意。

(十) 予在鄭州進攻後。予當巡查各路情況。所至地點。當隨時告知。此令。

與孫岳論作戰方略

十六年十月二十一日

太原孫委員禹行二哥勛鑒。皓電誦悉。悉銳北上。與百川合兵討伐反動。義無容緩。但此時敵兵從隴海西侵甚急。張宗昌至濟寧。褚玉璞在碭山。兵力極厚。已苦戰十餘日。現預備在開封以東。打一大仗。此路軍勢甚緊。不能不先爲料理。孫殿英圍攻彰德。梁如南軍長在城拒守。孫總指揮連仲渡河後。已於昨日解彰德之圍。便當進攻磁州。求與百川聯絡。此爲第一步。至於率主力北上。則須俟東路破敵以後。尊論所示。縱失豫陝。可得直魯一層。得失何敢計及。但若

使東路之敵逼近鄭州。則安得從容布置乎。勢有緩急。不得不爾。百川據險爲陣。此時請暫勿與敵決戰也。次辰祈代致意。敬復。

與李烈鈞論東路戰畧電

十六年十月二十一日

皓申電敬悉。東路敵兵乘勝深入。弟預備在開封東打一大仗。深望津浦線我軍向前進擊。則此仗卽有把握。北路此時只好出兵三師。爲百川聲援。須等東路戰事有眉目。方可以主力北進也。上游軍事未發動前。希望緩辦。已發動後。希望速決。好合兵戡定北方反動也。祈時賜告情形爲禱。

請閻錫山堅守待援電

十六年十月二十六日

敬酉電敬悉。雄師中路破敵。截斷京保聯絡。至爲忻快。此間北路。前孫殿英圍彰德并陷湯陰。現已次第肅清。前隊已佔磁州。正在向北探進。惟山東之敵。由

隴海西犯。其兵數續增不已。旦晚卽有大戰。津浦線上。由何總指揮應欽督師北進。惟尙無進攻確期。兩方合擊。解決徐州。不過三五日事。克徐之後。卽當親赴河北。督師北進。與弟共同破敵也。吾弟此時。萬不可與敵決戰。可用小隊。此出彼入。以擾亂敵之陣線。使其驚恐疲於奔命。不得休息。以分其力。不悉我弟以爲何如。特復。

令鄭大章率騎兵破壞鐵道電線

十六年十月二十九日

騎兵須利用其速度。橫衝直撞。不能固守一地。以任警戒。該軍長應督率所部。由鐵路以南。衝至鐵路以北。再由北向南。至少須將鐵道電線破壞十段。始有效力。有功無過。無過全視此戰。並實行向對我作戰之敵。後背猛攻。該軍長其努力爲之。爲盼。

告前方各將領攻擊方畧電

十六年十月三十日

按敵人此次糾衆來犯。部分極雜。詳列於下。(一)劉志陸部。係從閩粵敗回。多係土匪。在我左翼對劉總司令作戰。(二)姜明玉部。係劉總司令所部叛兵。素無紀律。(三)徐源泉褚玉璞。頗有三五千能戰之兵。須以持久戰勝之。(四)張敬堯所部。皆係土匪。(五)潘鴻鈞部。亦係散漫之衆。綜此觀察。敵之各部。極爲亂雜。一時猛衝。或可持久。則萬不能。況紀律太壞。民心怨恨乎。現在我軍以全力擊之。定能破敵。其部署如次。(一)鄭軍長騎兵。軍須在敵之背後。盡力破壞。竭力襲擊。並將其交通完全破壞。王鴻恩師。現尙在其背後。定能如馬岱之斬魏延。出其不意。捕獲褚徐兩魁。(二)我正面軍隊。卽在正面堅固防守。相機進攻。(三)我右翼軍隊。石鹿韓三軍。應合力向敵後方包抄。自能破敵。(四)劉總司令雪亞同志。須以全力猛進。包抄敵之右側。使敵動搖。現中央政府軍隊。已攻下蚌埠。正攻徐州。敵人根本已見動搖。我軍照以上部署進擊。必能將該敵悉數撲滅也。望激勵各官兵。努力殺賊爲要。

告各將領平地作戰法電 十六年十月三十日

在平地作戰最宜縱長配備當敵猛攻時固不得不將預備隊加入前線但一經將敵擊退或戰事情形緩和即須將預備隊設法抽回以作後用庶可持久而無兵力不足之患也請萬分注意。

告孫良誠分設攻勢守勢地帶電 十六年十月二十日

查我軍戰線延長數千里如全以兵力配備則處處薄弱處處受制於敵而處於被動地位故應分爲守勢地帶及攻勢地帶在守勢地帶惟注意增固工事節約兵力而以多數兵力及砲位均集結於攻勢地帶內在日沒前後先用一二門試射至夜間以多數砲位進入陣地俟拂曉出其不意而猛攻之當立見破賊望本此意行之前令以四門或八門野砲配置於鐵道兩側以射敵之鋼

甲。車。曾。否。實。行。盼。復。

告鹿鍾麟等準備大戰電 十六年十一月八日

查津浦路上之北伐軍。今日開始攻擊明光。想會師徐州。當在一星期以後。又隴海路上敗殘之敵。經曹縣向濟寧方面潰退者不少。我軍爲鞏固後防。相機夾擊徐州起見。茲決定處置如下。(一)鹿總司令鍾麟率東路軍及騎兵軍向碭山探進。相機夾擊徐州。但騎兵軍須在鐵路以南繞抄敵之背後爲宜。(二)孫總指揮良誠率第三軍分駐蘭封柳河一帶。以第四軍駐曹縣。(三)石軍長友三以主力位置於歸德朱集。以一師分駐虞城馬牧集。應準備援助東路軍攻擊徐州。(四)各軍應極力休養兵力。準備大戰。並防敵之反攻。須有妥速偵探嚴密防範。以備不虞。

告劉鎮華竭力穩撐電 十六年十一月十七日

寒電報告。恐敵人以重兵進攻。考城各情均悉。敵如向考城進攻。正可竭力穩撐。乘機突襲。須知據點式之陣勢。當然有空隙。方能妙其用。豈有排隊數百里。密如螞蟻。而可以作戰者乎。吾弟其努力作戰。留心應敵。識敵人之虛實。籌破敵之長策。沉着與犧牲四字。乃我輩勝敵之要訣也。

上軍委會報告戰畧並請發子彈款項電

十六年十一月九日

巧電敬悉。山西被困。涿州危迫。若有疏失。全局可慮。此間前因張宗昌褚玉璞舉直魯兩省全力猛撲開封。不得已將全力集於東路。與之決戰。幸於上月三十一日。將其擊潰。而孫殿英及德州方面增來之兵。約三混成旅。乘我東路破敵緊之際。竊佔京漢沿線衛輝淇縣湯陰彰德四城。嬰城頑抗。我軍於東路破敵以後。即調韓復榘軍孫連仲軍。仍移河北。將河北之敵肅清。即進援山西。於銑日將敵之野戰軍擊破於淇縣以北。但該敵仍入城固守。並無退意。察其用意。

專爲據守沿京漢線各城。牽制我軍。以截斷此間與山西方面聯絡。我軍欲越過四城北進。非有極大兵力。難以破敵。東路敵軍。爲我軍擊破後。敵軍後方增加許琨部及祝祥本部。並收集退回各部。及張繼武袁家驥于學忠所屬二毛等部。仍有十餘萬人。分路進擾。雖我軍素質較敵爲優。無如敵數甚衆。環繞前後左右。處處顧慮。兼以左翼劉鎮華部。內多不可靠之分子。以此原因。雖經大勝。未堪輕進。竊觀今日戰鬥。全局敵人。以奉對山西直魯。對此間孫傳芳對天津浦。以奉對晉。敵佔優勢。此間對直魯。力足相當。孫傳芳屢敗之餘。萬不能當我。津浦之雄師。故敵人弱點。在天津浦一方面。徐州並爲敵人之突出部。我軍攻擊目標。第一步。須佔領徐州。徐州佔領後。則此間可移東路之兵。北向援晉。否則患在肘腋。分兵實難也。昨聞何總指揮。於鏡日攻下蚌埠。決計仍將已移河北之韓復榘。轉往東路。以韓復榘軍。會同劉鎮華軍。攻濟甯。孫良誠軍石友三軍。馬鴻逵軍。鄭大章騎兵軍。鹿鍾麟東路軍。與何總指揮夾擊徐州。收復徐州後。

即擬以孫良誠方面軍北進援晉。攻徐確期。敬祈鈞會決定。此間在本月二十五日以前。攻擊準備。即可完竣。惟苦戰數月。餉糈艱難。兵士忍飢。實不堪言。子彈每兵不足五十粒。實爲第一危險。此次勝敵。本可乘勝直追。因敵兵收聚。而我子彈不足。遂不敢窮追深入。敬祈鈞會體念此情。對於子彈及款項兩者。迅予補充。以利進展。毋任切禱。

告前方各將領先肅清左右側敵人電

十六年十一月十九日

接何總指揮應欽篠辰電。已於銖日克復蚌埠。正向固鎮追擊等語。我軍此時有三事要注意。(一)歸德馬牧集方向確實敵情。及其兵力。須詳細偵察。務得實情。(二)柘城鹿邑方面之敵情。兵力。須詳加偵察。(三)先撲滅來攻劉總指揮鎮華前面之敵人。此三事清楚。即擬大舉東進。先夾攻徐州。然敵之在曹濟者。如不與以大打擊。必爲我左側之害。柘鹿之敵。如不清楚。又必爲我

右側之害也。請特別注意。韓總指揮復榘所部在河北擊破敵人後。現已調其到興隆集一帶矣。並及。

告鹿石孫韓鄭解決各路戰事方畧電 十六年十一月二十日

據石軍長友三皓電稱。敵有五千餘人。進出宵陵。近日又急攻我左翼劉鎮華部。判斷敵之目的。虛攻我之左翼。其意實在攻我右翼之東路軍等語。該軍長久經戰事。此項判斷深中機宜。我軍欲速解決東路戰事。則有二事。貴在速辦。(一)孫總指揮良誠。須將攻劉之敵擊退。(二)韓軍長復榘所部。準備由我右翼抄敵之來抄我右翼之敵。爲最妥也。應由前敵將領。嚴密注意敵情變化。相機處理爲要。

告鹿鍾麟等作戰方畧電 十六年十一月二十四日

津浦國軍已佔宿州。我軍卽宜積極進展。茲規定部署如次。(一)鹿鍾麟東

路軍爲右路軍。鹿鍾麟爲總指揮。(二)韓復榘軍石友三軍爲中路軍。韓復榘爲總指揮。(三)孫良誠軍馬鴻逵軍爲左路軍。孫良誠爲總指揮。(四)左路軍以濟甯爲進展目標。以定陶曹縣爲中間目標。(五)第八方面軍在左路軍之左翼。以荷澤爲目標。(六)中路軍以徐州爲進展目標。以歸德爲中間目標。(七)右路軍在中路軍之右翼協同進展。(八)騎兵軍在隴海線以南之主力。歸韓總指揮復榘指揮。其在隴海線以北之一部。歸孫總指揮良誠指揮。(九)各路軍同時進展。應竭力注意。互相聯絡。對於所得敵情。最貴隨時迅速。互相通報。(十)余在鄭州。進展時當赴前線視察。

請中央及各方速定北上日期電 十六年十一月三十日

南京國民政府軍事委員會鈞鑒。何總指揮敬之同志白總指揮健生同志漢口李總指揮德鄰同志勳鑒。今日閻總司令代表臺梅兩同志到汴。談及山西

爲敵軍攻圍情形。極爲緊急。聞訊之下。殊深焦灼。以軍事形勢言。山西爲形勝之地。奉軍昔日之所以不能與我革命軍在大河以南爭衡者。皆以山西制其腰脊。爲敵後患。若有疏虞。則藩籬盡失。自寧夏五原榆林潼關沿黃河以東。而至徐海。無處非受敵之地。且敵無後慮。得長驅南下。又以帝國主義資其利器。非復往日之易與。勢將使全勝之勢。轉成敗壞之局。其爲危險。何堪設想。此次閻總司令仗義討賊。以一省支奉吉黑京察熱之軍。至三月餘之久。義概凜然。奮鬪不懈。吾黨同志。寧忍見其危險。坐視不救乎。此間因直魯軍全力二十萬。攻豫兵勢。爲其牽制。欲圖援晉。必先解決該敵。是以與該敵在豫東惡戰兩次。經時三月。始破其衆。已令各軍乘勝長驅。直擣徐州。徐州收復。卽當調集大兵北上。援晉。但戰線遼闊。非一部所能擔當。切盼南中各同志。多發大兵。共同北伐。以解山西之危困。以竟革命之全功。若待山西疏失。全局危殆。後雖悔之。亦無及矣。迫切陳辭。敬祈明察。並請軍會規定進兵辦法。定期實行。用兵如救焚。

拯溺。每念山西危迫之情。輒廢寢忘食。臨電馳念。母任悚惶。敬希賜復。爲禱。

令前方將領整軍向徐州挺進電 十六年十一月三十日

歸德馬牧集韓總指揮復渠弟。石軍長友三弟。並飛送鄭軍長大章弟。歸德鹿總司令鍾麟弟。蘭封飛送孫總指揮良誠弟。劉總司令雪亞弟。劉軍長汝明弟。鑒據漢口交通界由徐州電機得到消息。徐州之敵。已開始退却。按該敵屢受重創。棄徐北遁。應無疑義。我軍應取處置如下：（一）騎兵軍迅速向徐州挺進。到達徐州後。注意搜索殘敵。及與津浦我軍何總指揮應欽所部聯絡。（二）中路軍右路軍。應速向徐州方面協同進展。惟須偵明敵情。布置周密。（三）左路軍應速前進。迅佔領定陶曹縣之線。（四）劉總司令鎮華所部。以一部圍考城之敵。一部迅速佔領荷澤。（五）劉汝明軍。仍在蘭封策應各路。以上五條。仰即迅速辦理。並即將情形報告爲要。

告韓復榘攻徐戰畧電 十六年十二月六日

郝寨飛送韓總指揮復榘弟鑒。連日圍攻徐州。急切難下。極爲惦念。茲有應行注意者三事。(一)頓兵堅城之下。兵家所忌。敵有外援。尤少成功之望。(二)津浦路上之北伐軍。如猶遲遲未進。我軍宜迅速暫離開徐州四五十里之處。休息整頓。但須先設埋伏。向後撤退。敵來則痛剿之。(三)第二軍劉汝明之隊伍。亦可用於第一線。但須配在一翼。不可使用於正面。特電遵照。

告韓復榘等攻守戰畧電 十六年十二月七日

礪山郝寨飛送韓總指揮復榘弟。並飛轉石軍長友三弟。鹿總司令鍾麟弟。鄭軍長大章弟。柳河歸德孫總指揮良誠弟鑒。命令。(一)徐州敵軍負隅抵抗。我軍不可力攻。須以計取。爲達到此項目的起見。有以下之佈置。(一)我軍

前線移至郝寨之線。速爲整頓後。仍須繼續移至碭山之線。(二)如北伐軍北進至夾溝一帶。與我軍取得聯絡。而敵人不以大部來攻時。我軍可仍在碭山之線。構作工事。與北伐軍協同進攻。(三)北伐軍如未北進。或敵人大部來攻時。韓石兩軍。應一步一步撤至柳河之線堅守。並候令轉取攻勢。(四)右路軍應在中路軍之右翼協同動作。(五)孫總指揮良誠所部位置。另有密示。(六)鄭大章騎兵軍全部。於大軍轉移陣線時。應在隴河以北掩護大軍動作。若大軍撤至歸德以西。則該軍應在歸德附近正面掩護。嗣後即在大軍右翼他區活動。向敵之側後時行襲抄。(七)余在開封。此令。

告前方各將領攻徐部署電

十六年十二月十二日

命令。(一)津浦路上敵我情形如文辰電所述。何總指揮應欽。已下令寒日攻擊前進。(二)我軍宜與友軍同時夾擊。於最短期間佔領徐州爲目的。決

定寒日開始攻擊前進。(三)東路軍鹿鍾麟所部沿隴海路線以南向徐州城前進。(四)中路軍韓復榘所部沿隴海路線以北(隴海鐵路在內)向徐州城北之隴海路車站及毛村車站之線前進。應以主力位置於左翼。以便截斷敵人歸路。包圍殲滅之。(五)騎兵軍應隨大軍之左翼前進。所有附近小敵土匪。着竭力驅除。我主力攻擊徐州時。該軍應停止於灣里集鄭集附近。以警戒左後方。(六)以上各軍限於寒日午前四時由現陣地出發。第一日須到達韋道口張家寨梁些之線。第二日須到達桃樓夾河寨鄭集之線。但中間如有一部受敵之抵抗。須協力驅逐。彼此聯絡要確實。(七)劉軍長汝明所部。速將楊集附近之小敵消滅後。即沿鐵路在中路軍後跟進。(八)孫總指揮良誠所部主力。着位置於歸德。以爲各軍總策應。柳河歸德碭山間交通。着由孫總指揮負責保護。仰即分別遵照辦理此令。

令前方各將領努力攻徐電

十六年十二月十三日

余已下令於寒日進攻徐州。與何總指揮應欽協同剿除頑敵。諸將領須知此次進攻徐州。乃革命成敗關鍵。亦即我軍生死存亡關頭。當爲諸將領條述之。

(一) 閻總司令被困北方。形勢岌岌。山西有失。則陝西洛潼皆吃緊。我等即不能在河南立足。今欲救援山西。若不攻下徐州。則無兵可分。時間一長。山西失。大局必壞。而我軍之處境危矣。

(二) 豫南豫東豫西無處不是土匪。且日以謀我。我若不攻下徐州。則無兵可以鎮攝。一旦變起。則無法收拾。

(三) 此次何總指揮應欽督師北伐。其性質實爲應援我軍而來。今聞其於昨日已在徐州南方有戰事。我等若不趁此時併力夾擊。則失信於朋友。嗣後即無有爲我等幫助者。我等尙何處有立足之地。救國之資乎。

(四) 張宗昌孫傳芳之全力均在徐州。若於此時將其撲滅。則黃河以北。指日可定。若不能將其擊敗。則革命軍事將永無成功之望。上四條各將領及各官兵個個均宜深曉。今日進兵。抱定大犧牲之決心。與逆賊爭生死。成敗在此一舉。如有作戰不力。應機

遲誤者。定以軍法從事。決不姑寬。諸將領明悉此旨。千萬努力。

告前方各將領須明瞭敵情地形電

十六年十二月十四日

用兵作戰。先宜明瞭敵情。熟悉地形。然後方能決定。是攻。是守。是進。是退。如何分合。如何變化。近來諸將領。對於搜索敵情。偵察地形。毫不留心。完全如盲人瞎馬。一味蠻撞。敵人無兵之處。我反增加兵力。與之相守。置于無用之地。敵人兵多之處。我反以少兵與之角勝。在軍隊離數里之處。即不知敵人有多少。尤其是騎兵軍。全然不知自己任務。對於敵情。或以多報少。或以少報多。毫不真確。對城寨山川道路。森林池沼之形勢。全不甚明瞭。而敵之兵種兵力。亦全不聞有報告。只以敵多敵少代之。豈不誤事。騎兵爲軍中之耳目。今乃如此不盡責任。殊太不合。嗣後各將領。須竭力於偵察搜索。上用工夫。凡離軍隊三百里內之情況。必須纖毫皆知。朗若列眉。法當用高級偵探官。長偵探。普通偵探。土

人偵探或投入敵人作事爲內間或遠至敵後方以刺察敵情務須用種種方法達到目的總之兵凶戰危關係國家之存亡必先明瞭敵情地形然後攻守進退分合多寡先後輕重剛柔強弱種種方式方能決定若不明瞭敵情地形徒知結成一字陣式齊頭並進敵若以全力攻一點或攻我一翼我卽不知所以應變兵雖多亦無益於勝敗也諸將領對於敵情地形用間用探上務必努力切實辦理不可稍忽特此諄囑

告前方將領克復徐州後部署電

十六年十二月十七日

郝寨徐州探投鹿總司令鍾麟。韓總指揮復榘。石軍長友三。鄭軍長大章。劉軍長汝明。歸德孫總指揮良誠。柳河飛送馬軍長鴻逵。新鄉孫總指揮連仲鑒。命令現我軍已將徐州攻下。所有津浦路正面及以東地區。由何總指揮所部擔任。本軍爲貫澈北伐目的起見。應取以下之部署（一）韓復榘軍應卽用火

車輸送。移駐鄆州。以一師進駐鄆城。(二)石友三軍應即用火車輸送至歸德。接孫總指揮良誠圍攻曹縣任務。暫以一部駐歸德。俟鹿鍾麟軍接防部隊到達後。即全部移駐曹縣。(三)鄭大章騎兵軍在隴海鐵路以北。向西行軍。沿路搜除伏匪。撫綏百姓。至歸德用火車輸送。向新鄉開拔。(四)鹿鍾麟軍以一部乘火車至歸德接防。大部即經隴海鐵道以南行軍。至歸德馬牧一帶。沿途清除土匪。安輯百姓。關於碭山防務。應由鹿總司令商請何總指揮派隊接防。(五)孫良誠軍應以一部留駐歸德。俟石友三軍接防。其餘應即向單縣前進。俟曹縣歸德防務完全由石軍長友三接收後。孫總指揮良誠應即統第三第四兩軍向濟甯前進。(六)劉汝明軍用火車輸送至開封。(七)鐵路運輸次序。(甲)韓復榘軍。(乙)石友三軍。(丙)東路軍之一部。(丁)鄭大章軍。(戊)劉汝明軍。以七上條。仰即分別遵照辦理。隨時具報。又劉鎮華軍已令即日由東明附近渡河。向大名前進。並電知照。此令。

建議國府及各方乘勝攻取山東電

十六年十二月十七日

據前方報告。我軍已於銑日攻下徐州。邇後軍事計畫似應迅速決定。不使殘敵有喘息之時間。以期一鼓盪平。敬將鄙見條陳如左。(一)按張宗昌盤踞山東。爲張作霖之屏障。若不速行剪除。則對張作霖用兵頗多窒碍。(二)山東與河南地勢密接。山東若不平定。河南必留重兵。方能保固。況河南灰色軍太多。賊去則盡。掛革命旗幟。賊來則改用賊之旂號。牽制太多。故難於在山東未平定前。以大兵由京漢直上。與奉軍決戰。(三)張孫屢敗之餘。軍心頹喪。乘勢擊之。奏功極易。若稍一停頓。使得守住秦安。以待其定購之三千萬元械彈。運到補充。再往攻之。則費事多矣。有此三因。鄙見擬請乘勝解決山東。津浦地面。及以東地區。請由何總指揮應欽同志所部担任。自濟寧及以北地區。由職軍擔任。關於此路軍事業。已部署出動。並遣兵三萬。即日渡河。應援閩總司

令錫山同志。除派專員與何總指揮面商外。以上所陳。是否可行。敬祈裁示。不勝待命之至。馮玉祥叩篠。

與李烈鈞論攻山東電 十六年十二月十八日

霽西電敬悉。徐州克復。弟卽於篠日就鄙見所及。電政府條陳進取方略。想吾兄必已鑒察矣。弟以爲山東密邇河南。兵勢過於逼近。河南之灰色軍隊。潰兵土匪。皆與敵勾結。敵遠則掛革命旗幟。敵近則悉爲敵之羽翼。故山東不定。勢必牽制河南。極大兵力。決難悉力北伐。現張宗昌新敗之後。實力凋喪。宜乘此時迅速擊之。收功甚易。張宗昌爲張作霖之屏障。剷除張宗昌。就是剷除張作霖。若使其有休息時間。待所購大批械彈運至補充。則事倍功半矣。故此時似以迅速解決山東爲唯一辦法。關於此節軍事。津浦正面及迤東地區。擬請由津浦北上諸軍担任。自濟寧及迤西地區。則由弟部担任。現已部署出發。百川

同志勢甚危急。弟分兵三萬渡河。由京漢進展。另遣劉鎮華軍渡河佔大名。以分敵勢。敵必不敢深入晉境。且我軍攻山東。急奉軍於德滄一帶。必受牽制。故山西方面亦決無大危險。此伐魏救趙之意也。山東一下。然後與百川協力。取長牆。圍制之勢。以向京津。敵必遁出關外矣。管見如此。敬祈賜教。倘蒙贊同。便請主持。爲禱。

令各將領注意敵情地形等四事電

十六年十二月二十五日

旅去以上官長。關於最進用兵。應急切注意者。條示如下。(一)要確得敵情。及地形。方能作戰。如想確得敵情。及地形。非多派有知識的幹練的偵探。設法偵察。不可敵情。地形既認識明白。無論進退攻守。皆可關於敵情。宜將兵種。兵力。位置。企圖。偵察。明白。萬不可籠統的說。敵人。多。敵人。少。更不可徒根據隊號。宜調查人數。槍砲。及槍砲之種類。此皆各將領應速講究。加緊訓練。高等偵探。

之事。(二)兵力要集結。注意一點。萬不可分散。太過顧前則後寡。顧左則右寡。無所不顧則無所不寡。如能集中一點將敵人一點先行衝破。其全局自瓦解矣。(三)軍隊最忌是吃。硬勁欲僥倖成功。必須真正明瞭敵情地形。不攻則已。攻則全力赴之一攻。即開萬不可零碎運用。更須有虛有實。有多有少。擇其虛薄。用全力擊破之。(四)近日砲火最烈。無論攻防必先佔據地點。誘敵來攻。俟敵攻至五六點鐘。或幾晝夜。力疲氣竭。彈藥將盡之時。再出其左右腰或抄其後方。全力攻之。必獲勝矣。(五)每次作戰。後方糧食醫院。及大接濟地位。宜格外注意。必須充分準備。以上各條。關係太重。仰各遵照努力辦理。毋得玩忽爲要。此令。

告孫連仲等河北作戰方畧電

十七年一月十日

新鄉孫總指揮連仲弟。長垣鹿總指揮鍾麟弟。劉總指揮雪亞弟。鄭軍長大章。

弟鑒。現彰德大名以北敵情。尙未十分明瞭。我軍進取方畧。自應十分鄭重。茲下命令如次。(一)我軍此時。應極力偵察大名彰德。及其迤北一帶之敵情。並一面積極消滅淇縣湯陰以南之敵。(二)劉總指揮所部第八方面軍。應即在內黃清豐一帶之線停止。一面積極偵察敵情。大名城垣。如果有極好機會。可以佔領時。即進佔之。否則對於大名城垣。萬不可輕進攻擊。(三)鹿總指揮鍾麟所部。即向宜溝驛淇縣之間前進。與孫總指揮所部聯絡。抄擊在淇縣附近與我軍對抗之敵人。(四)孫總指揮連仲所部。對淇縣道口衛輝一帶城外之敵。宜積極施以攻擊。限于十六日以前。與鹿總指揮所部。協同將該敵肅清。並須極力互相聯絡。(五)騎兵軍在此期內。仍照前令。向彰德以南。以斷絕敵人後方交通。多方擾亂。爲要。(六)各軍注意事件。(甲)須竭力互相聯絡。(乙)須努力注重守城守寨辦法。(丙)須多方與民衆聯絡。如民衆有惡劣分子。受敵運動。對我有危害時。亦不可不除。總之。我軍須處處

本着除暴安良之旨做去。(七)命令接到後。速將遵辦情形電復。爲要。

向軍委會陳述進兵步驟電

十七年一月十七日

恭讀江日政府命令。着蔣總司令中正。閻總司令錫山。楊總司令樹莊。及玉祥等。督率所部。刻日會師幽燕。完成大勳等語。奉令之下。忻快萬分。溯自我國民革命軍。興師北伐以來。未及一載。奠定大江南北。肅清隴海全線。前鋒並已深入魯燕。殘敵消滅。已可立見。不幸禍起鬩牆。兵勢驟轉。敵遂乘隙。益復猖獗。革命軍事。完成難期。民衆倒懸。無法解救。全軍將士。感憤萬狀。此所以一奉命令。出師。無不喜躍爭先。樂效馳驅也。此間于克復徐州以後。卽積極調兵北上。現鹿總指揮鍾麟。劉總指揮鎮華。鄭軍長大章所部。皆已渡河完畢。合之孫總指揮連仲所部。共有八萬餘人。第一步卽進取順德大名之線。與閻總司令取聯絡。夾擊京漢之敵。以孫總指揮良誠。石軍長友三所部五萬人。當濟寧方面。待

機進取。此職軍奉令進攻。第一步部署情形也。惟是戰線延長三千餘里。大兵進退。最貴協同。此間如進至順德大名之線。則當與閣總司令謀協同。濟寧方面進取。亦必與津浦我軍取協同。至盼中央通盤籌畫。規定指示。庶免參差。至方總指揮振武。陳總指揮調元所部。及後方能戰各軍。亦乞迅調前方。增厚實力。並請規定指揮統系。以便作戰。濟寧方面。若能另籌勁旅担任。以職軍全力調在京漢。則成功益有把握。預度進兵以後。必有一二次劇烈大戰。對於接濟械彈。務請充分。以免缺乏。師發在途。決無延遲。玉祥及所部全體官兵。抱定有賊無我。有我無賊之決心。誓與賣國軍閥奮鬪。以完成革命軍事。惟祈隨時指示機宜。俾資遵循。不勝待命之至。

通令隱蔽師以上司令部所在地點電

十七年二月二十一日

作戰各軍。凡師以上司令部駐在地。應設法秘密。祇作暗記。不宜高揚旗幟。或

掛某司令部木牌致引敵人注意。此次吾軍商總指揮駐在地。因標記太顯。被奉軍乘飛機認識。拋入炸彈。雖幸未炸。危險已亟。各將領須知身負指揮之責。一身安危關係全軍性命。務須小心謹慎爲要。

令孫良誠等蓄力待敵電

十七年二月廿八日

曹縣孫總指揮良誠弟。彰德孫總指揮連仲弟。湯陰鹿鍾麟弟。衛輝馮軍長治安弟。鄭軍長大章弟。濮陽劉總指揮雪亞弟。鑒接密報。敵有先攻彰德。後攻曹縣之密謀。望星夜準備。妥當厚集兵力。敵來時。先利用各種溝壘城寨地雷。寬壕固守。俟其攻過三五日後。再用主力出擊。抄其側背。一戰而勝。便竭力追擊。之以近待遠。以逸待勞。以整靜制其浮動。我有三得。敵有三失。不難將敵全部殲滅矣。現南京山西大軍均已準備出擊。敵將首尾不能相救。其側面暴露于山西方面者。近五百里之長。是皆用兵者所大忌。而與我以成功之良好機會。

也。望于布置上養氣蓄力努力遵照詳細綿密準備爲要。

告孫連仲河北作戰方略電 十七年三月十日

彰德孫總指揮連仲弟鑒。茲將該方面作戰計劃分示如左：（一）漳河以北之三台臨漳各地區守兵祇可作爲前進部隊。果敵人以大部兵力來攻時卽放棄之。撤回漳河以南。（二）務將敵人引誘至漳河以南彰德以北之廣漠地區。再用主力殲滅之。（三）必要時由漳河以北撤回各部隊務必集結切忌分散。（四）臨漳方面無派隊應援必要可遵照第一條所示辦理。特電遵照。

覆李烈鈞論戰畧 十七年三月十六日

銳戍電敬悉。介公此次定計由津浦濟寧進攻。先取濟南實爲極是極好之計。

畫。弟。于。克。復。徐。州。後。曾。有。電。陳。政。府。亦。主。此。議。惟。謀。之。欲。密。行。之。欲。速。當。乘。敵。之。不。戒。而。疾。擊。其。不。意。弟。今。居。河。北。調。度。者。欲。故。示。先。聲。以。綴。京。漢。之。敵。耳。若。兩。湖。能。出。兵。三。萬。或。五。萬。到。彰。德。則。更。爲。圓。滿。津。浦。京。漢。同。時。並。進。使。敵。首。尾。不。能。相。救。勝。算。自。有。把。握。甚。望。德。隣。同。志。早。日。北。來。共。成。大。功。至。盼。至。盼。

告孫良誠等進攻濟甯方畧電

十七年三月十八日

曹縣孫總指揮良誠弟。開封石軍長友三弟。柳河馬軍長鴻逵世兄。定陶席師長液池弟鑒。查方總指揮振武。楊軍長虎城。賀軍長耀祖各部。均集合於歸德。單縣豐沛一帶。同該總指揮進攻濟甯。該總指揮軍長師長等。須要迅速。妥爲準備。茲將此時急要辦理之事列下。(一)前方之敵情。務萬分詳細偵察。不可稍有遺漏。(二)前方地形。如道路橋樑。河川寬窄。深淺高地。凹地山地。此時要努力清查。切不可稍事疏忽。(三)敵人長處。敵人短處。我軍短處。我軍

長處。須要分條研究。並與各將領切實討論。將我歷次作戰所發現之短處。一律改之。去之。嚴戒之。而專用我之長。對彼之短。則戰無不勝矣。(四)或練行軍。或練野戰。或練夜戰。須趁此時專補短欠之處。尤須檢查人馬裝械。申明紀律。蓋有紀律者勝。無紀律者敗。該總指揮軍長師長等。須萬分努力焉。至要至盼。

告各將領對敵作戰個別及一般方畧電十七年三月二十日

知己知彼。百戰百勝。今大戰在即。我各將領均應審慮周詳。謀定後動。務期一戰成功。茲特將應行特別注意之事。分項逐條列示於後。(甲)對敵軍各部隊。應行分別注意之件。(一)對於奉軍三四方面軍作戰法。此軍爲奉軍精華。軍實較爲充足。其精銳部分。及精良器械。多使用於鐵道線附近。其高級指揮官。多在鐵道線上指揮。離不開鐵道。我軍最好用避實擊虛法。由一翼抄襲。或繞攻其側背。則容易成功。中堅可不攻自破。如韓石之在東路抄敵後路。

而得敵鋼甲車五列也。(二)對於直魯軍作戰法。直魯軍大部係土匪編成。人員雖多。等於烏合。此種軍隊。心氣浮動。其伎倆不過最初有一猛撲。並設法在我陣地後方擾亂。一經擊敗。即無反攻能力。故我軍於交戰之始。應力持沉着。固陣以挫其鋒。待其氣竭力疲。即行反攻。必可破之。我軍並宜注意縱長配備。多留預備隊防其抄襲。(三)對於孫軍作戰法。孫傳芳部亦頗能戰。其用兵素係積極。行動常以全力猛攻。某一點一次失敗後。又親率預備隊反攻。故對此作戰。須按戰術原則謀定後戰。不可稍事孟浪。尤須於作戰中防其襲擊。追擊時。尤須整集隊伍。防其反攻爲要。(乙)關於一般注意之件。(一)宣傳標語。宜注意合乎民衆心理。直魯民衆久受敵人煽惑。誤認我軍爲赤化。故對民衆應多方宣傳。使之了解三民主義及革命意義。切忌用打倒大地主。打倒土豪劣紳等激烈標語。以免疑惑。而激起反感。(二)直魯民俗敦厚。男女之別極嚴。我軍應恪守紀律。不准擅入民宅。引起反對。且軍律不容絲毫假借。

也。(三)此次作戰爲革命軍生死關頭。務期戰必勝。攻必取。各將領各級官長對於所部宜分四五十人成一小組。將革命意義敵軍暴虐各點詳細講解。三日激發各官兵均要有有賊無我。有我無賊之大決心。然後對於民衆作大規模之宣傳。冀喚起其同情。樂爲我助。(四)奉軍飛機較多於我。常以之拋擲炸彈。然依歷次作戰經驗。效力極微。黔驢之技。不足一顧。切勿爲其所擾。(五)唐克車作戰。其最大能力不過爲擾亂陣線。其缺點行駛全賴汽油。又須時時換水。時間僅能支持一小時。遇河流深溝。卽失其活動能力。且其視線僅賴一縫。行同盲瞽。可以設計弋獲之。(六)敵人砲陣雖多。然其射擊不準。濫發濫放。我軍宜設法用假裝陣地以欺騙之。並以奮勇隊搶奪其砲。(七)攻擊前進切忌久停一地。多受損傷。惟有利利用不怕死三字。一鼓作氣勇往直前。足寒敵膽。(八)切忌頓兵堅城。敵如死守。城寨牽制我軍兵力。我若竭全力與之攻城相搏。必墮入敵人計中。最好以相當兵力實行監視。其餘大部仍繼。

續。攻。擊。前。進。以。竟。全。功。以。上。各。條。爲。勝。敵。要。訣。深。盼。各。將。領。督。飭。所。屬。官。兵。努。力。研。究。萬。分。注。意。爲。要。

請閩錫山夾攻奉軍電

十七年三月二十三日

簡電承示。奉軍第九軍南下。敬悉。敵人如果悉力南犯。兄意在河北彰德一帶。與之作持久戰。以老其師。而乘其弊。我弟卽於此時截擊其後。同時雙方約期大舉夾擊以破滅之。如何。請指教爲盼。敵此時懸軍南下。在直魯交界處。與我方交戰。是犯用兵大忌。經此一戰以後。北上卽可不費大力矣。

告鹿鍾麟在京漢線作戰方畧電

十七年三月二十四日

湯陰鹿總司令鍾麟弟鑒。據各方確報。敵人欲於我津浦線軍隊未進攻以前。希圖先集結主力。由京漢向線我軍侵犯。原在前線之敵。有褚玉璞全部。戢翼

翹汲金純各部。近復增加于學忠部。高維嶽部。以此判斷。確有南犯之企圖。我軍爲殲滅該敵計。特下訓令如下。(一)敵軍攻擊山西不下。悉力懸軍南犯。此自來送死。而天與我以破敵之機也。我軍第一步須堅忍以挫其鋒。第二步舉我軍之主力。乘敵之敝。而轉取攻勢。與晉軍前後夾擊。必可將敵軍全數殲滅。(二)我軍決心選用湯陰以南廟口高村鎮鉅橋鎮濬縣老岸鎮一帶之線。爲本陣地。本攻勢防禦之目的。應構築極堅固之工事。關於工事及部署。統由該總司令主持分配。即日動工。(三)林縣地勢重要。爲我軍天然之側面良好陣地。應由龐軍長炳勳所部。担任攻守。向敵軍側面截擊。如龐軍兵力不足。可由孫連仲軍撥一部助之。(四)劉總指揮鎮華所部。應先取佯攻姿勢。如敵軍以主力向該軍猛攻時。可卽移守濮縣附近之土寨桑村白道口慶祖堡一帶之線。惟主力應側重右翼。靠黃河岸地區。(五)我軍此時在湯陰以北各部隊。應極力準備向新線移動。如偵知敵軍已有戰鬥攻擊展開形式。我

軍卽宜開始迅速移動。以騎兵軍在前線警戒。此開始動作之遲早。於用兵上最關緊要。所以能不先不後。恰當時機者。惟在偵察敵人動靜消息。絲毫不可遺漏。報告要確。要速。千萬注意。(六)余已令石友三軍全軍開駐新鄉。許長林師應恢復建制。仍歸本總司令指揮。以上六條。仰該總司令遵照。妥籌速辦。具復爲要。祥敬。

告鹿鍾麟等作戰方畧電

十七年三月廿九日

頃據孫總指揮連仲電陳。敵人有繞抄我京漢路陣地右翼之企圖。我軍對於該方面之戒備。茲揭示其應辦之事如下。(一)應派大部便衣隊。在我右翼側後方擇地埋伏。以備狙擊該敵。此事由鹿總司令速辦。如何布置。應卽具報。(二)鄭大章騎兵軍。遇敵來攻時。不可在陣上呆住。與敵相持。與敵牽連。蓋敵若出騎兵以繞抄我陣地側後。則我反被包圍。實犯兵家大忌。最好酌量以

步兵在正面支持。而騎兵軍之大部。集結控制於右翼適當地區。秘密隱藏。以抄敵之左後方。如此則我能制敵。而不爲敵所制。(三)長垣延津封邱陽武原武爲我陣地後方之要點。須分兵駐守。以防敵人竄進。並鎮壓奸究暴動。其長垣等三處。應由韓軍長占元派軍駐紮。每處兵力最少須一連。尤應注意連長人選。必具有獨立之知識及能力。陽武原武兩處。應由石軍長友三各派一連駐紮。以上三事。着由鹿總司令鍾麟主持。切實辦理。

令鹿鍾麟等注意敵情及地形電

十七年三月三十日

查作戰之根據。全在明瞭敵情。敵情不明。無法作戰。此其一。地形如何。尤須百般研究。認真細查。此其二。各將領若能悉心討論。特別注意此二事。則諸事均有辦法。再現在作戰。必須有意外犧牲精神。卽有敵無我。有我無敵之革命精神。各將領須提倡。須培植。須獎進。至小之事。亦須鼓勵久之。自能發現此種精

神也。對大敵能持久戰。皆在於此。望各將領其努力焉。

令岳維峻北進攻奉電

十七年四月二日

奉軍自東日起。以重兵分三路猛攻山西。如能在晉得手。必將移其攻晉之衆。以攻豫。將來殲滅益形困難。吾弟矢忠黨國。志切同仇。務請簡率此部。即日北進。先抵湯陰待命。將來或加入京漢正面。或酌置大名之線。均無不可。作戰貴能乘機。機在則事半功倍。機失則事倍功半。此時敵以全力攻晉。頓兵堅城之下。久役無功。正我軍長驅北進之大好時機。如遷延不進。坐失時機。則晉危而豫亦不得安。我弟洞熟機宜。知必以爲然也。兄已於東午移駐蘭封。蔣總司令亦于三十晚抵徐州。同向山東進攻。大戰在卽。知注並聞。

請李仁宗等北上援晉電

十七年四月二日

我兄抵湘。羣賢聚首。北伐大計。必已熟籌。連日敵攻晉甚急。企圖猛挫百川。再

增兵京漢。全力犯豫。百川孤軍久戰。援應莫繼。撐持頗苦。迭有電來促弟進兵。此時弟部誠宜急取順德石莊。分敵攻晉之勢。惟如實行北進。則大名方面。褚玉璞。徐源泉。孫殿英等。必攻我右側。我若先解決大名之敵。則彰德以北之戢翼。翹于學。忠必攻我左側。我若左右兼顧。則河北兵力實虞不足。若再遲迴。審慎。則時機急切。稍縱即逝。萬一晉北發生變化。則全盤局勢。皆非敵必盡移。其攻晉之衆。以攻豫。殲滅益增。困難今日之五萬人。所能爲力者。他日恐須十萬人。今日十萬人。即可者。他日非十五萬人不可矣。統觀全局。貴部如能早日北來。則一切皆可迎刃而解。渴盼諸兄親提雄師。兼程蒞止。或加入京漢線。或加入大名方面。庶可早紓百川之困。愚見所及。一一剖陳。諸兄洞悉機宜。諒必成行在胸。敬祈盡情賜教。是所厚幸。介兄已於三十晚抵徐。弟亦于東午移駐蘭封。魯西進展。專候介公之令。知注並以奉聞。

告各將領敵部內情電

十七年四月八日

今當大舉進討張孫。關於該敵等作戰伎倆。及我軍破之之法。業經分條詳示知照。茲再將該敵等部內情。條示於次。(一)奉軍其精銳爲張學良所統率之三四方面軍。去年在河南爲革命軍所擊敗。十停中失去其七。官兵士氣極餒。勇於私鬥。怯于公戰。無主義。無犧牲心。雖經補充。外強中乾。故與該軍交鋒。其初來時。勢若極猛。實則無耐久力。但須持之以靜。相持二三日後。其弱點必現。然後乘其弊而擊之。(二)張宗昌所部。烏合之衆居多。在上海南京蚌埠豫東徐州大敗十數次。屢經損失。已喪其實力十分之七八。目下惟四處招集土匪隊伍。欲藉以抵禦我軍。其指揮作戰。皆互相欺哄。諱敗爲勝。通報報告毫無實際。故與該軍作戰。須嚴陣以待。集結我之主力先擊破其一部。餘部自必散走。(三)孫傳芳所部。雖較奉軍及直魯軍兩部爲稍好。然孫之本人志大言誇。心高氣浮。布置隊伍常好行險徼倖。歷次在江西浙江南京失敗。皆犯此病。江西之敗。敗于九江之空虛。南京之敗。敗於以四五萬衆渡江。背水爲陣。

皆顧前不顧後之辦法。近聞其本人性質毫無懊悔。必仍蹈前失。故我軍對待該敵。須先將自己陣地穩固。另以騎兵繞擊其後。以襲其虛。必大破之。以上各條。各將領均須切實注意。以求破敵之方。張作霖本人顧念關外老巢。不肯以精銳在關內犧牲。欲前又卻者。屢張宗昌與孫傳芳外。雖協同內實。相忌各人心理。都一方疑別人。不肯打仗。一方想爲自己保實力。若我大軍進擊。必將各自引潰。張作霖與張宗昌雖託名聯合。實則各有懷抱。以視我革命軍。大兵百萬一德一心。論兵力則我衆而敵寡。論軍勢則我聚而敵散。以我仁義整嚴之師。誅彼殘暴。烏合之衆。直不啻如疾風之掃秋葉。洪爐之燎毫毛耳。我同志努力奮鬥。掃清巨慝。完成革命。所厚望焉。

令龐炳勳等乘機破敵電

十七年四月九日

此次我革命軍大舉北伐。實爲革命軍事全局成敗之大關鍵。查我津浦濟寧

兩路均在進展中。孫傳芳經我大軍壓迫。已有不支之勢。河北方面。孫總指揮連仲。劉總指揮鎮華兩部。連日已在漳河附近及南樂北面。與敵激戰。惟查此路敵人。僅係佯攻。其性質實爲掩護。其主力攻山西。近十日內。奉軍以全力圖晉。激戰極烈。窺其狡謀。實欲先攻下山西後。再舉全力攻豫。我軍爲迅赴事機。並急救友難起見。須速猛進破敵。庶免爲敵所騙也。

告孫良誠乘勢猛攻敵人電

十七年四月十四日

頃賀耀祖軍在魚台之南。小有挫失。孫傳芳之主力。皆在魚台方面。我軍卽宜乘勢猛攻。以擣其虛。不可相信敵人投降。而緩兵勢。蓋敵人所云投降。一則是緩兵。一則是來偵察我之虛實。萬不可輕信。此次大戰。乃我革命軍全體生死存亡關頭。須抱定大犧牲之決心奮鬥到底。切不可猶豫。若稍一遲疑。敵人擊退賀耀祖軍後。再萃其全力於方振武軍。方軍挫則萃其全力於我軍。必致受。

各個擊破之害不可不深明此意也。子彈所缺何種。速派軍械主往開明種類。速來領取。汽油壹百箱。即令經柳河曹縣送來前方。教導團學員另有用處。未能即回。合電知照。

致賀耀祖請迅速整頓部曲電

十七年四月十四日

豐縣賀總指揮貴嚴同志勛鑒。元辰電備悉。大軍作戰。周旋進退。乃是常事。所貴乎爲將者。在勝而不驕。敗而不餒。昔馮異垂翅迴溪。終能奮翼灑池。吳漢每遇挫失。意氣輒如平常。惟當料治戰具。以圖再舉。吾兄此時惟有專心壹意。整頓部曲。第一步須求與敵接觸。若實力未充。不能與敵決戰。即當與敵人取粘字的辦法。敵進則我守。敵退則我進。不使敵人能抽其兵力。增加於別方面。此是第一步最要緊的辦法。第二步增援已到。即可直前進攻。蓋起初敵守我攻。敵爲主而我爲客。故敗。若敵來追擊。其部伍必不能整。則我爲主而敵爲客。必

可得勝也。綜觀此次敵人配備情形。其狡計在以一部配置津浦正面。而用全力由微山湖西抄徐州之左翼。其時敵猶未聞我各路大舉進攻之訊也。今孫重兵駐在魚台。方孫兩總指揮以重兵擊破其金鄉鉅野及郟城。是我軍已包擊其右後。敵已墮我算中。敵人由魚台愈向前。則我殲滅之愈易。惟在我兄必須將陣前迅速整頓。按前定兩步辦法辦理。保無他慮。韓莊臨城之敵。已被我軍擊破。敵人更不敢深入也。請勉力爲禱。

告孫良誠等追擊孫部部署電

十七年四月二十一日

孫傳芳所部。既經全部擊潰。應卽用力猛追。不得稍縱。茲將追擊部署規定如下。(一)孫良誠軍馬鴻逵軍應卽向潰敵跟蹤追擊。至甯陽汶上之線。停止待命。(二)方振武軍由濟甯至甯陽大道及迤東地區追擊前進。至甯陽之線。停止待命。(三)石友三軍肅清濟甯附近殘敵後。全軍移至鉅野待命。除

另令方總指揮外。特令遵照。

勸蔣中正勿冒險前進電

十七年四月二十二日

此次我弟親臨界河陣地督戰。士氣百倍。遂能于最短期內。廓清秦岱以南殘敵。夙仰我弟忠誠壯勇與大無畏之犧牲精神。表率提倡于上。全軍官兵感奮振興于下。故能建此大功。但私心竊有過慮者。此番大戰。陣廣千里。一經激戰。全線戰鬥情形決難一致。有先進以抄敵之尾。擊敵之腹。心有突前以擊敵之首者。有與敵相持。彼不得前。此不得往者。亦有因敵強而暫向後引。以取守勢者。故大軍進展。初本一線。及至激戰數日以後。則紛紛紜紜。或成犬牙。或成鋸齒。華離錯邪。形勢非一。此爲大戰必有之情況。我弟前次親臨界河。今茲又聞進駐兗州。後方殘敵未清。伏莽尤多。倘亞父不戒于穀谷許客。卒起於山林。緩急之際。危險莫名。目下黨國安危。全軍存亡。繫于吾弟一身。關係太重。太大。

萬請慎重。以慰黨國之望。又我軍當大勝之後。如敵胆已喪。于急切之際。敵未能在泰安抵抗。則可乘勢直追。批亢擣虛。以成奇功。若泰安已有備。則似以一面將後方殘敵廓清。一面布置妥密。再行前進。較爲穩當。敬陳管見。懇乞採擇。並請指示。爲禱。

告魯戰各將領殲滅孫傳芳部全由進退緩急深合機宜電

十七年四月二十四日

濟甯孫總指揮良誠弟。馬軍長鴻達世兄。呂軍長秀文兄。席軍長液池弟。梁師長冠英弟。吉師長鴻昌弟。程師長心明弟。王副軍長冠軍弟。谷師長良友兄。鄆城丁師長漢民弟。柳河曹縣探送石軍長友三弟。並轉許師長長林弟。孫師長光前弟鑒。此次魯西大戰。將敵兵孫傳芳等部八九萬人。悉數擊潰。此皆由於官兵奮勇苦戰之功。亦由於各部隊之調度動作。進退遲速。無一不深合機宜。

故能得此全勝。今述其事如次。(一)孫總指揮良誠所部呂秀文軍於攻克鄆城後。卽向汶上寧陽挺進。席液池騎兵軍直抄津浦正面兗州之後。第三軍第四軍在金鄉方面戰事正相持之時。在刪銑兩日。連克鉅野嘉祥。並佔領濟甯之四關。敵人遂根本動搖。魚台金鄉之敵遂不能不向後引。敵陣遂亂。此爲得勝之重要原因。全恃該總指揮能率部迅速進展。由不虞之道。乘人之不及。而直衝其腹心。敵首尾不救。兵心慌亂。遂能成此大功。此以進速而合於機宜者也。(二)賀總指揮耀祖所部於十一十二等日。在魚台方面與敵初一交戰。不利。致豐縣爲敵所佔。敵以爲有機可乘。長驅大進。其主力遂由濟甯南移。於是孫總指揮得以直擣甯濟。敵人欲撤南犯之兵回救。一進一卻之間。陣法大亂。我軍得以乘其弊而解決之。則是賀總指揮所部後退。雖非素定。而實際上。深合兵法誘敵之計。此退而合於機宜者也。(三)方總指揮振武所部。因金鄉方面敵人頑強抵抗。未能與孫總指揮良誠所部齊頭並進。進展稍緩。然因

其進緩。故能將金鄉腹心之患完全解決。並能將魚台四竄之敵與以截擊。當時余得報告。魚台之敵分四路回竄。一路竄濟甯。一路竄嘉祥。一路竄嘉祥鉅野之間。一路竄鉅野以抄襲孫總指揮良誠之後路。其兩路行至中途。正遇方總指揮率部前進。截住兜擊。將其解決。若方總指揮早日前進。則該兩路敵人必不能相遇。而掩至嘉祥鉅野一帶。雖余已令許長林師進至鉅野防範。然此兩路敵人來襲。頗爲危險可慮。此緩而合於機宜者也。(四)石友三軍爲總預備隊。位置於蘭封柳河一帶。初意於鉅野金鄉及黃河沿岸應需緩急策應耳。其位置離前線似嫌過遠。及後豐沛吃緊。此軍卽移至碭山以救徐州之急。若石友三軍早經踵進。必難利用鐵路轉移如此之速。則全局危矣。此遠而合於機宜者也。(五)張軍長克瑤所部。因小失利。在豐縣附近後方整頓。似若一着無用閑棋。及金城內潰敵竄出。正在將石友三軍後方大接濟搶掠之際。而該軍正在後方將其圍住。完全繳械。俘敵六千。此又後而合於機宜者也。

以上五條。不過臚列大端。可知大戰之際。陣線之長。延至千里。戰鬥狀態。決非呆板一律。必須前後進退遲速緩急處處均合機宜。方能應乎虛實之勢。而神乎奇正之用。然後可以制勝頑敵。其所以能處處合乎機宜者。全在一個和字。各將領各官兵均能個個明大義識大體。互相原諒。視全局之安危爲一己之責任。毫無一點私意。存在於其間。則自能如手足相救。百萬之衆如一人。無有不勝者矣。若在前者怨後者之不進。在後者則又嫌前之輕進。互相怨忌。如此則前後不相救。左右不相應。又安望于戰勝乎。諸將領皆係高級軍官。學識經驗。應日有進益。當明白大戰虛實進退之理。剛柔命正之用。以蔚成大將材。器望努力研究。是所至望。

與蔣中正論應速攻德州電

十七年五月十三日

按津浦線上諸軍渡河者已近十萬。後背大河給養困難。倘淹留不進。敵兵反

攻我軍陣勢逼窄。危險極大。疊據各方報告。德州之敵。極爲混亂。惟聞日兵擾亂。幸我不進。故復停止。我軍此時背大河。乏給養。利在速戰。兵法所謂疾戰則生。不疾戰則亡者也。且一佔德州。則後方運糧。可以水路直抵德州。極爲便利。兄已於本日下午。令方賀孫三總指揮。迅速進攻。限於十六日以前。攻克德州。關於作戰部署。交方總指揮主持。賀孫兩總指揮爲之輔助。又劉總指揮鎮華。已率部進至故城一帶。全部兵力。已不弱矣。特電奉聞。

令孫良誠等速攻德州電

十七年五月十三日

孫總指揮良誠。並轉方總指揮振武。賀總指揮耀祖鑒。我軍津浦路上渡河各軍。已近十萬。後背大河。糧路未通。給養因難。敵人在德州者。皆係屢敗之餘。早思潰退。後因日軍擾亂。私幸我軍後方發生顧慮。又遲遲未退。我軍爲自救計。爲謀與後方聯絡確實計。爲出敵不意計。均宜迅速進攻德州。方能轉危爲安。

昔項羽破章邯於鉅鹿。破釜沉舟。與敵搏鬥。卒成大功。今日之事。我軍所處地位。進戰則生。後退則死。各將領當深知也。特下命令如次。命令（一）我軍應以最大之決心。限於十六日以前攻下德州。（二）作戰部署。由方總指揮振武主持。賀孫兩總指揮參贊之。（三）注意各條。（甲）地狹兵衆。宜注意區分。須十分清楚。不可稍有混雜。（乙）全線中央後方聯絡線。宜力求與臨清接近。以便給養到時。分發容易。（丙）佔領德州後。各軍不可團聚在德州一城。須合戰術上之要求。布置。（四）席液池騎兵軍。應由運河西岸向北挺進。威脅德州後方。（五）劉鎮華軍於文日由武城夏津向故城德州進攻。並已令該軍向德州以西以北活動。（六）令到即行動作。並將部署進攻情形速報備核。（七）余在新鄉。

告前方各將領攻擊滄州河間部署電

十七年五月二十五日

命令。(一)前在濟南漳德大名一帶被我擊潰之敵。現仍盤踞鹽山滄州河間高陽保定一帶。希圖抵抗。(二)我軍津浦京漢兩路大軍均已按照疊令到達展開地點。應即從速進攻。擊破京津以南頑抗之敵。(三)攻擊部署。(甲)津浦路第一集團軍各軍團。及第二集團軍第一方面軍。由衡水饒湯肅甯雄縣之線迤東地區。向滄州河間之線攻擊前進。限於本月二十八日以前攻擊開始。關於作戰部署。統由朱總指揮主持辦理。(乙)京漢線上第二集團軍北路軍全部。(劉總指揮鎮華所部在內)由衡水饒陽肅甯雄縣之線以西地區。馳逐博野蠡縣肅甯之敵。向高陽方面攻擊前進。限於二十八日以前。進至肅甯蠡縣望都之線。左翼力求與京漢路第三集團軍確實聯絡。關於作戰部署。由鹿總司令鍾麟主持辦理。(丙)衡水饒陽肅甯雄縣線上。屬第二集團軍北路軍。(丁)孫良誠與劉鎮華軍。應確實聯絡。於該兩軍進攻河間及肅甯時。須注重互相策應。(四)余即時進駐道口。本命令接到後。即復

備核。

覆孫良誠作戰須知虛實奇正電 十七年五月廿六日

宥午電陳戰區太闊等情悉。命令已下。劉鎮華部令其移右一節。未便令改。但前令已令劉軍與該部注重策應。至於方軍左移一節。津浦路大軍作戰部署。由朱總指揮主持。該總指揮應商承辦理。此間當電請朱總指揮注意之也。行軍作戰地形固屬緊要。敵情尤須明白。現弟部當面之敵。究有槍砲若干。人數若干。與弟部比較。孰強孰弱。如敵強於我。雖防區縮至五十里。六十里。亦是可慮。如敵弱於我。雖防區廣至二百里。三百里。亦無憂也。至於中有子牙河爲障礙。一節。善用兵者。因地制勝。並非如一線式之螞蟻陣。密密齊上。是在有虛實奇正。攻其所當攻。守其所當守。不可一味呆板也。望詳審敵人虛實。善自布置。至要至要。如各路均如該總指揮如此挑剔。不知如何方能作戰。誠戰術學上。

未見未聞之事也。

令鹿鍾麟等乘勝追敵過京津電

十七年六月六月

刻因軍事進展極爲迅速。前方各將領自應斟酌敵情。適當處理。不必事事往返請示。反致遲誤。茲特規定此後行動方畧。大概如左。務卽相度情形。辦理爲要。(一)敗退之敵。紊亂潰散。秩序毫無。爲除惡務盡起見。務必乘勝追過京津間一段鐵路。向天津東北蘆台。齊河一帶截擊。使敵片甲不歸。永絕後患。(二)倘京津間一段鐵路發生其他情狀。不便通過。或殘敵潰退過遠時。務卽遵照下列辦法辦理。(甲)鹿鍾麟韓復榘龐炳勳各軍。着集結於安次永清霸縣雄縣容城新城固安等處。(乙)孫良誠所部。着集結於芳靜海擇地休養。(丙)劉鎮華所部。着集結於文安大城等處。(丁)各部務在集結區域內搜剿殘敵。整頓軍紀。並須多來報告。以待後命。(戊)鄭席兩騎兵軍。着由

鹿總司令孫總指揮。妥爲指定活動區域。肅清殘敵爲要。

告鹿鍾麟等勿窮追敵人電 十七年六月八日

現敵軍已爲我軍全數擊潰。京津兩地。當無問題。此時我軍。宜努力掃清與我不遠之殘敵。如敵已去遠。或形勢上有阻隔。不能解決時。可勿事窮追。鹿總司令。現可住高陽。韓復榘。孫良誠。劉鎮華各軍。均以高陽爲中心。向高陽力求接近。擇地駐紮。庶可免惹種種是非。特電遵照。

告劉郁芬不可到處分兵守城電 十七年八月十四日

庾佳各電均悉。觀察來電所陳。用兵佈置。實大錯誤。處處顧全。處處單薄。備多力分。實犯用兵之大忌。現在我軍用兵。應分兩大枝。不得再分集中。我軍力量。先解決其一部。然後依次殲擊。萬不可到處分兵。到處守城。自弱其力也。羣匪

蠢起。雖有燎原之勢。然其指揮必不能一致。爲大將者。應有冷靜之頭腦。沈着之態度。精密之觀察。識其竅要。亢虛之處。儘先與以打擊。則不難使之瓦解。此次孫總指揮連仲所部。不准守城。不准分散。須集中兵力。在一點用。須知兵力不足。萬不能守城。苟使大戰得勝。雖失數十城。亦不難一朝而復設。大戰不利。卽令守住各城。又有何益。應確實明白此意。並速多發布告。宣示只懲首領。脅從罔治。不連無辜之意。至要至要。盼將辦理情形具覆。

告各將領軍隊不可分散駐紮電

十七年十一月二十六日

現雖訓政開始。惟各處匪氛未靖。仍在用兵之時。各部隊萬不可分散駐防。一縣駐一營。或兩連。如此處處防備。卽處處危險。應集中兵力於幾要點。每處至少要有兩千人。最好一旅。否則寧可不駐。其不可分散駐紮之理由。茲述如下。

(一) 爲維持稅收起見。每處常有駐兵一營。或兩連者。要知大戰之後。各部

隊。殊。欠。訓練。若。分。散。駐。防。倘。一。遇。多。匪。必。致。失。利。如。損。失。一。營。較。稅。收。損。失。大。矣。各。將。領。宜。深。思。之。（二）亦。有。因。營。舍。不。便。不。得。不。分。散。駐。防。者。此。應。在。戰。術。上。特。別。注。意。如。專。圖。休。養。便。利。必。致。發。生。意。外。（三）狃。於。向。來。習。慣。有。一。處。即。須。派。兵。駐。防。以。致。小。縣。小。村。鎮。亦。均。有。兵。一。連。或。一。排。駐。紮。似。此。兵。力。分。散。必。致。吃。虧。現。在。亟。應。打。破。此。三。種。理。由。第。一。要。團。結。兵。力。非。此。不。能。切。實。訓。練。應。擇。要。點。駐。兵。不。可。分。散。第。三。各。部。險。駐。防。各。地。應。取。待。機。姿。勢。無。論。何。時。均。有。妥。當。準。備。之。餘。裕。第。三。我。軍。各。團。營。連。官。長。多。數。衝。鋒。陷。陣。有。餘。籌。畫。調。度。不。足。老。奸。巨。猾。如。樊。老。二。等。一。類。土。匪。常。常。神。出。鬼。沒。以。少。勝。衆。實。比。我。軍。官。長。較。優。也。我。軍。最。大。短。處。即。不。知。運。用。偵。探。營。長。以。上。應。在。三。百。里。以。內。設。法。將。匪。情。地。形。偵。察。明。白。凡。團。營。長。必。須。處。處。清。楚。某。處。土。匪。若。干。有。馬。若。干。有。槍。若。干。均。瞭。如。指。掌。才。能。操。勝。算。若。地。形。不。熟。敵。情。不。明。未。有。不。失。敗。者。豫。陝。甘。三。省。散。匪。尚。多。均。應。特。別。注。意。而。甘。省。爲。尤。要。也。以。上。數。條。爲。目。前。最。重。

要之事。仰各該總司令總指揮等。注意辦理。萬不可忽。至要至要。並將辦理情形。詳細電復。

馮玉祥軍事要電彙編

軍略

八六

馮玉祥軍事要電彙編

卷二 戰術

通令各軍即時施行四事電 十六年四月九日

現因火器日新戰術日進一切裝門面的操練亡國奴式的操練務要一律除去。茲有四事務即招集各將校切實改正。視爲步兵正課爲要。(一)以各種溝壘坑道爲日日必須操練之正課。(二)地雷及各種副防禦亦當視作正課操練。(三)每一星期須有五次夜間演習每次至少須有四點鐘時間。(四)須養成一日有一百六十里之行軍力萬不可少。以上四項仰即於令到日迅速施行萬勿視爲具文致干查究切切此令。

令孫良誠等新兵無槍應練大刀長矛電十六年七月二十四日

刻下滬漢交通梗阻。新槍不易運到。該部新兵。無槍者。即應分班練習。長矛。大刀。炸彈。等。以便應戰。大刀。或長矛。每兵一件。須選擇體壯健步者練習之。炸彈。每人須攜帶八枚。以胆大心細者練習爲佳。總期用得其材。俾收成效。辦理情形如何。詳細具報爲要。

通令作戰期間所用旗幟燈號音各項記號電 十六年九月四日

茲規定作戰期間。特別旗幟燈號音各項記號如下。(一)戰鬥旗幟燈號。每月一日至十日用紅色。(單日)問號左右搖動。答號上下振動。(雙日)問號上下振動。答號左右搖動。十一日至二十日用黑色。(單日)問號上下振動。答號左右搖動。(雙日)問號畫一圈形。答號上下振動。二十一日至三

十一日用黃色。(單日)問號畫一圈形。答號上下搖動。(雙日)問號左右搖動。答號上下振動。旗長各四十生的。寬各五十生的。桿長以一米達五十生的爲度。(三)燈號所用布套。應按所規定之色布。隨時更換罩之。每月一日至十日。(單日)問號綠色。答號紅色。(雙日)問號黃色。答號綠色。十一日至二十日。(單日)問號紅色。答號黃色。(雙日)問號綠色。答號紅色。二十一日至三十一日。(單日)問號黃色。答號綠色。(雙日)問號紅色。答號黃色。(三)號音用舊的普通號譜。每月一日至十日。(單日)問號上講堂號。答號吃飯號。(雙日)問號早點名號。答號出操號。十一日至二十日。(單日)問號起床號。答號下講堂號。(雙日)問號吃飯號。答號息燈號。二十一日至三十一日。(單日)問號收操號。答號上講堂號。(雙日)問號出操號。答號起床號。旗幟燈罩。仰卽派定妥員。按照規定分別密製保存。俟有特別時機作戰。卽轉發所屬各部隊應用爲要。

通令切實實習迫擊砲電 十六年九月十三日

各部隊對於所發之迫擊砲。應竭力研究。熟習其用法。不可隨便發給新兵。做裝飾品。每日須集合官兵。使輪流試驗。四、五個爲練習用。切不可愛惜子彈。譬如。有彈十枚。平時不練。臨時手忙腳亂。一彈的効力。都沒有平時練習放了九彈。臨時有一彈把握即可收十彈之効也。望即遵照爲要。

令童玉振注意坑道爆破等四事電 十六年九月二十三日

呈報坑道營爆破營編制各節。尙屬可行。關於訓練應行注意各事。分述如下。
(一)坑道爆破。互有關連。故坑道營須兼習爆破。爆破營亦須兼習坑道。惟練習時間。稍有多寡之分耳。
(二)坑道營應多練習各種溝壘。以增進其土工作業力。爆破營不僅教以使用爆藥。明瞭藥性。並須能自製各種爆藥。爲要。

(三)坑道營即以坑道教範爲基本教程。爆破營即以爆破教範爲基本教程。應設法多多購置。(四)無論坑道爆破各營。須有徒步作戰能力。故步兵所能行者。該兩營官兵。須皆能之。須時行練習之。望即查照辦理。

告前方各將領戰術要訣電 十六年十月三十日

現在作戰。戰術學三本均相同。所差者。所爭勝負者。惟在判斷。清楚。後。誰能犧牲。誰即大勝。能勇猛。真幹者。勝不能勇猛者。必敗。能持久者。勝不能持久者。必敗。士卒畏將不畏敵者。勝而畏敵不畏將者。必敗。務各妥爲留意。認真辦理。

通令攻守城垣戰術電 十六年十一月廿四日

兵器日精。築城改良。戰術亦應隨之進步。且自歐戰時。野戰暫變成陣地戰。城塞因之大增。其價值本軍現在作戰之際。對於城塞攻守。亟應講求。期收事半

功倍之效。茲述數端如次。作實施之參考。(甲)守城。(一)城牆上層雖築掩體。而城脚下接地面處。應隔二三百米達處開設機槍眼掃射死角。(二)多設側防。利用城壕爲尤妙。(三)近城牆外房屋宜折毀。免敵利用接近。(四)掘深外壕。滿貯以水。阻敵坑道。(五)多備炸彈。防敵接近城根作業。(六)城壕內岸適當地點。定間隔若干米達。構築掩蓋射擊設備。阻敵前進。並挖隧道與隧道聯絡。(七)多設聽音所。防敵坑道暗襲。(八)多備石灰袋。敵若扒城。投以灰袋。即可生擒。(乙)攻城。(一)開始攻城。須距城一千二百米達以上。利用地物或挖站溝。於暗夜漸次接近敵人。(二)進至距敵二三百米達處。設突擊陣地。必要構築堅固掩體。尤須多帶麻布袋。盛土壘胸牆。挖各個掩蔽部於前崖。(三)利用突擊陣地挖坑道。如爲敵壕所阻時。則以一部攜帶破壞器俱。乘暗夜偷過敵壕。至城根爆破城磚。急挖裝藥坑道。爆崩城牆。但此作業。爲預防敵人之炸彈損害。須設必要之掩護。(四)但爆破時

機。要與突擊相合。通常在拂曉前。乘爆破音響。敵人警惶之時。在突擊陣地各部隊。一齊猛撲。由破口入城。兼用梯子上城。使敵無措手處。定可佔領城牆。惟揣知敵人於黑夜過勞。白晝睡眠時。亦可於晝間行之。同州是其一例。(五)攻城各種作業。第一線後方陣地部隊。須掩護前方推進之。(六)調查城內街道。準備突破城牆後巷戰之佈置。(七)用梯扒城。先進目兵須銜帽。防敵暗算。此著須乘敵無備時行之。若敵有備。萬不可行。(八)扒城之兵。須帶炸彈。或手鎗。上至壕口。先擲炸彈。或放手鎗。使敵不敢匿其下。然後突上城牆。危害較少。以上各條。仰即飭屬切實研究。努力練習爲要。

令韓復榘等待機前進電

十六年十二月十日

大軍作戰。應先求不敗。而後方可求勝。故無論進戰退守。凡停止一地。卽宜構築陣地。以備不虞。現我軍當此待機反攻之際。務須深溝高壘。選擇堡寨。加增

工事。並須安設地雷於要路。以增抗力。俟有機可乘。再出擊之。

告前方各將領攻擊前應行準備事宜電十六年十二月十二日

礪山韓總指揮復樂弟。石軍長友三弟。鄭軍長大章弟。鹿總司令鍾麟弟。並譚轉龐副總司令更陳兄。馬收集劉軍長汝明弟。柳河孫總指揮良誠弟。鑒攻擊部署業經另電令知。所有攻擊前應行注意準備各事宜。條開於下。(一)敵情務須明瞭。對於敵之陣地形勢。工事程度。兵力厚薄。何處兵是能打的。何處兵是不能打的。陣地兩翼至何處爲止。務須一一偵探明白。方可適宜布置。最好將敵人戰鬪力薄弱之部分擊破。則其能戰之部分亦將不戰而潰。務宜留意。(二)對於布置隊伍。課與各部隊任務。使各部隊之帶兵官長明白。一般之情況。如我軍及友軍之情形。皆須使之知悉。進兵路徑。山勢地形。尤宜使之明瞭。庶不致蹈盲攻之弊。(三)聯絡最爲緊要。此聯絡二字。非指平頭齊

進。而。言。乃。指。互。通。消。息。彼。此。能。互。相。策。應。而。言。一。經。前。進。此。軍。與。彼。軍。此。旅。與。彼。旅。此。營。與。彼。營。後。方。與。前。方。彼。此。不。論。有。情。况。無。情。况。傳。遞。消。息。均。須。密。如。穿。梭。庶。能。彼。此。團。結。萬。不。可。專。意。打。仗。而。於。此。事。稍。有。忽。畧。也。切。宜。注。意。

(四) 騎兵軍當離敵遠時。即宜極力偵察敵情。當戰鬪時。須控置於秘密之地。不使敵知。以爲出奇抄襲之用。

(五) 敵人有堅固工事之處。切不可行正面強攻。務須設法。由其薄弱之點抄襲其腰抄襲其尾。以上五條。務必細細揣摩。努力實行爲要。

告前方各將領作戰方畧電

十六年十二月二十三日

現在火器日精。彈藥艱難。戰鬥動作。及射出要領。亟須講究。茲述其要點如次。

(一) 使用偵探要確實。要迅速。遇有須派偵探之處。必須迅速派遣。不可躊躇。授與偵探任務。限以回報時刻爲要。

(二) 隊伍散開及集合。貴敏捷。貴肅。

靜。有。條。不。紊。如。網。在。綱。(三)散兵起伏要神速。須有動如脫兔之觀。在敵火有效界下。切不可久停。(四)射出要利用地物。依托瞄準。槍底須緊抵肩部。心氣宜平和。要一彈能傷一敵人。(五)不論攻防。時間許可。即須構築單簡工事。縱在敵火下。攻擊前進。每達一段。即就臥倒姿勢。遂須挖散兵溝。以避損害。(六)隣接部隊。應切實聯絡。有何情況。尤應隨時通報友軍。以上各條。仰即轉飭所屬部隊。忙裏抽閑。切實練習。爲要。

通令各級戰術教授電

十六年十二月二十九日

茲規定各級戰術教授辦法如次。(一)正副目戰術教授。即單人戰鬥諸原則。及一連以下之戰鬥。(二)連排長戰術。即以軍官學校戰術教程爲課本。研究各種原則。並不時教授旅以下之應用戰術。(三)營副以上戰術。亦以戰術教程爲課本。摘要研究。並不時教授以步兵一旅以上爲基幹之支隊戰

術。(四)各級戰術班。即以參謀長參謀團附營附或各級主官担任教授。其教授時間。在平時駐軍。每日須有二小時以上。即在行軍作戰。偶有機會。亦應實施。能就現有之情況研究。更有意義。更有價值。以上四條。須切實遵照辦理。此間當不時派員查考也。

誥各將領研究攻守戰術電 十七年一月二十一日

兵凶戰危。自古所戒。故對於戰陣之事。必平時萬分精熟。然後方可臨戰制勝。各部隊對於戰術講堂。戰術實施。務須萬分認真。萬分講求。不可稍有怠忽。從前對於戰術。提倡攻擊精神。故對於攻擊追擊諸項動作。極意考求。而對於退却防守諸動作。未免忽畧。須知軍事。必有攻有守。有進有退。不可畸輕畸重。必能攻能守。能進能退。乃能定謀行計。出奇制勝。倘不先事練習純熟。一旦臨變。未有不倉皇失措者。對諸動作。必須萬分考究。必使官兵進退疾則如狂風。使

敵。人。不。及。備。不。及。追。徐。則。如。移。山。使。敵。人。不。敢。擊。不。可。犯。守。則。從。容。布。置。能。熟。悉。種。種。守。城。籌。備。方。法。禦。敵。方。法。敵。人。雖。圍。數。十。重。我。可。不。慌。不。忙。能。爲。一。年。以。外。長。時。間。之。堅。守。毫。不。畏。怯。以。上。所。示。各。將。領。務。必。日。日。演。究。使。各。官。兵。均。有。此。程。度。則。作。戰。自。有。把。握。矣。

通令注意擲彈體操及精神教育三事電十七年二月二十三日

我。軍。因。在。近。距。離。或。夜。戰。使。用。大。刀。殺。敵。歷。次。戰。鬥。均。收。大。效。近。聞。敵。人。亦。做。效。使。用。大。刀。故。此。時。我。軍。亟。應。注。意。三。事。(一) 練。習。手。溜。彈。使。用。法。敵。人。用。大。刀。以。後。我。軍。每。人。須。帶。手。溜。彈。四。枚。破。之。官。兵。平。時。對。于。手。溜。彈。使。用。法。宜。努。力。練。習。務。須。十。分。嫻。熟。方。可。破。敵。(二) 練。習。體。操。在。近。距。離。作。戰。如。雙。方。兵。力。相。等。則。體。力。強。者。必。勝。體。操。實。爲。增。長。體。力。之。惟。一。方。法。官。兵。作。戰。過。久。講。求。體。力。日。差。危。險。萬。分。此。時。應。特。別。努。力。練。習。攔。阻。桿。子。及。普。通。體。操。等。務。

使。人。人。體。力。強。健。能。衝。鋒。陷。陣。則。戰。無。不。勝。也。(三)注意精神教育。蓋用大刀衝鋒肉搏其第一攻勝原因即在官兵明白主義有犧牲之決心則勇猛搏鬪戰自無不勝利若中無所守一經臨陣便膚撓目逃雖有大刀亦無用也此層尤須使各官兵努力注意以上三事仰即迅飭所屬遵照辦理是爲至要。

通令研究對奉戰術電

十七年一月二十五日

查奉軍領三省三特別區之兵力財力攻太原一省。四月不下。其技可知。奉軍平日作戰所恃利器不外重礮。十五生的重迫擊礮。飛機鋼甲車四種。然其用法極不精確。已在作戰中見其伎倆。日前我軍大舉北伐。進剿該敵。所有各將領各參謀人員。對於重礮。十五生的重迫擊礮。飛機。鋼甲車四種戰術。亟應特別研究。如何可以攻破。如何可以避免損害。如何可以接近敵人。如何可以使敵人失其效用。務須詳細考究。出一種最完善戰術。即日實地訓練官兵。

使人人明白此種戰具之利弊。並嫻熟應戰方法。仰即遵照努力辦理。切勿玩忽。並將研究訓練情形。隨時具報備核爲要。此令。玉祥有。

通令對騎兵作戰應注意各點電十七年一月二十六日

據各方探報。奉軍方面主戰最力者爲吳俊聲。主張出關最力者爲張學良。吳之所以主戰者。恃其有騎兵數千。歷次作戰。未受大敗之故。張所以主張出關者。以其疊次大戰損失過甚之故。我軍各將領對於騎兵作戰。應行注意之點。茲條列於下。(一)騎兵之特能在衝力與速力。我軍於配備上。應注意集結。兵力萬不可分散太過。如敵騎接近我陣地時。各官兵務要十分沉着發揚。我火力以殲滅之。並須利用迫砲及山砲以擊敵騎之空馬。(二)敵人用意。在利用其大部騎兵繞我後方。用全力襲擊一點。破壞交通。截斷接濟。故我軍應於後方各重要地點。配置重兵。多留縱長。以防奇襲。(三)鐵路線上。應有指

定之鋼甲車專資保護巡查之責以防敵人破壞（四）騎兵與敵騎相遇時若我有優勢兵力即驅逐或消滅之如敵之兵力優勢則力戒與之決戰尤須注意查明敵騎之速度及衝擊力之程度將彼我之長處短處一一明白利用我之長處以攻敵之短處彼此徒步戰尤須注意迫擊砲之迅速使用之方法爲要以上各條望轉飭所屬萬分注意細心研究遵照實行。

通令明白敵軍長短並練習槍刺大刀長矛電十七年一月二十七日

今茲所示關係極大爲全軍勝敗所關極重極要之事各將領各級官長及目兵夫均須切實注意努力實行我軍大舉北伐與敵決戰當明白敵人之長處短處敵之長處即大砲重迫擊砲飛機是也其短處即未受過主義訓練缺乏戰鬥精神官兵惟利是圖無精神教育兵心不固是也以三省及三特別區之兵力舉而攻晉時逾四月不下傷亡至六萬餘人十氣大喪且官兵均懷畏死

之心。無白兵戰之能力。我軍利在活用兵力。出敵不意。尤在發揮精神上之長處。用白兵戰破敵。此間對於刺刀矛子大刀等。已百般設法準備補允。各該總指揮軍長師長等。應親身苦下身子。督飭官兵練習三事。(一)使用槍刺各法。(二)使用大刀各法。(三)使用長矛各法。此三事爲殺敵要訣。勝敵妙法。各官兵須知戰鬥決勝負。全在衝鋒肉搏。若我將刺槍大刀長矛三項練得極精極熟。藝高人膽大。敵人愈近則我長處愈見。官兵之膽氣愈壯。反觀敵人方面。無白兵戰之能力者。見我愈接近。膽愈怯。心愈餒。此次在蘭封打仗。敵人接近時。見我軍一。亮。白。刃。莫。不。回。頭。望。影。而。走。可。爲。明。證。各。官。兵。對。于。此。三。事。應。萬。分。注。重。認。真。操。練。余。當。隨。時。親。身。或。派。員。考。查。以。定。賞。罰。仰。卽。轉。飭。所。屬。官。兵。一。體。切。實。遵。照。

告孫連仲馮治安注重工事電

十七年三月九日

刻值大戰在卽。工事尤關重要。我方陣地務須構成數線。萬分堅固。一道。一道。連挖。三道。深溝。高壘。嚴密。固守。令敵。人不敢犯。不能犯。務爲不可勝。以待敵之可勝。須知敵。人兵器。唐克車等。不但多。而且新。更須萬分研究。問答。用知識。方法。構成陣地。蓋能守。而後能攻。實古今不易之理。該總指揮。該軍長等。卽切實研究。遵辦。並將辦理情形。具報備核爲要。

令各將領應知敵我長短電

十七年三月十日

我軍卽日大舉北進。掃清軍閥。預料必有數場劇戰。此次決戰之勝負。關係革命之成敗。卽關係國家之存亡。應萬分準備。將敵我兩方之長處短處。預先考察。明白設法。利用我之長處。以攻敵之短處。方能勝敵。茲將敵我之長處短處。分條列左。(甲)敵之長處。器械稍良。子彈較多。(乙)敵之短處。無主義。無犧牲精神。官兵之體力弱。專以升官發財爲念。害怕打仗。無訓練。無軍紀。份子。

復。雜。臨。難。不。相。救。指。揮。不。統。一。(丙)我之短處。惟器械子彈不若敵之充足。
(丁)我之長處。是官兵之體力強明白主義不怕死不愛錢知作戰爲救國。
救民非爲個人謀利益肯犧牲團結鞏固指揮統一以上爲敵我之長短處。
應用我之長破敵之短避敵之長藏我之短其實行之方法如次。(一)節省
子彈須知千金一粒來路極難務要萬分節省不准浪費一彈須視爲性命根
基。瞄不準不放打不中不放不到四百米達不放更應于平時努力練習射擊
(二)注意戰術上之佈置避實擊虛出其不意攻其無備惟有訓練並指揮
統一乃能談到戰術指揮不統一無訓練則雖有良好之戰術亦不能實行故
必用我之長於戰術上以求勝也。(三)用白兵戰衝鋒肉搏摧破敵陣主義薄
弱體力不充者能遠戰不能近戰我若以白刃與敵決戰敵必狼狽而奔。(四)
注意工事深溝高壘滅殺敵火效力敵雖有利器亦無所施。(五)敵人士
氣不固夜戰無上官之督責必易驚走故我宜用夜襲以破敵人。(六)陣地

前。多。理。地。雷。及。設。障。碍。物。以。挫。其。鋒。(七) 攻。擊。時。可。併。力。擊。其。一。點。及。多。用。疑。兵。以。威。脅。之。因。其。份。子。複。雜。不。能。互。相。救。援。即。相。救。援。亦。必。費。極。長。之。時。間。而。我。已。破。敵。矣。(八) 最。要。者。敵。人。無。訓。練。其。氣。浮。其。體。力。不。充。我。軍。與。敵。相。遇。第。一。步。務。須。堅。陣。以。待。之。與。之。持。久。待。其。力。疲。氣。衰。然。後。以。精。銳。突。擊。之。此。萬。全。必。勝。之。術。也。各。將。領。尤。須。於。治。心。治。力。治。氣。三。項。上。着。意。爲。要。

通令練習地雷電

十七年三月十一日

現。代。作。戰。是。科。學。戰。爭。是。知。識。戰。爭。決。非。全。仗。蠻。攻。所。可。制。勝。各。將。領。應。切。實。于。知。識。方。面。求。長。進。以。期。少。受。損。傷。制。勝。敵。人。地。雷。一。項。尤。爲。防。守。利。器。並。宜。練。習。各。軍。均。須。迅。速。詳。細。研。究。爆。放。法。設。置。法。及。保。藏。法。其。已。領。到。練。習。者。應。精。益。求。精。其。未。領。者。應。迅。向。軍。械。司。領。取。趕。速。學。習。大。戰。在。即。望。萬。分。努。力。研。究。使。用。切。實。遵。辦。爲。要。

告前方作戰各軍渡河方法電十七年四月八日

查直魯境內。河流極多。有碍大軍之進展。茲特將簡便渡河法。分項條列於次。

(甲) 架橋分爲架柱橋及浮橋。(一) 架柱橋。在水深一米達五十生的以下。無論水流大小。均可架設。其架設法。應在架橋點最近之樹林木廠採伐徵集。如實不時已時。附近房屋木料。及門窗板壁。亦可拆用。惟須妥洽付值。所用器具。可在附近木廠木舖等處搜集。所需人員。可用木匠及營中粗能木工者輔助之。(二) 浮橋。水深在五十生的以上。無論水之深淺。及河底性質如何。均可架設。其架設法。可徵集上下流最近民船及官船。務須多帶水手。並多備繩索。其船上面之材料。與架柱橋同。使用船時。須將船之大小相同者併列。務使架成後。水深處須較他處稍高。以免通過時發生震動。如水流太大。須在上流多投錨。或用木樁繫定。如河岸急陡。固易架設。若兩岸太低。須設架柱。或墊

碼頭（乙）徒涉。水深一米達以下。河低平坦堅硬。如徒涉時。步兵八十生的。騎兵一米達。野炮兵五十生的。山砲繫駕四十生的。駝載八十生的。大車五十生的。汽車四十生的。徒涉時其路線晝間用木桿及浮標。夜間以燈火標示之。仰卽酌察情形。遵照辦理爲要。

告鹿鍾麟等注重守城守寨守陣地電

十七年四月十二日

我軍此時與敵對峙。敵盡銳而來。其氣驕浮。我軍須一切持之以鎮靜。注重守城守寨守陣地之法。待其疲敝。然後擊之。萬不可敵人守寨而我去打。此乃反主爲客。實爲用兵所最忌。今閱鹿總司令孫總指揮報告。常有派某師去打某寨之事。實爲大錯。萬不可好大喜功。預計敵人兵力。必常有增加之後。必當有一二次猛撲。此時戰鬥之勝敗。全在能持久。不能持久。我必持久。至敵人石莊兵力悉向我移動之時。閻總司令卽可由娘子出攻石莊定州。斷其後路。故

我軍此時務須注意守城守寨。與之持久。若有敵人繞至我大軍後方者。則集合我預先控置之部隊以擊却之。不慌不忙。沉着應敵。務求在持久二字上苦下工夫爲要。切切。

告鹿鍾麟等固守陣地電

十七年四月十八

孫總指揮篠辰電悉。敵勢未衰。我軍當以持久爲不二制勝之策。現在應專意固守陣地。外有外壕。內有蓋溝。認真作工事。當佔據點式。如星羅棋布。一道一道的布置。使敵人即越入我第一線陣地。亦必令其如入陣圖中。四面發槍。不知所應。我軍並須於最後線控置勁旅爲游擊策應之兵。專伺敵人突進。我陣地圍攻。我一寨或數寨。時用以擊其側背。如此辦法。敵人雖有二十萬來。亦可不懼。昔漢高與項羽在滎陽成。卒相距三年餘。傅作義則守涿州。四月。姜明玉守曹縣。三月。閻總司令則守半載。尙從容自如。我軍官兵忠勇素著。若不

能固守彰德。豈不羞死。審料敵勢。我軍能守住十日。敵非自退不可。一則李白大軍均到。二則閻總司令已親督師攻石家莊。三則津浦線已大勝。務將此意分告各官兵一體知照。奮勇苦撐。第五師失利事。望查明報來。以憑嚴辦。盼復。

通令魏鳳樓深溝高壘勝敵電

丁七年四月二十三日

頃據彰德魏師長鳳樓養電報告。二十一日早五時。敵逆集中其砲火。向職陣地轟擊。砲彈二千餘出。房屋均塌。我官兵均避入堅固蓋溝內。一槍未還。至十時。敵以密集部隊約四百餘人。向我陣地猛攻。至距我八十米達。我機槍步槍齊發。擊斃二百餘名。敵退去。又用重砲及十五生的重迫擊砲。向我轟擊。其猛烈更甚。我官兵仍沉着不還槍。至下午五時。敵以一團之衆八百餘人。蜂擁向我陣地圍來。又被我擊斃約六百餘名。敵人紛紛潰退。計是役共斃敵人八百餘名。傷者不計其數。至晚間敵逆始終未敢來犯。砲聲亦無。我官兵傷亡數十

名。此役我官兵均抱有敵無我有我無敵之決心。與敵死拚。現益加厚我蓋溝。增修我工事。我士氣亦因更壯更沉着矣。我受損失小者。即因溝壘堅固。及官兵均明白主義之故。敵人作戰伎倆。先以猛烈之砲火壓迫我陣地。繼以步兵猛攻。於此更顯然。如能作堅固之溝壘。抵住其砲火。敵無能爲矣。等語。據此。查指揮作戰。須先能守。然後能戰。寔古今不易之理。該師長深溝高壘。斃敵無數。殊堪嘉許。除獎洋一萬元以示酌庸外。特電知照。

通令實習旗號燈號電

十七年四月廿三日

大軍作戰。信號聯絡。極關重要。查我軍對於晝間之旗號。及夜間之燈號。各部隊多不知事。先實行演習。一旦有事。必易生自相攻擊之誤會。茲特通令各軍。速由各將領親自督率。多多認真。實行演習。以免臨時自誤。仰即切實分別遵照辦理爲要。

通令各將領研究構築工事電

十八年四月二十七日

戰事最重持久。必先能守。然後方可言攻。現在火器日精。工事更宜講求。當此準備作戰期間。須要研究守城守寨辦法。各部將領。應即與所部官長詳細考究。如何構築工事。如何方能持久。定出辦法。並於各駐在之城寨。派兵晝夜趕緊加築。若兵不敷用。則添僱民夫。總之建築愈堅固。愈好。成功愈迅速。愈好。以期與敵作持久計。所有工作情形。構築計畫。並希隨時報告爲要。

告韓復榘等虛實並用電

十七年四月二十八日

感兩電均悉。該總指揮等應注意四事。(一)確實探悉敵情。何處多若干人。何處少若干人。(二)明瞭地形。何處易攻。易行。何處難攻。難行。(三)各級官長。人人須知攻敵人要旨何在。如係夜間。不但不可失迷方向。且不可自相

誤會。(四)我軍反攻時。須有假攻之一路。假攻之二路。先牽動敵人。然後用真攻之一路。二路同時動作。萬不可起初真攻。使敵人之預備軍隊。來對我真攻。所謂虛實并用者。此也。該總指揮等。須悉心研究。萬分注意爲要。

通令研究對敵騎兵戰術電

十七年四月二十九日

河北敵人。增防日急。大戰之期。卽在目前。此時各該總司令。總指揮。軍長等。應趕速努力。研究破敵戰術。務須計出萬全。以免臨時倉皇。茲有應行注意者二點。(一)查晉軍前次在京漢路線作戰。前線已至保定。因由石家莊至保定戰線太長。被敵人用騎兵從側翼抄襲。至石家莊。致歸失敗。此次敵人在順德以南。又增加騎兵甚多。或不免沿用對晉故智。由側翼抄襲我軍後方。或謀襲擊我軍各級司令部。各將領宜特別注意。控置大預備隊辦法。(二)騎兵在作戰時。雖能利用其速力及衝力。攻擊側翼。然一遇河流及斷絕地。或道路。

不良時則完全失其效力。故我軍刻宜研究用步兵對騎兵之戰術。以備應敵。如敵人企圖破壞我軍後方交通。即可用鋼甲車在鐵道來回巡梭。以資防止。切實研究。是爲至要。

通令對敵應注意各事電

十七年四月三十日

茲將對敵應注意之事。條示如下。(一)敵軍無論攻防。多用突破中央。或一翼我軍。必須有縱深之配備。(二)敵軍當激戰時。每以一部砲兵對我軍第一線之後方。出入口集中射擊。我軍各預備隊之位置。必須注意。能避敵火。敵眼及交通便利之地。以便進出容易。(三)敵軍多用砲火。宜於遠戰。我軍必須利用暗夜。接近多行襲擊。(四)敵軍在宿營地。所有各部隊隊號。多用英文字母。及羅馬字之軍險符號。以爲標識。我軍偵探人員。必須稍知英文字母及數字。方易探知兵種。(五)敵軍之大砲。概塗以土色。偵察時宜注意。以上

各條。仰卽通飭所屬注意辦理爲要。

告各將領各種作戰法利害電 十八年五月四日

查戰。勝。攻。取。之。道。要。在。計。劃。綿。密。顧。慮。周。詳。兵。法。所。云。多。算。勝。少。算。不。勝。者。卽此之謂也。我軍前此各戰役。所向克捷。戰無不勝者。固由於官兵明白主義。勇於犧牲。而各將領之審慎籌劃。算無遺策。亦實其主因也。茲再將作戰利害之籌算。畧舉數端如次。以爲各將領告。(一)兩軍遭遇作戰。角逐於廣袤之野。雙方地勢相等。其損失亦相等。故其利害各半。惟處置迅速。運動敏捷者。能獲勝利。(二)利用村寨堅固防守。敵人來攻。極感困難。我若傷亡百人。時則敵人至少須傷亡五六百人。之鉅。故拒守村寨。常較攻者有五倍之利。去年彰德之役。奉軍每攻一村。須有五六百人。之傷亡。卽一例也。(三)構築堅固堡壘。陣地沈着防守。與敵作持久戰。待其來攻。從容應付。恐其損失較我多。至十

倍之衆時亦難奏效。故利用堅固陣地與敵作戰常有十倍之利。(四)戰時故露弱點於正面誘敵前進而以大部兵力或以便衣隊埋伏兩側俟敵進至相當地點時抄其後路節節擊破可一舉而殲之。此種戰法常有百倍之利。仰各轉飭所屬切實研究講解勿忽爲要。

告各將領作戰經驗電

十七年五月九日

茲將此次我軍大戰綜合前方作戰所得經驗畧述如下。(一)宜避正面攻擊多用繞攻佯攻常能出奇制勝以少勝多。(二)開始射擊宜在最近距離之時沈着行之既能節省彈藥其取效亦最大。(三)無論攻擊防禦之時均宜深溝高壘以禦敵鋒並乘敵疲而猛攻之。(四)防禦時宜利用遊擊隊或便衣隊東馳西突使敵人不能捉摸疲於應付而後出擊之。(五)騎兵之動作能神出鬼沒乘敵不備斷其歸路獲效尤著。(六)各級指揮官能時時鼓

勵士氣。使各抱。有敵無我。有我無敵之決心。與敵拚命奮鬪。毫不懈怠。終能獲最後之勝利。(七)近今因敵火之猛烈。宜用夜襲。或拂曉戰。以求成功。(八)大軍作戰。陣線延長。至數千里。宜有互助精神。協同動作。以求戰事之進展。(九)注重縱長。配備尤須多控。置預備隊。以策應各方。(十)戰時必須廣派幹探。多方搜索敵情。尤不可忽。(十一)無論行軍駐軍。均宜嚴密警戒。以防不測之虞。以上各條。望各將領宜本斯旨。詳加研究。精益求精。俾能早收破敵之效。是爲至要。

告孫良誠等注意三事電

十七年五月十五日

孫總指揮良誠弟。並轉朱總指揮益之兄。方總指揮叔平兄。賀總指揮貴嚴兄。劉總指揮雪亞弟鑒。據各方確報。敵人已退到保定河間滄州鹽山歧口一帶。敵之三四方面軍。配置在保定河間之間。二七方面軍張褚兩逆所部。配置在

河間滄州之間孫傳芳殘部配置在滄州鹽山岐口之線。我軍此時進攻。須俟通盤籌畫。各部軍須查明敵情動作。以一部在前方與敵人保持接觸。切實監視。搜索主力均在後方集結待機動作。應切實注意三事：（一）構作工事。先求至固以備敵猝然反攻。（二）整頓部隊。力求整齊。（三）津浦路上對於敵之鐵甲車務須特別設法破之。望卽照辦爲要。

通令全軍應努力辦理三事電

十七年六月四日

我國叠受帝國主義之壓迫。以致國事日危。國恥日深。非認真訓練軍隊。不足以救國家。保種族。茲將應行努力辦理者數事。條列於下：第一。須切實訓練官長之戰術知識。我軍大戰經年。各級官長升遷太快。未受過嚴格訓練。戰術知識太差。臨陣指揮。毫無把握。甚至無所措手足。危險太大。各將領均應設法增進各級官長之戰術知識。然後可言練兵。第二。各級官長應趕速將不關實戰。

之。教。練。除。去。有。了。功。夫。即。練。習。瞄。準。及。戰。鬪。教。練。第。三。對。於。友。軍。官。兵。要。謙。下。和。平。說。話。不。可。驕。傲。因。好。炫。己。之。長。好。議。人。之。短。皆。足。以。招。怨。尤。而。失。和。氣。也。

通令各官兵將領注意研究電學電

十七年十二月七日

電。氣。一。項。在。戰。爭。上。用。途。甚。大。各。官。兵。須。十。分。努。力。講。究。迭。經。誥。誡。在。案。嗣。後。各。師。旅。個。個。官。兵。對。於。電。報。電。話。無。線。電。報。電。網。及。各。種。電。雷。等。項。須。仔。細。研。究。務。力。求。明。白。清。楚。必。須。能。應。用。能。破。壞。否。則。不。明。白。不。清。楚。非。但。不。能。破。壞。敵。人。並。自。己。亦。不。能。用。危。險。萬。分。仰。即。督。飭。所。屬。即。日。講。究。余。隨。時。派。人。考。查。分。別。獎。懲。特。電。遵。照。

令現代戰爭爲科學化學機器戰爭電

十七年十二月八日

歐。戰。以。後。戰。術。兵。器。等。均。已。更。新。與。以。前。大。不。相。同。兵。器。則。機。關。槍。爲。主。攻。擊。則。成。千。成。萬。之。唐。克。車。爲。之。防。守。則。以。各。種。電。雷。電。網。極。寬。極。深。之。溝。塹。爲。主。

空中則用數千架之飛機。水中則用海面不見之潛水艇。一切均與前不同。實科學戰爭。化學戰爭。機器戰爭。決非大刀戰爭之時代也。當歐戰曾有時某英人謂。興登堡與福煦元帥。不過爲機關槍之隨從。而英相路得喬治。則僅機關槍坦克之奴隸。此說實足表明現代戰爭特色。茲將各官長應注意事件列舉如次。(一)步兵宜少不宜多。應節省此項軍費。製造機關槍。製造唐克車。(二)電話電報電雷電網。不但個個官佐須學。須會。並要造就多數之專門人才。(三)以上二條。李副監督與中須努力辦理。(四)各師人數必須認真刷新汰弱。留強認真點名。以上所言。均目前最切要者。仰即通飭所屬。切實辦理。爲要。

馮玉祥軍事要電彙編

戰術

三四

